

UNIVERSITARIA

BIBLIOTECA



ALESSANDRINA

ROMA

G. F. 62

1847

Y.h.i4.



Io. Batta Gaulli delin.

Arnoldo van Westerhout sculp.




[Faint, illegible handwritten text at the bottom of the page]

V I T A
S. FRANCISCI

A' DIVO
BONAVENTURA

Cælesti stylo , & eloquentia
composita ,

Ac primo Typis tradita nunc è tenebris,
in quibus diù latuit publicæ luci ,
& vtilitati restituta zelo , &
opera Confratrum Sa-
crorum Stigmatum
de Vrbe .



ROMÆ , Typis Reu. Cam. Apost. 1686.


Superiorum permissu .

Ex Legato Josepho Campani. J.V. A.

Imprimatur .

Si videbitur Reuerendiss. P. Magistro Sac.
Palatij Apostolici .

I. de Angelis Archiep. Vrbini Vicesgerens .



Imprimatur .

Fr. Ioseph Clarionus Ord. Præd. ac Re-
uerendissimi P. Magistri S.A.P. Socius.



[Faint, illegible text, possibly a library or archival mark.]

[Faint, illegible text, possibly a library or archival mark.]

[Faint, illegible text, possibly a library or archival mark.]

SERAPHICE PATER.



VM humana conditionis fragilitas prona sit semper ad malum, necesse est, ut Nos certis quibusdam, & praordinatis Diuina Pietate, ac Prouidentia temporibus Sanctorum Virorum vitam, vel praesentem oculis intuentes, vel praeteritam, & à maioribus Nostris conscriptam legentes, eorum virtutibus, & exemplis mores nostros componamus, & ad Christianae disciplinae, & Euangelicae perfectionis regulam reformemus. Quamobrem Sanctissime Praeceptor Noster mirabilis Vita tua à Diuo Bonauentura olim in lucem edita, & haecenus paucis cognita, ac in obliuione sepulta, nunc per Nos typis redditur, & iterum publico bono rediuiua prodit in lucem, eamque tibi dicamus, & offerimus, hoc est, Te Tibi imò, quod verius est, toti Orbi Christiano Te reddimus, eo consilio, & voto, ut ex imitatione non minus, quam ex lectione Vitae tuae

in

*in omnium fidelium cordibus spiritus tuus re-
uiuifcat, & quæ te pefcit in Christianis pectō-
ribus Charitas exardescat. Nobis autem, quos
Sacrorum tuorum Stygmatum cultus in hunc
cætum tuo Nomini deuotum congregauit, &
quibus tuæ protectionis, tuique amoris pretio-
sum pignus, tuum sanguinem in Ecclesia no-
stra venerandum tradidisti. Nobis præcipuè
pateant tua viscera per tua vulnera, ex qui-
bus sentiamus egredi ignita iacula Diuini Amo-
ris, quo inflammentur corda nostra, & qui
lateat quidem sub cinere humilitatis ad custo-
diam, sed luceat proximo nostro ad exemplum,
ut digni filij tui per Charitatem, & humilita-
tem in Terris effecti, consortes gloriæ tuæ fieri
mereamur in Cælis.*

Humillimi, & Deuotissimi filij tui

Confratres Sacrorum Stygmatum.

I

P R O L O G V S.

*Incipit legenda maior composita per
S. Bonauenturam de Vita Beati
Patris nostri Francisci.*



PPARUIT gratia Dei
Saluatoris nostri diebus
istis nouissimis in seruo suo
Francisco omnibus verè
humilibus, & sanctæ pau-
pertatis amicis: qui super-
affluentem in eo Dei misericordiam ve-
nerantes: ipsius erudiuntur exemplo, im-
pietatem, & sæcularia desideria funditus
abnegare, Christo conformitèr viuere, &
ad beatam spem desiderio indefesso sitire.
In ipsum namque vt verè pauperculum,
& contritum: tanta Deus excelsus beni-
gnitatis condescensione respexit, quod
non solum de mundialis conuersationis
pulvere suscitauit egenum: verùm etiam
euangelicæ perfectionis professorem, du-
cem, atque præconem effectum, in lu-
cem dedit credentium: vt testimonium

A

perhi-

perhibendo de lumine, viam lucis, & pacis ad corda fidelium Domino præpararet. Hic etenim quasi stella matutina in medio nebulæ, clavis vitæ micans, & doctrinæ fulgoribus, sedentes in tenebris, & vmbra mortis irradiatione præfulgida direxit in lucem, & tanquam arcus refulgens inter nebulas gloriæ, signum in se dominici fœderis repræsentans, pacem, & salutem euangelizauit hominibus, existens & ipse Angelus veræ pacis; secundum imitatoriam quoque similitudinem præcursoris destinatus : à Deo : vt viam parans in deserto altissimæ paupertatis tam exemplo, quam verbo pœnitentiam prædicaret : primùm supernæ gratiæ præuentus donis ; dehinc virtutis inuictæ adauctus meritis prophetali quoque repletus spiritu : necnon & Angelico deputatus officio : incendioque Seraphico totus ignitus : & vt vir ierarchicus curru igneo fursum vectus : sicut ex ipsius vitæ decursu luculentè apparet : rationabiliter comprobatur venisse in spiritu, & virtute Eliæ . Ideoque alterius amici sponsi Apostoli, & Euangelistæ Ioannis vaticinatio-

natione veridica sub similitudine Angeli
ascendentis ab ortu Solis, signumque Dei
viui habentis astringitur non immerito desi-
gnatus . Sub apertione namque sexti si-
gilli vidi : ait Ioan. in Apocalipsi alterum
Angelum ascendentem ab ortu Solis ha-
bentem signum Dei viui . Hunc Dei nun-
cium amabilem Christo : imitabilem no-
bis , & admirabilem Mundo : seruum Dei
fuisse Franciscum indubitabili fide colli-
gimus, si culmen in eo eximiae sanctitatis
aduertimus , qui inter homines viuens
imitator fuit puritatis Angelicæ , qua &
positus est perfectis Christi sectatoribus
in exemplum . Ad quod quidem fideliter
sentiendum, & piè non solum inducit offi-
cium , quod habuit vocandi ad fletum, &
placatum : caluicium , & cingulum sacci ,
signandique thau super frontes virorum
gementium, & dolentium signo pœniten-
tialis crucis , & habitus cruci conformis :
verùm etiam irrefragabili veritatis testi-
ficatione confirmat signaculum similitu-
dinis Dei viuentis, Christi videlicet Cru-
cifixi, quod in corpore ipsius fuit impres-
sum : non per naturæ virtutem , vel inge-

nium artis, sed potius per admirandam
potentiam spiritus Dei viui. Ad huius
tàm venerabilis viri vitam omni imitatio-
ne dignissimam describendam: indignum,
& in sufficientem me sentiens: id nulla-
tenus attentassem nisi me fratrum feruens
incitasset affectus generalis quoque Capi-
tuli concors induxisset instantia, & ea
quam ad Sanctum Patrem habere tencor
deuotio compulisset: vtpotè qui per ipsius
inuocationem, & merita in puerili ætate
sicut recenti memoria teneo à mortis fau-
cibus erutus, si præconia laudis eius ta-
cuero sceleris timeo argui: vt ingratus.
Est & hæc penès me causa præcipua hunc
assumendi laborem, vt ego qui vitam cor-
poris, & animæ à Deo mihi conseruatam
recognosco per ipsum, & virtutem eius in
me ipso expertus agnoui: vitæ illius vir-
tutes actus, & verba quasi fragmenta
quædam partim neglecta, partimque dis-
persa: quamquam plenè non possem: vt-
cumque colligerem, nè morientibus ijs,
qui cum famulo Dei conuixerant, depe-
rissent. Vt igitur vitæ ipsius veritas ad
posterios transmittenda certius mihi con-
staret,

staret, & clariùs: adiens locum originis: conuersationis, & transitus viri sancti cum familiaribus eius adhuc superuiuentibus collationem de ijs habui diligentem, & maximè cum quibusdam, qui sanctitatis eius, & conscij fuerunt, & sectatores præcipui, quibus propter agnitam veritatem, probatamque virtutem fides est indubitabilis adhibenda. In descriptione autem eorum, quæ per seruum suum Deus dignantèr effecit: curiosum styli ornatum negligendum esse putavi, cùm legentis deuotio plus simplici sermone, quàm phalerato proficiat. Nec semper historiam secundùm ordinem temporis texui propter confusionem vitandam, sed potiùs ordinem seruare studui magis aptæ iuncturæ, secundùm quod eodem peracta tempore diuersis materijs, vel diuersis patrata temporibus eadem materiæ congruere videbantur. Initium autem vitæ ipsius progressus, & consumatio quindecim distincta Capitulis describuntur inferius annotatis.

Agitur enim primò de conuersatione ipsius in habitu sæculari.

Secundò, de perfectà conuerfione eius ad Deum, & de reparatione trium Ecclesiarum.

Tertiò, de institutione Religionis, & approbatione Regulæ.

Quartò, de profectû Ordinis sub manu ipsius, & confirmatione Regulæ priùs approbatæ.

Quintò, de austeritate vitæ, & quomodo creaturæ præbebant ei solatium.

Sextò, de humilitate, & obedientia, & de condescensionibus diuinis sibi factis ad nutum.

Septimò, de amore paupertatis, & mira suppletionem defectuum.

Octauò, de pietatis affectu, & quomodo ratione carentia affici videbantur ad ipsum.

Nonò, de feruore charitatis, & desiderio martyrij.

Decimò, de studio, & virtute orationis.

Vndecimò, de intelligentia scripturarum, & spiritu prophetiæ,

Duodecimò, de efficacia prædicandi, & gratia sanitarum.

Deci-

Decimotertiò , de stigmatibus sacris .

Decimoquartò , de patientia ipsius , & transitu mortis .

Decimoquintò , de Canonizatione , & translatione ipsius . Postremò de miraculis post transitum eius fælicem ostensis aliqua subnectuntur .

Explicit Prologus .

C A P V T I.

*De conuersatione eius in habitu
seculari .*

*Incipit Vita Beati Francisci . Et primo de
conuersatione eius in habitu seculari .*

VIr erat in ciuitate Assisij Franciscus nomine , cuius memoria in benedictione est : pro eo quod Deus ipsum in benedictionibus dulcedinis benignè præueniens , & de præsentis vitæ periculis clementer eripuit , & cœlestis gratiæ donis affluenter impleuit . Etenim cùm inter vanos fuerit hominum filios iuuenili ætate nutritus in vanis , & post aliqualem

litterarum notitiam lucratis mercatorum deputatus negocijs superno tamen sibi assistente præsidio; nec inter lasciuos iuuenes (quamuis effusus ad gaudia) post carnis petulantiam abiit, nec inter cupidos mercatores (quamquam intentus ad lucrum) sperauit in pecunia, & thesauris. Inerat namque iuuenis Franciscus præcordijs diuinitus indita quædam ad pauperes miseratio liberalis, quæ secum ab infantia crescens tanta cor ipsius benignitate repleuerat, ut iam Euangelij non surdus auditor, omni proponeret se petenti tribuere maximè si diuinum allegaret amorem. Cum autem semel negotiationis intentus tumultibus, pauperem quemdam pro amore Dei petentem eleemosynam præter morem solitum vacuum repulisset, statim ad cor reuersus cucurrit post ipsum, & eleemosyna illi clementer impensa, promisit Domino Deo, quod numquam ex tunc dum adesset possibilitas, petentibus pro amore Domini se negaret. Quod usque ad mortem indefessa pietate obseruans, copiosa in Deum dilectionis, & gratiæ incrementa promeruit.

Aie-

Aiebat enim post cum iam perfectè Christum induerat; quod etiam existens in habitu seculari vocem diuini expressiuam amoris audire vix vnquam sine cordis immutatione valebat. Porro mansuetudinis lenitas cum elegantia morum, patientia, & tractabilitas supra humanum modum, munificentiae largitas vltra suppetentiam facultatum, quibus bonæ indolis adolescens certis florere conspiciebatur indicijs, quædam videbantur esse præludia, quod copiosior super eum foret in posterum diuinæ benedictionis abundantia diffundenda. Quidam sanè vir de Assisio valdè simplex (vt creditur eruditus à Deo) cùm aliquando per ciuitatem eunti obuiaret Francisco deponebat pallium, sternebat ipsius pedibus vestimentum, asserens omni fore Franciscum, reuerentia dignum, vtpotè qui esset in proximo magna facturus, & ob hoc ab vniuersitate Fidelium magnificè honorandus. Ignorabat autem adhuc Franciscus circa se consilium Dei: pro eo quod tam iussione Patris ad exteriora distractus, quàm corruptione naturalis originis ad inferiora

ra depressus : nondum didicerat contemplari coelestia , nec assueuerat degustare diuina . Et quia spiritali auditui dat intellectum inflicta vexatio , facta est super eum manus Domini, & immutatio dexterae excelsi , diutinis langoribus ipsius corpus affligens , vt coaptaret animam ad Sancti Spiritus vnctionem . Cumque resumptis corporeis viribus , sibi vestimenta decentia more solito praeprasset, obuium habuit militem quemdam generosum quidem , sed pauperem , & malè vestitum , cuius pauperiem pio miseratus affectu illum protinus se exuto vestiuit, vt simul in vno, geminum impleret pietatis officium, quo & nobilis militis verecundiam tegeret , & pauperis hominis penuriam releuaret . Nocte verò sequenti cum se sopori dedisset Palatium speciosum , & magnum cum militaribus armis Crucis Christi signaculo insignitis clementia sibi diuina monstrauit vt misericordiam pro Summi Regis amore , pauperi exhibitam militi praeostenderet incomparabili compensandam esse mercede . Vnde & cum quæ erat cuius essent illa , omnia sua fore militum-
que

que suorum superna fuit assertione responsum. Euigilans itaque mane cum nondum haberet exercitatum animum ad diuina perscrutanda misteria, nesciretque per visibilium species transire ad contuendam inuisibilium veritatem magnæ fore prosperitatis indicium existimabat insolitam visionem. Disposuit itaque diuinæ adhuc dispositionis ignarus in Apuliam ad quemdam liberalem Comitem se conferre in ipsius sperans obsequio decus adipisci militiæ, vt ostensa sibi visio prætendebat. Cumque paulò post iter aggressus iuisset vsque ad proximam ciuitatem: Audiuit in nocte Dominum familiari sibi allocutione dicentem. Franciscus quis potest melius facere tibi: Dominus: aut seruus, diues aut pauper? cui cum Franciscus respondisset; quod tam Dominus, quàm diues facere melius potest, intulit statim. Cur ergo relinquis pro seruo dominum, & pro paupere homine diuitem Deum? Et Franciscus. Quid me vis Domine facere? Et Dominus ad eum: reuertere in terram tuam, quia visio quam vidisti spiritualem præfigurat effectum,

ctum, non humana sed diuina in te dispositione complendum. Mane itaque factum festinatione reuertitur versus Assisium securus & gaudens, & iam exemplar obedientiæ factus, expectabat Domini voluntatem. Ex tunc à publicæ negotiationis tumultu se subtrahens: supernam deuotè precabatur clementiam, vt quid sibi foret agendum ostendere dignaretur. Cum autem ex frequenti orationis vsu flamma desiderij cœlestis in eo vehementer succresceret, & iam pro amore supernæ patriæ terrena omnia despiceret quasi nihil, thesaurum sentiebat se reperisse absconditum, ac velut prudens negotiator margaritam inuentam, excogitabat venditis omnibus comparare. Adhuc tamen qualiter id ageret ignorabat, nisi quia ipsius suggerebatur spiritui; quòd spiritualis mercatio à Mundi contemptu sumat initium, Christique militia sit à sui ipsius victoria inchoanda. Quadam itaque die dum equitaret per planiciem, quæ subiacet ciuitati Assisij leprosum quendam habuit obuium cuius inopi natus occursum ei non paruum incussit hor-

rorem . Recurrens autem ad perfectionis mente iam conceptæ propositum , & recolens, quod seipsum deberet primum devincere si vellet effici Christi miles, ad deosculandum eum equo lapsus accurrit . Cui cum manum quasi aliquid accepturus leprosus protenderet, pecuniam cum osculo reportavit . Statim autem equum ascendens , & se circumquaque convergens , cum campus pateret undique liber leprosum illum minimè vidit . Admiratione itaque repletus , & gaudio , laudes cœpit Domino decantare devotè, proponens ex hoc semper ad maiora conscendere . Solitaria proinde loca quærebat amica mœroribus, in quibus dum gemitibus inenarrabilibus incessanter intenderet. Post longam precum instantiam à Domino meruit exaudiri. Dum enim vna dierum sic sequestratus oraret, & præ nimietate feruoris totus esset absorptus in Deū : apparuit ei Christus IESVS velut cruci confixus . Ad cuius conspectum liquefacta est anima eius , & memoria passionis Christi visceribus cordis ipsius adeò impressa medulitus, ut ab illa hora cum

Chri-

Christi crucifixio veniret in mentem : vix posset à lachrymis, & gemitibus exterius continere, sicut ipse postmodum familiariter retulit, cum appropinquaret ad finem. Intellexit per hoc nempè vir Dei illud euangelicum sibi dici. Si vis venire post me, abnega te ipsum, & tolle Crucem tuam, & sequere me. Induit ex tunc spiritum paupertatis, humilitatis sensum, & affectum intimæ pietatis. Nàm cum prius leprosum non solum consortium verum etiam longinquum contuitum vehementer horreret : iam propter Christum crucifixum, qui iuxta verbum propheticum contemptibilis vt leprosus apparuit, vt semetipsum plenè contemneret : humilitatis, & humanitatis obsequia leprosis benefica pietate præstabat. Visitabat enim frequenter domos ipsorum, liberaliter eis elemosynas erogabat, & cum multo compassionis affectu, manus eorum osculabatur & ora. Pauperibus etiam mendicantibus non solum sua, verum etiam seipsum cupiebat impendere aliquando vestimenta exuens, aliquando diffuens, aliquando scindens ad largien-

giendum eis cū præ manibus alia non haberet . Sacerdotibus etiam pauperibus reuerenter subueniebat & piè , præcipuè in ornamentis Altaris, quo & cultus diuini particeps fieret, & cultorum inopiæ supplementa præberet . Cū autem religiosa deuotione tunc temporis limina uisitaret Apostoli Petri, conspecta multitudine pauperum ante fores Ecclesiæ præsentis pietatis ductus dulcedine, præsertim paupertatis allectus amore, vni ex eis magis egenti proprias largitus est vestes, & semicinctijs contactus illius, diem illum in medio pauperum cum insolita spiritus iucunditate transegit, vt & secularem gloriam sperneret, & ad perfectionem euangelicam gradatim conscendendo perueniret. Mortificationi carnis inuigilabat attentius, vt Christi Crucem, quam interius ferebat in corde, exterius etiam circumferret in corpore . Agebat autem hæc omnia vir Dei Franciscus nondum habitu, vel conuictu sequestratus à Mundo .

*De perfecta conuerfione eius ad Deum,
& de reparatione trium
Ecclefiarum.*

C A P V T II.

QVoniam autem Seruus altissimi do-
ctorem non habebat aliquem in-
huiusmodi, nisi Christum addidit
adhuc ipsius clementia eum in gratiæ vi-
sitare dulcedine. Dum enim die qua-
dam egressus ad meditandum in agro
deambulet iuxta Ecclesiam S. Damiani,
quæ minabatur præ nimia vetustate rui-
nam, & in eam instigante se spiritu causa
orationis intrasset prostratus ante imagi-
nem Crucifixi, non modica fuit in orando
spiritus consolatione repletus. Cumquæ
lachrymosis oculis intenderet in domini-
cam Crucem vocem de ipsa Cruce dilap-
sam ad eum corporeis, audiuit auribus
ter dicentem. Francisce vade, & repara
domum meam, quæ vt cernis tota destrui-
tur: tremefactus Franciscus, cum esset in
Ecclesia solus, stupet ad tam mirandæ vo-
cis auditum, cordequæ percipiens Diuinum
vir-

virtute eloquij mentis alienatur excessu .
In se tandem reuerfus ad obediendum se
parat , & totum se recolligit ad perficien-
dum mandatum de materiali Ecclesia re-
paranda : licet principalior intentio verbi
ad eam ferretur , quam Christus suo san-
guine acquisiuit , sicut eum Spiritus San-
ctus edocuit , & ipse postmodum Fratri-
bus reuelauit. Surrexit proinde, signo cru-
cis se muniens , & assumptis pannis vena-
libus , ad ciuitatem ; quæ Fulgineum di-
citur , festinus accessit , ibique venditis ,
quæ portauerat , equum , cui tunc insede-
rat felix Mercator assumpto pretio dere-
liquit . Rediensque Assisium , Ecclesiam ,
de cuius reparatione mandatum accepe-
rat reuerentèr intrauit , & inuento illic
Sacerdote pauperculo , ei reuerentiam de-
centem exhibuit , & ad reparationem Ec-
clesiæ , & pauperum vsum pecuniam obtu-
lit , & vt secum se morari pateretur ad
tempus humilitèr requisivit . Acquieuit
Sacerdos de mora ipsius , sed timore pa-
rentum pecuniam recusauit . Quàm verus
pecuniarum contemptor in quandam fe-
nestram projiciens , abiectum velut pul-

uerem vilipendit. Moram autem faciente Seruo Dei cum Sacerdote prædicto, cum hoc intellexit Pater ipfius: perturbatus animo cucurrit ad locum. At ipfe quia nouus Chrifti erat athleta, cum audiret perfequentium minas, & eorum præfentiret aduentum dare locum iræ volens, in quadam occulta fouea fe abfcondit, in qua diebus aliquibus latitando rogabat Dominum inceffantèr lachrymarum imbre perfufus, vt liberaret de manibus perfequentium animam fuam, & pia, quæ inſpirauerat vota benigno fauore completeret. Igitur exceffiuâ quadam completus lætitiâ cœpit de puſillanimitatis ignauia ſemetipſum arguere, relictâque fouea, & abiecto pauore verſus ciuitatem Aſſiſij iter aggreſſus eſt. Quem cum Ciues cernerent facie ſqualidum, & mente mutatum, ac per hoc alienatum putarent à ſenſu, luto platearum, & lapidibus imperebant, & tamquam infano, & dementi clamorofis vocibus inſultabant. Famulus autem Domini nulla fractus, aut mutatus iniuria, vt ſurdus in omnibus pertranſibat. Cumquè claudrem huiusmodi Pater au-

diſſet:

disset: statim accurrens non ad liberandum eum, sed potius ad perdendum omni miseratione subtracta pertractum domi, primò verbis, deindè verberibus, & vinctulis angit. Ipse autem ad exequendum Domino, quod cœperat promptior ex hoc, & validior reddebatur: recolens illud Euangelij verbum: Beati, qui persecutionem patiuntur propter iustitiam, quoniam ipsorum est regnum Cœlorum. Post modicum verò tempus Patre à patria discedente Mater eius factum mariti non approbans, & inflexibilem filij constantiam emolliri posse non sperans à vinctulis absolutum abire permisit. At ipse gratias Omnipotenti Deo referens: ad locum in quo priùs fuerat, est reuersus. Rediens autem Pater, & eum non inueniens domi: conuitijs illatis vxori fremens cucurrit ad locum, vt si eum reuocare non posset: saltèm de Prouincia effugaret. Franciscus verò confortatus à Deo obuium vltro se obtulit Patri furenti libera voce clamans se pro nihilo ducere vincula, & verbera eius: insuper & contestans se pro Christi nomine gaudenter mala omnia subiturum,

videns itaque Pater, quod eum reuocare non posset ad extorquendam pecuniam se conuertit. Qua tandem inuenta in fenestella quadam: aliquantulum ipsius mitigatus est furor auaritiæ siti utcumque perhaustum pecuniæ temperata. Tentauit deinde Pater carnis filium gratiæ pecunia iam nudatum ducere coram Episcopo Ciuitatis, vt in ipsius manibus facultatibus renuntiaret paternis, & omnia redderet, quæ habebat. Ad quod faciendum se promptum exhibuit verus paupertatis amator. Perueniensque coram Episcopo, nec moras patitur, nec cunctatur de aliquo, nec verba expectat, nec facit, sed continuò depositis omnibus vestimentis, restituit ea Patri. Inuentus est autem tunc vir Dei cilicium habere ad carnem subuestibus delicatis. Insuper ex admirando feruore, spiritu ebrius, reiectis etiam fœmoralibus, totus coram omnibus denudatur, dicens ad Patrem vsque nunc vocauit te Patrem in terris: amodo autem securè dicere possum: Pater noster qui es in Cælis, apud quem omnem thesaurum reposui, & omnem spei fiduciam collo-

collocaui; hoc cernens Episcopus, & admirans tam excedentem in viro Dei feruorem protinùs exurrexit, & inter brachia sua illum cum fletu recolligans: vti erat vir pius, & bonus: pallio, quo erat amictus operuit, præcipiens suis, vt aliquid sibi darent ad membra corporis contegenda: oblatus est autem ei mantellus pauper, & vilis cuiusdam agricolæ seruiantis Episcopi. Quem ipse gratantèr suscipiens, cum cemento, quod sibi occurrit ad modum Crucis manu propria consignauit: operimentum formans ex eo crucifixi hominis, & pauperis seminudi. Sic igitur Seruus Regis Altissimi nudus relictus est, vt nudum sequeretur crucifixum Dominum, quem amabat: sic utique Cruce munitus, vt animam suam ligno salutis committeret, per quod de Mundi naufragio saluus exiret. Solutus exinde Mundi contemptor à vinculis mundanarum cupidinum: Ciuitate relictâ securus, & liber secretum solitudinis petijt, vt solus, & silens supernæ audiret allocutionis arcanum. Dumquè per syluam quandam iter faciens laudes Domino lingua

Francorum vir Dei Franciscus decantaret cum iubilo : latrones super eum ex abditis irreuerunt . Quibus ferali animo, quis esset interrogantibus , vir Dei confidentia plenus prophetica voce respondit . Præco sum magni Regis . At illi percutientes eum in defossium locum plenum, niuibz proiecerunt , dicentes : iace rustice Præco Dei . Ipse verò, recedentibus illis, exiliuit de fouea , magnoque exhilaratus gaudio : altiori cœpit voce per nemora laudes Creatori omnium personare . Et veniens ad quoddam vicinum Canobium eleemosynam petijt , vt mendicus : & recepit vt incognitus , & despectus . Indè verò progrediens , deuenit Eugubium, vbi à quodam amico pristino agnitus , & susceptus : paupere tunicula , vt Christi pauperculus est contactus . Exinde totius humilitatis amator se transtulit ad leprosos , eratque cum eis diligentissime seruiens omnibus propter Deum . Lauabat ipsorum pedes , ligabat vlcera , educabat plagarum putredinem , & sanientia abstergebat . Osculabatur etiam ex miranda deuotione vlcerosas plagas ipsorum

Euangelicus Medicus mox futurus. Propter quod tantam est à Domino consecutus virtutem, vt in spiritualibus, & corporalibus morbis mirabiliter expurgandis mirabilem efficaciam obtineret. Referam vnum de multis, quod accidit viri Dei fama postmodum latius clarescente. Cùm enim cuiusdam de comitatu Spoletano: os pariter, & maxillam morbus quidam horribilis depascendo corroderet, nec subueniri posset eidem aliquo medicinæ remedio. Contigit vt propter ipsorum Sanctorum exposcenda merita, Apostolorum visitatis liminibus de peregrinatione rediens, Seruo Dei occurreret: Cumquē præ deuotione vellet ipsius osculari vestigia: vir humilis hoc non ferens: osculari volenti pedes, osculum oris dedit. Dum autem leproforum Seruus Franciscus mirabili pietate illam plagam horribilem ore sacro contingeret: omni fugato morbo subito æger ille sanitatem recuperauit optatam. Nescio, quod horum magis sit merito admirandum, an humilitatis profunditas in osculo tam benigno, an virtutis præclaritas in miraculo

tàm ftupendo . Fundatus iam in Chrifti humilitate Francifcus ad memoriam reducit obedientiam fibi è Cruce iniunctam de S. Damiani Ecclefia reparanda , & tanquam verus obediens Affiffum redijt , vt faltèm mendicando voci Diuinæ pareret . Depositaque omni verecundia propter amorem pauperis crucifixi : mendicabat apud eos inter quos abundare solebat : debile corpus attritum ieiunijs oneribus lapidum fupponendo . Prædicta igitur Ecclefia iuuante fe Domino , & deuotione Ciuium affiftente refeâta , nè poft laborem corpus torperet ignauia : tranftulit fe ad reparandam Ecclefiam quandam Beati Petri longius à Ciuitate diftantem ob deuotionem fpecialem , quam ad Apoftolorum Principem finceræ fidei puritate gerebat : hac tandem Ecclefia confumata peruenit ad locum , qui portiuncula dicitur , in quo Ecclefia Beatiffimæ Virginis Genitricis Dei antiquitus fabricata extiterat , fed deferta tunc à nemine curabatur . Quam cùm vir Dei fic derelictam confpiceret ob deuotionem feruentem , quam habebat ad Dominam Mundi ,

coepit

cœpit illic assiduè pro ipsius reparatione morari. Sentiens autem iuxtà nomen ipsius Ecclesiæ, quo ab antiquo S. Maria de Angelis vocabatur, Angelicarum ibi visitationum frequentiam, pedem fixit ibidem propter reuerentiam Angelorum, amoremque præcipuum Matris Christi. Hunc locum vir Sanctus amauit præ cæteris Mundi locis: hinc etenim humiliter cœpit: hoc virtuosè profecit: hoc feliciter consumauit: hunc in morte fratribus, tanquam Virgini carissimum commendauit. De hoc Frater quidam Deo deuotus ante conuersionem suam visionem viderat relatione condignam. Innumeros cernebat homines cæcitæ percussos: facie in Cœlum directæ, & genibus flexis, in huius Ecclesiæ stare circuitu, qui omnes protensis manibus in altum, lachrymabiliter clamabant ad Deum, misericordiam postulantes, & lumen. Et ecce ingens de Cœlo splendor aduenit se per omnes diffundens, qui lumen unicuique tribuit, & salutem desideratam concessit: hinc est locus, in quo Fratrum Minorum Ordo à Sancto Francisco per Diuinæ reuelationis instin-

instinctum inchoatus est. Diuinæ namque prouidentię nutu, qua Christi Seruus dirigebatur in omnibus tres materiales erexit Ecclesias, antequam Ordinem inchoans Euangelium prædicaret, vt non solum à sensibilibus ad intelligibilia à minoribus ad maiora ordinato progressu conscenderet; verum etiam, vt quid esset factururus in posterum sensibili foris opere misterialitèr persignaret. Nam instar reparatæ triplicis fabricæ ipsius Sancti Viri ducatu, secundum datam ab eo formam regulam, & doctrinam: Christi triformitèr renouanda erat Ecclesia, trinaque triumphatura militia saluandorum, sicut & nunc cernimus esse completum.

C A P V T I I I.

*De institutione Religionis, & appro-
batione Regulæ.*

IN Ecclesia igitur Virginis Matris Dei moram faciente Seruo ipsius Francisco, & apud eam, quæ concepit Verbum plenum gratiæ, & veritatis continuis insistente gemitibus, vt fieri dignaretur ad-

uoca-

uocata ipsius meritis misericordiæ concepit, ac peperit Spiritum euangelicæ veritatis. Dum enim die quodam Mis-
sam de Apostolis deuotus audiret perle-
ctum est Euangelium illud, in quo Chri-
stus Discipulis ad prædicandum mitten-
dis formam tribuit euangelicam in vi-
uendo ne videlicet possideant aurum, vel
argentum, nec in zonis pecuniam, nec
peram in via, nec duas tunicas habeant,
nec calciamenta deferant, neque virgam.
Quod audiens, & intelligens, ac memo-
riæ commendans Apostolicæ paupertatis
amicus indicibili mox perfusus lætitia,
hoc est inquit, quod cupio, hoc quod to-
tis præcordijs concupisco. Soluit proin-
de calciamenta de pedibus, deponit ba-
culum, peram reijcit, & pecuniam exe-
cratur, vnaque contentus tunicula, reie-
cta corrigia pro cingulo funem sumit, om-
nem sollicitudinem cordis apponens qua-
liter audita perficiat, & Apostolicæ recti-
tudinis Regulæ per omnia se coaptet.
Coepit ex hoc vir Dei diuino instinctu
euangelicæ perfectionis emulator existe-
re, & ad pœnitentiam cæteros inuitare.

Erant

Erant autem ipsius eloquia non inania ,
 nec risu digna; sed virtute Spiritus Sancti
 plena erant medullas cordis penetrantia ,
 vt in vehementem stuporem audientes
 conuerterent . In omni prædicatione sua
 pacem annuntians dicendo Dominus det
 vobis pacem, Populum in sermonis exor-
 dio salutabat . Hanc quippe salutatio-
 nem Domino releuante didicerat , sicut
 ipse postmodum testabatur . Vnde factum
 est , vt iuxta sermonem propheticum , &
 ipse prophetarum spiritu afflatus annun-
 tiaret pacem, prædicaret salutem, ac salu-
 taribus monitis fœderaret plurimos veræ
 paci , qui discordes à Christo prius exti-
 terant à salute longinqui . Innotescente
 itaque apud multos viri Dei tam doctri-
 næ simplicis veritate , quàm vitæ ; coepe-
 runt ipsius exemplo viri quidam ad pœ-
 nitentiam animari , & eidem reiectis om-
 nibus habitu , vitæque coniungi , quorum
 primus extitit vir venerabilis Bernardus,
 qui vocationis diuinæ particeps factus,
 Patris beati primogenitus esse promeruit,
 tam prioritate temporis, quàm priuilegio
 sanctitatis . Hic enim Serui Christi san-
 ctita-

etate comperta, ipsius exemplo disponens perfectè contemnere Mundum, ab eodem qualiter id perficeret consilium requisivit. Quo audito Dei famulus pro primæ prolis conceptu Sancti Spiritus consolatione repletus, à Deo est (inquit) hoc consilium requirendum. Intrauerunt proinde Ecclesiam Sancti Nicolai mane iam factò, & oratione præmissa cultor Trinitatis Franciscus ter Euangeliorum librum aperuit trino exposcens à Deo testimonio sanctum Bernardi propositum confirmari. In prima libri apertione illud occurrit. Si vis perfectus esse, vade, & vende omnia, quæ habes, & da pauperibus. In secunda nihil tuleritis in via. In tertia verò, qui vult venire post me, abneget semetipsum, & tollat Crucem suam, & sequatur me. Hæc est (ait vir sanctus) vita, & Regula nostra, omniumque qui nostræ voluerint societati coniungi. Vade igitur si vis perfectus esse, & perfice quæ audisti. Non multò post vocatis eodem spiritu quinque viris filiorum Francisci senarius numerus completus est, inter quos tertium sortitus est

est locum Sanctus Pater Ægidius, vir utique Deo plenus, & celebri memoria dignus hic etenim postmodum virtutum sublimium exercitatione præclarus sicut famulus Domini de seipso prædixit, quamquam esset idiota, & simplex ad excelsæ contemplationis sublimatus est verticem. Nam per multa curricula temporum sursum actionibus incessanter intentus adeò crebris in Deum rapiebatur excessibus quemadmodum, & ego ipse oculata fide conspexi, ut magis censeretur inter homines vitam Angelicam agere, quàm humanam. Illo quoque tempore cuidam Sacerdoti ciuitatis Assisij nomine Siluestro honestæ conuersationis viro, quædam à Domino fuit ostensa visio non tacenda. Cùm enim modum, & viam Francisci, Fratrumque suorum humano spiritu abhorreret, ne periclitaretur pro temeritate iudicij, respectu fuit supernæ gratiæ visitatus videbat namque in somnis totam Assisij ciuitatem à Dracone magno circumdari, præ cuius magnitudine nimia tota regio videbatur exterminio subiaceret. Contuebatur post hoc, Cru-

cem

cem quamdam auream ex ore procedentem Francisci, cuius summitas Cælos tangebat, cuiusque brachia protensa in latum vsque ad Mundi fines videbantur extendi. Ad cuius etiam aspectum præfulgidum: Draco ille teter, & horridus penitus fugabatur. Hoc dum sibi tertio monstraretur, diuinum existimans esse oraculum, Viro Dei, & Fratribus suis per Ordinem enarrauit, ac non multo post tempore Mundum relinquens vestigijs Christi, sic perfectè adhæsit, quod vitam ipsius in Ordine austenticam reddit eam, quam in sæculo habuerat visionem. Ex huius visionis auditu Vir Dei non in gloria est elatus humana, sed bonitatem Dei in suis beneficijs recognoscens, fortius animatus est ad hostis antiqui fugandam versutiam, & Crucis Christi gloriam prædicandam. Quadam autem die dum in quodam solitario loco annos suos in amaritudine recogitans deploraret; Sancti Spiritus in eum superueniente lætitiæ certificatus est de remissione plenaria omnium delictorum. Raptus deinde supra se, ac in quoddam mirandum lumen totus

tus absorptus, dilatato mentis sinu, quæ circa se, & filios suos futura erant luculenter aspexit post hoc reuersus ad Fratres: confortamini, ait, carissimi, & gaude-
te in Domino, nec quia pauci estis efficiamini tristes, neque vos terreat mea, vel vestra simplicitas, quoniam sicut mihi à Domino in veritate ostensum est in magnam multitudinem faciet nos Deus crescere, suæque benedictionis gratia multipliciter dilatabit.

Eodem quoque tempore quodam alio bono viro Religionem intrante, ad septenarium numerum viri Dei soboles benedicta peruenit. Tunc pius Pater omnes ad se filios conuocauit, & plura eis de Regno Dei, de contemptu Mundi, de abnegatione propriæ voluntatis, corporisque castigatione pronuncians, propositum suum de mittendo illos in quatuor Partes Orbis aperuit. Iam enim sterilis, & paupercula simplicitas sancti Patris pepercat septem filios, & desiderabat vniuersitatem Fidelium ad poenitentiae lamenta vocatam, Christo Domino parturire. Ite, inquit dulcis Pater, ad filios
annun-

annuntiantes hominibus pacem, prædicare poenitentiam in remissionem peccatorum. Estote in tribulationibus patientes, in orationibus vigiles, in laboribus strenui, in sermonibus modesti, in moribus graues, & in beneficijs grati, quia pro his omnibus Regnum vobis præparatur æternum. At illi coram Seruo Dei humiliter se prosternentes in terram, cum gaudio spiritus suscipiebant obedientiæ sanctæ mandatum. Ipse verò dicebat vnicuique sigillatim. Iacta cogitatum tuum in Domino, & ipse te enutriet. Hoc verbum dicere solitus erat quotiescunque Fratrem aliquem ad obedientiam dirigebat. Tunc & ipse sciens se datum alijs in exemplum, vt prius faceret, quam doceret cum vno sociorum versus vnā Orbis Partem perrexit, reliquis sex ad modum Crucis, tribus alijs Mundi Partibus deputatis. Modico autem elapso post tempore: benignus Pater caræ proles exoptans præsentiam, cum in vnum eos per se conuocare non posset: per eum orabat hoc fieri, qui dispersiones congregat Israelis. Sicque factum est, vt absque humana vo-

catione: omnes ex insperato post modicum temporis iuxta eius desiderium diuina operante clementia non sine ipsorum admiratione pariter conuenirent. Illis quoque diebus quatuor sibi adhærentibus viris honestis, ad duodenarium numerum excreuerunt.

Cernens autem famulus Christi, paulatim accrescere numerum Fratrum, scripsit sibi, & Fratribus suis simplicibus verbis formulam vitæ, in qua sancti Evangelij obseruantia pro fundamento indissolubili collocata; pauca quædam alia inseruit, quæ ad vniuniformem viuendi modum necessaria videbantur. Desiderans autem per Summum Pontificem approbati, quæ scripserat: disposuit cum illo simplicium cætu Apostolicæ Sedis adire præsentiam, de sola confisus directione diuina. Cuius desiderium Deus ex alto respiciens: sociorum animos simplicitatis suæ consideratione perterritos ostensa, Viro Dei visione huiusmodi confortauit. Videbatur siquidem ei, quod per quandam viam incederet: iuxta quam stabat arbor celsitudinis magnæ. Ad quam cum appro-

propinquasset, & sub ea stans ipsius altitudinem miraretur; subito tantum diuina virtute leuabatur in altum, vt cacumen, contingeret arboris, eiusque summa facillimè curuaret ad ima. Huius visionis præsagium Vir Deo plenus intelligens referri ad condescensionem Apostolicæ dignitatis, exhilaratus est spiritu, Fratribusque suis in Domino confortatis iter cum eis aggressus est. Cum autem ad Romanam Curiam peruenisset, & adduceretur ante conspectum Summi Pontificis, essetque Christi Vicarius in Palatio Lateranensi in loco, qui dicitur speculum deambulans, altis occupatus meditationibus, Christi famulum tanquam ignotum repulit indignanter. Quo humiliter foras egresso: sequenti nocte huiusmodi reuelatio facta est à Deo ipsi Summo Pontifici. Videbat namque inter pedes suos palmam paulatim succrescere, & in arborem pulcherrimam eleuari. Et eo mirante quid hæc visio veller ostendere, diuina lux impressit menti ipsius Christi Vicarij, quod hæc palma illum pauperem, quem in præcedenti die repulerat, desi-

gnabat . Et mane sequenti mandauit per suos famulos per Urbem dictum pauperem quæri . Quem inuentum iuxta Lateranum in Hospitali Sancti Antonij , ante conspectum suum celeriter iussit adduci . Cumque introductus esset ante conspectum Summi Pontificis , exposuit suum propositum , petens humiliter , & instanter supradictam sibi viuendi Regulam approbari . Videns autem Christi Vicarius Dominus Innocentius Tertius , Vir vtique sapientia clarus admirandam in Viro Dei simplicis animi puritatem , propositi constantiam , ignitumque voluntatis sanctæ feruorem Christi pauperem mentis amore complectens inclinatus est animo , vt pium supplicanti præberet assensum . Distulit tamen perficere , quod Christi postulabat pauperculus , pro eo , quod aliquibus de Cardinalibus nouum aliquid , & supra vires humanas arduum videretur . Aderat autem inter Cardinales Vir venerandus Dominus Ioannes de Sancto Paulo Episcopus Sabinen. omnis sanctitatis amator , & adiutor pauperum Christi . Qui diuino spiritu inflammatus

Sum-

Summo Pontifici dixit, & Fratribus suis, si petitionem pauperis huius tanquam nimis arduam, nouamque refellimus, cum petat confirmari sibi formam euangelicæ vitæ, cauendum est nobis, ne in Christi Euangelium offendamus. Nam si quis intra euangelicæ perfectionis obseruantiam, & votum ipsius dicat contineri aliquid nouum, aut irrationabile, vel impossibile ad obseruandum contra Christum Euangelij auctorem blasphemare, conuincitur. Quibus propositis: Successor Apostoli Petri conuersus ad pauperem Christi, dixit. Ora fili ad Christum, vt suam nobis per te voluntatem ostendat, qua certius cognita tuis pijs desiderijs securius annuamus. Omnipotentis autem Dei famulus, totum se conferens ad orandum precibus deuotis obtinuit, & quod exterius ipse proferret, & quod interius Papa sentiret. Nam cum Parabolam de diuite Rege cum muliere formosa, & paupere contrahente gratanter, & de prole suscepta præferente generantis Regis imaginem, ac per hoc educanda de mensa ipsius sicut à Deo

acceperat retulisset, ex illius interpretatione subiunxit. Non est formidandum, quod fame pereant æterni Regis filij, & hæredes, qui ad imaginem Regis Christi per Spiritus Sancti virtutem de paupere matre nati, & ipsi per spiritum paupertatis sunt in Religione paupercula generandi. Si enim Rex Cœlorum imitatoribus suis Regnum promittit æternum, quanto magis illa subministrabit, quæ communiter largitur bonis, & malis? Hanc ergo parabolam, & intellectum ipsius Christi Vicarius cùm diligenter audisset: miratus est valdè, & indubitanter Christum locutum in homine recognovit. Sed & visionem, quam tunc temporis è Cœlo perceperat: in hoc Viro fore complendam, Spiritu diuino suggerente firmavit. Videbat namque in somnis (ut retulit) Lateranensem Basilicam fore proximam iam ruinæ, quam quidam homo pauperculus modicus, & despectus proprio dorso summisso ne caderet sustentabat; verè inquit, hic est ille, qui opere, & doctrina: Christi sustentabit Ecclesiam. Inde præcipua deuotione repletus petitioni

De profectu Ordinis sub manu ipsius. 39
tioni eius se per omnia inclinavit, ac
Christi famulum speciali semper amore
dilexit. Proinde postulata concessit, &
adhuc concedere plura promisit. Appro-
bavit Regulam, dedit de pœnitentia præ-
dicanda mandatum, & laycis Fratribus
omnibus, qui Seruum Dei fuerant comi-
tati, fecit coronas paruulas fieri, vt ver-
bum Dei liberè prædicarent.

C A P V T I V.

*De profectu Ordinis sub manu ipsius,
& confirmatione Regulæ
prius approbatæ.*

FRetus exinde Franciscus superna
gratia, & auctoritate Papali cum fi-
ducia multa versus Vallem Spoletanam
iter arripuit, vt Euangelium Christi face-
ret, & doceret. Dum autem in via con-
ferret cum socijs qualiter Regulam, quam
susceperant sincerè seruarent: qualiter in
omni sanctitate, & iustitia coram Deo in-
cederent, qualiter in seipsis proficerent,
& essent alijs in exemplum diutius colla-

40 *De profectu Ordinis sub manu ipsius.*
tione protracta, hora pertransijt. Et cum
iam lassati essent ex diuturnitate laboris
esurientes in quodam loco solitudinis
substituerunt. Sanè cum omnis via dees-
set, quam possent sibi de victu necessa-
rio providere: statim affuit providentia
Dei. Nam subitò apparuit homo affe-
rens panem in manu, quem pauperulis
Christi dedit, subitòque disparuit: inco-
gnitus vnde venerit, aut quo iret. Co-
gnoscentes autem per hoc pauperes Fra-
tres supernum sibi in comitatu Viri Dei
adesse præsidium magis dono liberalitatis
diuinæ, quàm cibo carnis propriæ sunt
refecti: insuper diuina consolatione re-
pleti, statuerunt firmiter, & irreuocabili-
ter confirmauerunt, nullius inediæ, aut
tribulationis impulsu à sanctæ paupertatis
resilire promisso. Exinde in Vallem
Spoletanam cum sancto proposito re-
deuntes tractare cœperunt vtrum inter
homines conuersari deberent: an ad loca
solitaria se conferre. Sed Christi Seruus
Franciscus non de sua, vel suorum confi-
dens industria per orationis instantiam,
diuinæ super hoc voluntatis beneplaci-
tum

tum requisivit. Supernæ igitur reuelationis illustratus oraculo intellexit se ad hoc missum à Domino, vt Christo lucraretur animas, quas diabolus conabatur auferre. Ideòque magis omnibus, quàm sibi soli viuere præelegit: illius prouocatus exemplo, qui vnus pro omnibus mori dignatus est. Recollegit itaque se Vir Dei cum cæteris socijs in quodam tugurio derelicto iuxta ciuitatem Assisij, in quo secundùm sanctæ paupertatis formam in labore multo, & inopia victitabant, magis lachrymarum, quàm deliciarum panibus refiei satagentes. Vacabant enim ibidem diuinis precibus incessanter mentaliter potiùs, quàm vocaliter studio intendentes orationis deuotæ, pro eo, quod nondum ecclesiasticos libros habebant, in quibus possent horas canonicas decantare. Loco tamen illorum librum Crucis Christi continuatis aspectibus diebus, ac noctibus reuoluebant: exemplo Patris, & eloquio eruditi, qui iugiter faciebat eis de Cruce Christi sermonem. Rogantibus autem Fratribus, vt eos doceret orare dixit. Cùm orabitis, dicite,

42 *De profectu Ordinis sub manu ipsius.*

Pater noster , & adoramus te Christe ad omnes Ecclesias tuas , quæ sunt in toto Mundo , & benedicimus tibi , quia per Crucem tuam sanctam redemisti Mundum . Docuit insuper eos Dominum laudare in omnibus , & ex omnibus creaturis , honorare præcipua reuerentia Sacerdotes , fidei quoque veritatem secundum quod Sancta Romana tenet , & docet Ecclesia , & firmiter credere , & simpliciter confiteri . Seruabant illi Patris Sancti documenta per omnia ; & ad omnes Ecclesias , & Cruces , quas è longinquo videre poterant iuxta datam sibi formam orantes , se humiliter prosternebant . Contrahentibus autem Fratribus moram in loco præfato : Vir sanctus die quadam Sabbati ciuitatem Assisij intrauit prædicaturus mane diei Dominicæ , vt moris erat in Ecclesia Cathedrali . Cunque in quodam tugurio sito in orto Canonorum Vir Deo deuotus in oratione Dei more solito pernoctaret corporaliter absentatus à filiis : ecce ferè media noctis hora quibusdam ex Fratribus quiescentibus , quibusdam perseveranti-

bus

De profectu Ordinis sub manu ipsius. 43
bus in orando , currus igneus mirandi
splendoris per hostium domus intrans huc
atque illuc per domicilium tertio se con-
uertit , super quem globus lucidus resi-
debat , qui Solis habens aspectum : no-
ctem clarere fecit . Obstupefacti sunt vi-
gilantes excitati simul , & exterriti dor-
mientes , & non minus senserunt cordis
claritatem , quàm corporis , dum ex vir-
tute mirandi luminis alterius alteri con-
scientia nuda fuit . Intellexerunt namque
concorditer omnes videntibus inuicem
vniuersis in cordibus singulorum Sanctum
Patrem absentem corpore præsentem spi-
ritu tali transfiguratum effigie supernis
irradiatum fulgoribus , & ardoribus in-
flammatum supernaturali virtute in curru
splendente simul , & igneo sibi demonstrari
à Domino , vt tanquam veri Israelitæ post
illum incederent , qui virorum spiritua-
lium : vt alter Elias factus fuerat à Deo
currus , & auriga credendum , sanè quod
ille horum simplicium aperuit oculos ad
preces Francisci , vt viderent magnalia
Dei , qui oculos quondam aperuerat pue-
ri ad videndum Montem plenum equo-
rum ,

44 *De profectu Ordinis sub manu ipsius.*
rum, & igneorum cutruum in circuitu
Elisei. Regressus autem vir sanctus ad fra-
tres cœpit conscientiarum ipsorum secre-
ta rimari, confortare ipsos de visione illa
mirabili, & de profectu Ordinis multa fu-
tura prædicere. Cumq; patefaceret plu-
rima, quæ sensum transcendebant huma-
num: verè cognouerunt Fratres: super
seruum suum Franciscum spiritum Do-
mini in tanta plenitudine quieuisse, quod
post ipsius doctrinam, & vitam erat eis
proficiscitutissimum. Post hæc pusilli gregis
pastor Franciscus ad S. Mariam de Por-
tiuncula duodenarium illum Fratrum nu-
merum superna gratia præeunte deduxit,
vt vbi meritis Matris Domini: Minorum
sumpserrat Ordo initium, ipsius illic susci-
peret auxilijs incrementum. Ibi quoque
factus euangelicus Præco: ciuitates cir-
cuibat & castra: non indoctis humanæ sa-
pientiæ verbis, sed in virtute spiritus anun-
tians regnum Dei. Videbatur intuenti-
bus homo alterius seculi, quippè qui men-
te, ac facie in Cœlum semper intentus:
omnes sursum trahere conaretur. Cœpit
ex hoc Christi vinea germinare germen
odo-

odoris Domini, & productis ex se floribus suauitatis honoris, & honestatis vberes fructus afferre. Nam prædicationis ipsius feruore succensi quamplurimi vtriusque sexus in coniugali pudicitia Domino famulantes: secundum formam à Dei viro acceptam nouis se penitentiae legibus vinciebant, quorum viuendi modum idem Christi famulus Ordinem Fratrum de poenitentia nominari decreuit. Nimirum sicut in Cœlum tendentibus: poenitentiae viam omnibus constat esse communem: sic & hic status clericos, & laycos, virgines, & coniugatos in utroque sexu admittens: quanti sit apud Deum meriti: ex pluribus per aliquos ipsorum patratis miraculis innotescit. Conuertebantur etiam virgines ad perpetuum coelibatum, inter quas virgo Deo charissima Clara ipsarum plantula prima tanquam flos vernans, & candidus odorem dedit, & tanquam stella præfulgida radiauit. Hæc nunc glorificata in Cœlis ab Ecclesia dignè veneratur in terris, quæ filia fuit in Christo Sancti Patris Francisci pauperuli, & Mater pauperum Dominarum. Multi etiam non solum deuotio-

uotione compuncti, sed & perfectionis Christi desiderio inflammati, omni mundanorum vanitate contempta: Francisci vestigia sequebantur. Qui quotidianis succrescentes profectibus vsque ad fines Orbis terræ celeritèr peruenerunt. Faciebat namque sancta paupertas, quam solam deferebant pro sumptibus: ipsos ad omnem obedientiam promptos, robustos ad labores, & ad itinera expeditos. Et quia nihil terrenum habebant, nihil amabant, nihilque timebant amittere: securi erant vbique nullo pauore suspensi, nulla cura distracti: tanquam qui absque mentis turbatione viuebant, & sine sollicitudine diem crastinum, & serotinum hospitium expectabant. Multa quidem eis in diuersi partibus Orbis inferebantur conuitia, tanquam personis despicabilibus, & ignotis. Verùm amor Euangelij Christi adeo ipsos patientes effecerat, vt quærerent potius ibi esse, vbi persecutionem paterentur in corpore, quam vbi cognita sanctitate ipsorum, mundano possent gloriari fauore. Ipsa quoque rerum penuria superabundans eis videbatur vbertas, dum

dum iuxta consilium sapientis pro magno ipsis minimum complacebat. Sanè cum ad infidelium partes : aliqui ex Fratribus peruenissent , contigit vt quidam Saracenus pietate commotus pecuniam eis offerret pro necessario victu . Illis autem recusantibus accipere , admiratus est homo , cernens quod inopes essent. Intellecto tandem quod pauperes effecti amore Dei , pecuniam possidere nolebant : tanta est eis affectione coniunctus , vt offerret se administrandum omnia necessaria , quamdiu facultatum sibi aliquid superesset . O inestimabilis pretiositas paupertatis , cuius miranda virtute mens feritatis barbaricæ in tantam miserationis est immutata dulcedinem . Horrendum est proindè , ac nefarium scelus , vt hanc margaritam nobilem vir christianus conculcet , quam tanta veneratione extulit Saracenus .

Eo tempore Religiosus quidam de Ordine Cruciferorum Moricus nomine in Hospitali quodam propè Assisium languere tam graui , tanquè prolixo , laborans , vt iam morti foret adiudicatus à Medicis ; viro Dei supplex factus per nuncium postula

stulabat instantèr, vt pro se ad Dominum intercedere dignaretur. Cui Beatus Pater benignè assentiens oratione præmissa panis micas accepit, & cum oleo accepto de lampade, quæ coram Virginis ardebat altari commiscens: quasi quoddam electuarium per manus Fratrum infirmanti transmisit, dicens. Medicinam hanc fratri nostro deferte Morico, qua ipsum Christi virtus non solùm plenæ sanitati restituet, verùm etiam robustum bellatorem effectum: aciei nostræ perseuerantèr adiunget. Statim autem, vt antidotum illud sancti spiritus adinuatione confectum æger homo gustauit: sanus exurgens tantùm mentis, & corporis adeo vigorem obtinuit, vt paulò post viri sancti Religionem ingressus, & vnica tantùm operiretur tunicula, sub qua longo tempore lorica portabat ad carnem, & crudis dumtaxat cibarijs: herbis videlicèt, leguminibus, fructibusque contentus: per plura temporum lustra nec panem gustaret, nec vinum: fortis tamen & incolumis perseuerans. Crescentibus quoque virtutum meritis, in paruulis Christi odor opinio-

nis

nis bonæ circumquaque diffusus, ad præsentiam Sancti Patris videndam plurimos è diuersis Mundi partibus attrahebat. Inter quos quidam secularium cantionum curiosus inuentor, qui ab Imperatore propter hoc fuerat coronatus: & inde rex versuum dictus, virum Dei contemptorem mundialium adire proposuit. Cumquè apud castrum S. Seuerini eum prædicantem reperisset in Monasterio quodam: facta manu Domini super se: vidit eundem crucis Christi prædicatorem Franciscum duobus transuersis ensibus valdè fulgentibus in modum crucis signatum, quorum vnus à capite ad pedes, alius à manu in manum per pectus transversaliter tendebatur. Non nouerat facie seruum Christi, sed tantò monstratum miraculo mox agnouit. Subitò stupefactus ad visum, incipit meliora proponere. Tandemquè verborum ipsius compunctus virtute, tanquam si esset gladio spiritus ex eius ore procedente transfixus, secularibus pompis omninò contemptis, beato Patri professione cohæsit. Propter quod videns ipsum vir sanctus ab inquietudine seculi.

50 *De profectu Ordinis sub manu ipsius.*
ad Christi pacem perfectè conuersum, fratrem Pacificum appellauit. Hic postmodum in omni sanctitate proficiens: antequàm fieret Minister in Francia (siquidem primus ibidem ministerij gessit officium), meruit iterato magnum thau in fronte Francisci videre, quod colorum varietate distinctum, faciem ipsius miro venustabat ornatu. Hoc quippè signum vir sanctus magno venerabatur affectu, frequenti commendabat eloquio, & in eis, quas dirigebat litterulis, manu propria subscribebat, tanquàm si omne ipsius studium foret signare thau, iuxta dictum propheticum super frontes virorum gementium, & dolentium, ad Christum IESVM veraciter conuersorum. Processu quoque temporis multiplicatis iam fratribus, cœpit eos Pastor sollicitus in loco S. Mariæ de Portiuncula ad generale Capitulum conuocare, vt in funiculo distributionis diuinæ in terra paupertatis eorum vnicuique tribueret obedientiæ portionem. Vbi licet omnium necessariorum esset penuria, Fratrumque multitudo ultra quinque millia conueniret aliquando:

do : Diuina tamen opitulante clementia ,
& victus sufficientia suberat, & salus comi-
tabatur corporea, & spiritualis iucunditas
affluebat . Capitulis verò prouincialibus,
quia corporalem præsentiam exhibere non
poterat , per sollicitam curam regiminis
instantiam precis , & efficaciam benedi-
ctionis spiritu præsens erat , quamuis
aliquando mira Dei faciente virtute visi-
bilitè appareret . Dum enim egregius
prædicator , qui & nunc Christi præcla-
rus Confessor Antonius de titulo Crucis
IESVS Nazarenus Rex Iudæorum in Are-
latensi Capitulo Fratribus prædicaret :
quidam Frater probatæ virtutis Monaldus
nomine, ad hostium Capituli Diuina com-
monitione respiciens: vidit corporeis ocu-
lis Beatum Franciscum in aëre subleua-
tum extensis velut in cruce manibus, be-
nedicentem Fratres . Tanta verò & tam
insolita Fratres omnes consolatione spiri-
tus repletos se fuisse senserunt , vt de vera
Sancti Patris præsentia certum eis intra se
spiritus testimonium perhiberet , licet
postmodum id non solum per euidentia
signa , verum etiam per eiusdem S. Patris

verba : exteriori fuerit attestazione com-
 pertum . Credendum sanè , quod Omni-
 potentis Dei virtus , quæ Ambrosium
 pium sacrum Antistitem tumulationi glo-
 riosi concessit interesse Martini , vt pium
 Pontificem pio veneraretur officio , etiam
 feruum suum Franciscum prædicationi
 præsentauit veracis sui præconis Antoni ,
 vt approbaret veritatis eloquia , præcipuè
 Crucis Christi , cuius erat baiulus , & Mi-
 nister . Cùm autem dilatato iam Ordine ,
 viuendi formam per D. Innocentium ap-
 probatam disponderet , per successorem
 ipsius Honorium in perpetuum facere ro-
 borari : huiusmodi fuit à Deo reuelatione
 commonitus . Videbatur quidem sibi de
 terra micas panum subtilissimas collegis-
 se , multisque famelicis Fratribus ipsum
 circumstantibus debere tribuere . Cum-
 què micas tam tenues distribuere formi-
 daret , nè fortè inter manus exciderent ,
 vox ei desuper ait : Francisce vnā de
 micis omnibus hostiam facito , & mandu-
 care volentibus tribue . Quo id agente :
 quicumque illud non deuotè recipiebant ,
 aut receptum contemnebant donum , mox
 lepra

lepra infecti, notabiles apparebant. Recitat manē vir sanctus hæc omnia socijs: dolens se non percipere mysterium visionis. Sequenti verò die cū vigil in oratione persisteret: huiusmodi vocem de Coelo delapsam audiuit: Franciscæ micæ præteritæ noctis verba euangelica sunt: hostia regula: lepra iniquitas. Volens igitur confirmandam regulam ex verborum Euangelij aggregatione profusius traditam ad compendiosiores formam, iuxta quod dictabat visio monstrata redigere: in montem quendam cum duobus socijs Spiritu Sancto ducente, conscendit, ubi pane tantum contentus, & aqua, ieiunans: conscribi eam fecit: secundum quod oranti sibi diuinus spiritus suggererat. Quam cum de monte descendens, seruandam suo Vicario commisisset, & ille paucis elapsis diebus, assereret per incuriam perditam: iterato sanctus vir ad locum solitudinis redijt, eamque instar prioris, ac si ex ore Dei verba susciperet, illicò reparauit: & per supradictum Dominum Papam Honorium octauo Pontificatus illius anno, sicut optauerat, obti-

nuit confirmari. Ad cuius observantiam Fratres feruenter inducens: dicebat se nihil ibi posuisse secundum industriam propriam, sed omnia sic scribi fecisse, sicut sibi fuerant diuinitus reuelata. Quod ut certius constaret testimonio Dei: paucis admodum euolutis diebus: impressa sunt ei stigmata Domini IESV digito Dei viui, tanquam Bulla Summi Pontificis Christi ad confirmationem omnimodam Regulæ, & commendationem auctoris, sicut post suarum enarrationem virtutum suo loco inferius describetur.

C A P V T V.

De austeritate vite, & quomodo creaturæ præbebant ei solatium.

CVM igitur cerneret vir Dei Franciscus suo exemplo ad Crucem Christi baiulandam feruenti spiritu plurimos animari: animabatur & ipse tanquam bonus dux exercitus Christi: ad palmam victoriæ per culmen inuictæ peruenire virtutis. Attendens enim illud Apostoli verbum, qui

qui autem sunt Christi carnem suam crucifixerunt cum vitijs, & concupiscentijs, ut crucis armaturam suo ferret in corpore: tanta disciplinæ rigiditate sensuales appetitus arcebat, ut vix necessaria sumeret sustentationi naturæ. Difficile namque fore dicebat necessitati corporis satisfacere, & pronitati sensuum non parere. Propter quod cocta cibaria sanitatis tempore vix admittebat & raro: admissa verò aut conficiebat cinere, aut condimenti saporem admixtione aquæ, ut plurimum reddebat insipidum. De potu quid dicam: cum & de aqua frigida dum sitis æstualet ardore: vix ad sufficientiam biberet? Modos adinveniebat abstinentiæ potioris, & quotidie exercitatione crescebat: licet quæ iam perfectionis culmen attingeret, tanquam incipiens semper aliquid innouabat: afflictionibus carnis puniendo libidinem. Egrediens tamen exterius propter verbum Evangelij: conformabat se suscipientibus ipsum in qualitate ciborum, cum tamen ad interiora regressus districtè servaret rigidam abstinentiæ parcitatem. Sicque se ipsum austerum sibi humanum

proximo, subiectum Euangelio Christi per omnia reddens, non solum abstinendo, verum etiam manducando præbebat ædificationis exemplum. Nuda humus, vt frequentius lectus erat lassato corpufculo, & sæpius sedens ligno, vel lapide ad caput posito, dormiebat: vnica paupere contactus tunicula: in nuditate Domino seruebat, & frigore. Interrogatus aliquando quomodo vestitu tam tenui se posset ab hyemalis algoris asperitate tueri: in spiritus feruore respondit. Si supernæ patriæ flamma per desiderium con- tegeremur interius: frigus istud exterius facile portaremus: vestis horrebat. molli- tiem, asperitatem amabat: asserens prop- ter hoc Ioannem Baptistam ore Diuino fuisse laudatum. Si quando verò in data sibi tunica lenitatem sentiret: cordulis eam contexebat interius, quia non in ca- sulis pauperum, sed in Palatijs Principum iuxtà veritatis verbum vestimentorum dicebat requirendam esse molli- tiem: Ex- perientia enim certa didicerat: dæmones asperitate terreri, delitiosis autem & mol- libus ad tentandum fortius animari. Vnde
cùm

cum nocte quadam propter infirmitatem capitis, & oculorum, præter solitum morem ceruical de pluma positum haberet ad caput: dæmon in illud ingressus: ipsum usque ad horam Matutinalem inquietatum multimode à sanctæ orationis studio perturbauit: donec vocato socio puluinar cum dæmonio fecit extra cellulam longius exportari. Egressus autem cum puluinari Frater de cella: membrorum omnium vires amisit, & usum quousque ad vocem Sancti Patris hoc cognoscentis in spiritu vigor: pristinus cordis, & corporis sibi fuit plenariè restitutus.

Rigidus in disciplina super custodiam suam stabat: curam per maximam gerens de vtriusque hominis puritate seruanda: quapropter circa conuersionis suæ primordia tempore hyemali in foueam glacie plenam se ipsum plerumque mergebat: ut & domesticum sibi hostem perfectè subijceret: & candidum vestimentum pudoris a voluptatis incendio præseruaret. Tollerabilius viro spirituali fore incomparabiliter assererat magnum sustinere frigus in carne, quam ardorem carnalis libidinis,
-101-
vel

vel modicum sentire in mente. Cum autem apud heremum de Sarrhiano nocte quadam orationi vacaret in cellula: vocauit eum hostis antiquus, tertio dicens: Francisce, Francisce, Francisce. Cui cum, quid quæreretur: respondisset. Fallaciter ille subiunxit. Nullus est in mundo peccator: cui, si conuersus fuerit, non indulgeat Deus. Sed quicumque semetipsum poenitentia dura necauerit, misericordiam non inueniet in æternum. Statim vir Dei per reuelationem cognouit hostis fallaciam: quomodo nixus fuerit eum ad tepida reuocare. Nam hoc sequens indicauit euentus. Continuo enim post hoc ad inflationem illius, cuius alitis prunas ardere facit: grauis ipsi carnis tentatio apprehendit. Quam ut præsensit castitatis amator: deposita veste, corda coepit se verberare fortissimè: eia inquit frater asine, sic te decet manere: sic subire flagellum. Tunica Religionis deseruit: sanctitatis signaculum præfert, furari eam libidinoso non licet: si quouis pergere, perge. Insuper, & mirando feruore spiritus animatus: aperta cella, foras exiit in-

hortum, & in magnam demergens niuem:
corpusculum iam nudatum septem ex ea
plenis manibus cœpit compingere massas,
quas sibi proponens: suo sic exteriori ho-
mini loquebatur. Ecce inquit, hæc maior
vxor tua est: quatuor istæ: duo filij, & duæ
filix: reliquæ duæ seruus, & Ancilla, quos
ad seruiendum habere oportet. Festina-
igitur omnes induere: quoniam frigore
moriuntur. Si verò eorum multiplex so-
licitudo molestat: vni domino sollicitè ser-
ui: Illico tentator victus, abscessit, & vir
sanctus cum victoria in cellam redijt, quia
dum bene poenaliter alxit foris, ardorem
interius sic extinxit libidinis, vt deinceps
tale aliquid minimè sentiret. Quidam au-
tem frater, qui tunc orationi vacabat, hæc
omnia luna clarius incendente prospe-
xit. Comperto vir Dei, quod hoc ille no-
tè vidisset; referans ei tentationis proces-
sum, præcepit vt quamdiu ipse viueret,
nulli viuenti rem, quam viderat, propa-
laret. Non solum autem mortificari de-
bere docebat vitia carnis, & eius incen-
tina frenari, verum etiam exteriores sen-
sus, per quos mors intrat ad animam, sum-

ma vigilantia custodiri. Mulierum familiaritates, colloquia, & aspectus, quæ multis sunt occasio ruinæ, sollicitius evitare iubebat: asserens per huiusmodi debilem frangi, & fortem sæpe spiritum infirmari. Harum contagionem euadere conuersantem cum eis, nisi probatissimum virum, tam facile dixit, quàm iuxta scripturam in igne ambulare, & non comburere plantas. Siquidem ipse adeo auerterat oculos suos, ne huiusmodi vanitatem viderent, quod sicut aliquando socio dixit: quasi nullam recognoscebat in facie. Non enim securum esse putabat: earum formarum introrsus haurire imagines, quæ possunt aut edomitæ carnis resuscitare igniculum, aut pudicæ mentis maculare nitorem. Asserebat etiam frivolum esse mulieris colloquium excepta sola confessione vel instructione breuissima, iuxta quod, & saluti expedit, & congruit honestati. Quæ sunt inquit, religioso cum muliere tractanda negotia, nisi cum sanctam poenitentiam, vel melioris vitæ consilium religiosa petitione deposcit? Ex nimia securitate minus cauetur hostis, & diabolus,

si de suo capillum potest habere in homine: cito excrefcere facit in trabem.

Otium autem omnium malarum cogitationum sentinam docebat summopere fugiendum, exemplo demonstrans rebellem carnem; & pigram disciplinis continuis, & fructuosis laboribus esse domandam. Vnde corpus suum Fratrem asinum appellabat tanquam laboriosis supponendum oneribus, crebris cædendum flagellis, & vili pabulo sustentandum, si quem verò cernebat otiosum, & vagum aliorum velle manducare labores, Fratrem Muscam nominandum censebat, eo quod talis nihil boni faciens, sed benefacta inficiens, vilem, & abominabilem se omnibus reddat, propter quod dixit aliquando, volo Fratres meos laborare, & exercitari, ne otio dediti, per illicita corde, aut lingua vagentur. Euangelicum siquidem volebat à Fratribus observari silentium, ut videlicet ab omni otioso verbo omni tempore abstinerent sollicitè tanquam redditori in die iudicij de huiusmodi rationem. Sed, & si quem inuenisset Fratrem verbis assuetum inanibus: acriter arguebat taci-

turnitatem modestam, & puri cordis affirmans custodiam, & non modicam esse virtutem, pro eo quod mors, & vita fore dicuntur in manibus linguæ: non tam ratione gustus, quàm ratione loquelæ. Licet autem pro viribus ad vitam austeram Fratres induceret: non tamen ei placebat distractionis seueritas, quæ pietatis non induit viscera: nec est discretionis sale condita. Cum enim quadam nocte vnus ex Fratribus præ nimietate abstinentiæ admodum fame cruciatus, nullam posset habere quietem: intelligeretque pius pastor bui suæ imminere periculum, vocauit Fratrem: apposuit panem, & vt ruborem illi tolleret: cœpit ipse prior comedere: eumque ad manducandum dulciter inuitare. Deposuit frater verecundiam: sumpsit cibum; gauisus quamplurimum, quod per circumspectâ condescensionem pastoris, & corporis euasisset dispendium, & non modicum accepisset edificationis exemplum. Mane factò: Fratribus conuocatis in vnum, vir Dei referens quod acciderat nocte: prouida commonitione subiunxit, sit vobis Fratres: non cibus, sed

charitas in exemplum . Docuit insuper eos discretionem sequi ; vt aurigam virtutum, non eam, quam caro suadet, sed quam edocuit Christus, cuius sacratissimam vitam expressum constat esse perfectionis exemplar . Et quoniam agnum sine macula crucifixum non est possibile homini carnis infirmitate circumdato sic perfecte sectari, quin aliquando aliquas contrahat sordes, ideo documento certo firmabat eos, qui perfectioni vite vigilantiter intendunt quotidianis debere se lachrymarum emundare fluentis . Licet enim tam esset adeptus cordis, & corporis puritatem mirabilem, non cessabat tamen lachrymarum imbribus iugiter oculos ex-
piare mentales : corporeorum luminum non ponderando iacturam . Cum enim ex continuo fletu infirmitatem oculorum incurrisset grauissimam suadente sibi medico, quod abstineret à lachrymis, si corporei visus cæcitatem vellet effugere : vir sanctus respondit . Non est Frater medicine ob amorem luminis, quod habemus, commune cum muscis visitatio lucis æternæ repellenda, vel modicum, quia non
spi-

spiritus propter carnem, sed caro propter spiritum beneficium lucis acceperat. Malebat siquidem corporalis visus lumen amittere, quàm lachrymas: quibus oculus mundatur interior, ut Deum videre valeat repressa deuotione spiritus impedire. Cum autem semel daretur consilium à Medicis, & instanter suaderetur à Fratribus, ut pateretur sibi per remedium subueniri cocturæ, humiliter vir Dei assensit, quia salutiferum hoc simul, & asperum esse cernebat. Vocatus itaque venit chirurgicus: instrumentum ferreum igni submittens ad faciendum cocturam. At Christi seruus corpus iam horrore concussus confortans sicut amicum: coepit ignem alloqui dicens: Mi frater ignis, præ cæteris rebus emulandi decoris virtuosum, pulchrum, & utilem te creauit Altissimus. Esto mihi hac hora propitius: esto curialis. Precor magnum Dominum, qui te creauit: ut tuum mihi calorem temperet: quo suauiter vrentem valeam substinere. Oratione finita, contra igne candescens ferreum instrumentum signum Crucis edidit, ac deinceps in-

intrepidus persistebat . Profundatum est crepitans ferrum in tenera carne: & ab aure vsque ad supercilium coctura protracta . Quantum irrogauerit ignis ille dolorem, vir ipse sanctus expressit . Laudate (inquit ad fratres) Altissimum: quia verè dico vobis, nec ignis ardorem sensi, nec carnis vllum dolorem . Et conuersus ad medicum, si non est inquit caro bene decocta: imprime iterum . Expertus medicus in inualida carne virtutem spiritus tam potentem miratus est, & diuinum, hoc miraculum extulit dicens . Dico vobis fratres: vidi mirabilia hodie . Quia, enim ad tantam deuenerat puritatem: vt caro spiritui, & spiritus Deo harmonia, mirabili concordarent: Diuina ordinatione fiebat, vt creatura Creatori suo deseruiens voluntati, & imperio eius mirabiliter subiaceret, Alio enim tempore apud heremum Sancti Urbani seruo Dei ægritudine grauissima laborante: cum ipse naturæ defectum sentiens, vini poculum postulasset: nihilque de vino, quod sibi dari posset, responderetur adesse: iussit aquam afferri, & allatam signo Crucis edito be-

nedixit. Mox vinum efficitur optimum, quod fuerat aqua pura, & quod deserti loci paupertas non potuit, viri sancti puritas impetrauit. Ad cuius gustum tanta protinus facilitate conualuit, vt saporis nouitas, & innouatio: sanitatis gustabile, ac gustantē supernaturaliter innouantes perfectam in ipso expoliationem veteris hominis, & induitionem noui: duplici attestatione firmarent. Non solum creatura seruo Dei seruiebat ad nutum: sed & Creatoris vbique prouidentia condescendebat ad placitum. Cum enim tempore quodam ex multarum infirmitatum concursu aggrauato corpore ad incunditatem spiritus excitandam alicuius audiendi soni harmoniaci desiderium habuisset: nec id honestatis decentia per ministerium fieri pateretur humanum: affuit Angelorum obsequium ad viri sancti placitum adimplendum. Nocte etenim quadam vigilante ipso, & meditante de Domino: repente insonuit cythara quædam harmoniæ mirabilis, & suauissimæ melodiæ. Non videbatur aliquis: sed transitum, & reditum cytharædi ipsa hinc inde auditus volu-

Iubilitas innuebat. Spiritu in Deum directo: tanta fuit in illo dulcisono carmine suauitate perfruitus, ut aliud se putaret sæculum commutasse. Hoc & fratres sibi familiares non latuit, qui per certa frequenter conspiciebant inditia: eum tam excessiuis, & crebris consolationibus à Domino visitari: ut nec ipsas omnino occultare valeret. Alio quoque tempore viro Dei prædicationis causa inter Lombardiam, & Marchiam Teruifanam iter agente cum fratre socio iuxta padum: tenebrosa noctis superuenit obscuritas. Cumque via esset exposita periculis magnis, & multis propter tenebras fluuium, & paludes: dixit socius ad virum sanctum. Ora pater, ut de instantibus periculis liberemur. Cui vir Dei cum fiducia multa respondit: potens est Deus, si placet suæ dulcedini tenebrarum effugata caligine, beneficium nobis impendere lucis: vix sermonem compleuerat, & ecce tanta lux illico coepit circa eos superna radiare virtute: ut nocte alijs existente obscura: ipsi luce clara viderent non solum viam, verum etiam plurima circum-

quaque. Cuius lucis ducatu: corporaliter directi, & spiritualiter confortati, vsq; ad locum hospitij per non modicum viæ spatium: cum diuinis hymnis, & laudibus incolumes peruenerunt. Perpende quantæ fuerit vir istæ munditiæ: quantæque virtutis, ad cuius nutum suum ignis ardorem contemperat: aqua saporem commutat: Angelica præbet melodia solatium; & lux Diuina ducatum, vt sic sanctificationis viri sancti sensibus, omnis probetur mundi machina deseruire.

C A P V T VI.

De humilitate, & obedientia, & de condescensionibus diuinis sibi factis ad nutum.

OMnium virtutum custos, & decor humilitas copiosa virum Dei vbertate repleuerat. In propria quidem reputatione nihil erat, nisi peccator cum in veritate speculum esset, & splendor omnimodæ sanctitatis. Super hanc studuit ædificare seipsum, vt sapiens architectus fundam-

damentum præiaciens , quod à Christo didicerat . Dicebat propter hoc Filium Dei de altitudine sinus Paterni ad nostra despicabilia descendisse: vt tam exemplo , quam verbo Dominus , & Magister humilitatem doceret . Propter quod studebat tanquam Christi discipulus in oculis suis , & aliorum vilescere à summo dictum esse Magistro commemorans . Quod altum est apud homines , abhominatio est apud Deum . Sed & verbum hoc dicere solitus erat . Quantum homo est in oculis Dei , tantum est , & non plus . Stultum proinde iudicans mundanis extolli fauoribus : gaudebat de opprobrijs , & de laudibus tristabatur . Malebat quidem de se vituperium audire , quam laudem : sciens quod hoc ad emendandum induceret , illa impelleret ad cadendum . Et ideo sæpe cum populi merita in eo sanctitatis extollerent , præcipiebat alicui Fratri vt in contrarium verba ipsum vilificantia suis auribus inculcando proferret . Cumque Frater ille licet inuitus eum rusticum , & mercenarium , & inutilem diceret , exhylaratus tam mente , quam facie respondebat .

Benedicat tibi Dominus fili charissime : quia tu verissima loqueris : & talia filium Petri Bernardonis decet audire . Vt autem se cæteris despicabilem redderet : non parcebat rubori : quin in prædicatione coram omni populo proprios manifestaret defectus . Accidit semel vt infirmitate grauatus : rigorem abstinentiæ pro recuperanda sanitate modicum relaxaret . Viribus autem corporis utcunq; resumptis , verus sui contemptor : ad propriæ carnis animatus opprobrium : non est inquit conueniens , vt populus abstinentem me credat : & ego è contrario carnaliter reficiar in occulto . Surrexit propterea sanctæ humilitatis spiritu inflammatus , & in platea ciuitatis Assisij populo conuocato , solemniter cum fratribus multis , quos secum adduxerat , maiorem introiuit Ecclesiam : funeque ad collum ligato , nudum cum femoralibus solis in oculis omnium se trahi præcepit vsque ad lapidem , in quo malefactores puniendi consueuerant collocari . Super quem conscendens , licet quartanarius esset , & debilis : acerbi frigoris tempore cum multo vigore animi

præ-

prædicauit : audientibusque cunctis asseruit se non tanquam spiritualem honorandum fore : quinimo tanquam carnalem, & gluttonem ab omnibus contemnendum. Igitur qui conuenerant, tam ingenti viso spectaculo, admirati sunt, & quia ipsius austeritatem iam nouerant : deuotione compuncti, humilitatem huiusmodi magis admirabilem, quam imitabilem proclamabant. Licet autem id magis videatur portentum fuisse instar prophetalis vaticinij, quam exemplum : tamen veræ documentum extitit humilitatis perfectæ : quo Christi sectator instruit transitoria laudis præconium debere contemnere : tumētis quoque iactantiæ comprimere fastum, & fraudulentæ simulationis mendacium confutare. Multa quidem in hunc modum sæpius faciebat : vt exterius tanquam vas perditum fieret : & sanctificationis spiritum interius possideret. Studebat bona Domini sui arcano pectoris condere nolens patere gloriæ, quod posset occasio esse ruinæ. Nam sæpe cum beatificaretur à pluribus : verbum huiusmodi proferebat filios, & filias adhuc habere.

possem : nolite laudare securum . Nemo
laudandus cuius incertus est exitus . Ista
quidem laudantibus : ad se autem sic . La-
troni si tanta contulisset Altissimus gratio-
re foret Francisce . Dicebat Fratribus sæ-
pe de omni eo, quod peccator potest : ne-
mo sibi debet iniquo applausu blandiri :
peccator, ait, ieiunare potest, orare, plan-
gere, carnemque propriam macerare : hoc
solum non potest Domino, scilicet suo esse
fidelis . In hoc itaque gloriandum : si
suam Domino gloriam reddimus : si fide-
liter seruientes, ipsi quicquid donat ascri-
bimus . Vt autem pluribus modis nego-
ciator hic euangelicus lucraretur : ac to-
tum præsens tempus conflaret in meritum :
non tam præesse voluit, quàm subesse :
nec tam præcipere, quam parere . Idcir-
co generali cedens officio : Guardianum
petijt, cuius voluntati per omnia subiace-
ret . Tàm enim vberem asserabat sanctæ
obedientiæ fructum : vt eis, qui iugo ipsius
colla submitterent : nil temporis sine lu-
cro transirent, vnde & Fratri, cum quo
erat solitus ire, semper obedientiam pro-
mittere consueuerat, & seruare . Dixit
ali-

aliquando socijs : inter alia , quæ dignanter pietas mihi Diuina concessit : hanc gratiam contulit , quod ita diligenter nouitio vnius horæ obedirem , si mihi Guardianus paretur : sicut antiquissimo , & discretissimo Fratri . Subditus inquit : Prælatum suum non hominem considerare debet : sed illum , pro cuius est amor subiectus . Quanto enim contemptibilior præsidet : tanto magis humilitas obediens placet . Cum vero vice quadam quæreretur ab eo : quis esset verus obediens iudicandus : corporis mortui similitudinem pro exemplo proposuit . Tolle inquit corpus exanime , & vbi placuerit , pone . Videbis non repugnare motum , non murmurare situm , non reclamare dimissum . Quod si statuatur in cathedra : non alta , sed ima respiciet . Si collocetur in purpura : duplo pallescet . Hic ait verus obediens est , qui cur moueatur , non diiudicat : vbi locetur non curat , vt transmutetur non instat : euectus ad officium : solitam tenet humilitatem : plus honoratus : plus reputat se indignum . Dixit aliquando socio suo . Non mihi videor Frater

ter Minor nisi fuero in statu quem tibi descripsero . Ecce Prælatus existens Fratrum : vado ad Capitulum : prædico , & commoneo Fratres , & in fine dicitur contra me . Non conuenis nobis , quia illiteratus es , elinguis , idiota , & simplex . Tandem eijcior cum opprobrio : vilipensus ab omnibus : dico tibi nisi eodem vultu , eadem mentis lætitia , & eodem sanctitatis proposito hæc verba audiero : Frater Minor nequaquam sum . Et addebat in Prælatione casus : in laude præcipitium : in humilitate subditi animæ lucrum est . Cur ergo periculis plus , quàm lucris attendimus : cum acceperimus tempus ad lucrum ? Hac igitur de causa humilitatis forma Franciscus Fratres suos voluit vocari Minores : & Prælatos sui Ordinis dici Ministros , vt & verbis vteretur Evangelij : quod obseruare promiserat , & ex ipso nomine discerent discipuli eius , quod ad discendam humilitatem ad scholas humilis Christi venissent . Magister siquidem humilitatis IESVS Christus : vt informaret discipulos ad humilitatem perfectam , dixit . Quicumque voluerit inter

vos

vos maior fieri, sit vester Minister. Et quicumque voluerit inter vos primus esse: erit vester seruus. Cum autem requireret ab eo Dominus Ostiensis, Ordinis Minorum protector & promotor præcipuus: qui postmodum iuxta quod idem vir sanctus prædixerat, ad summum Pontificatus sublimatus honorem: Gregorius Nonus est dictus, vtrum sibi placeret, quod Fratres sui promouerentur ad Ecclesiasticas dignitates. Respondit: Domine, Minores ideo vocati sunt Fratres mei, vt maiores fieri non præsumant. Si vultis ait, vt faciant fructum in Ecclesia Dei: tenete illos, & conseruate in statu vocationis eorum, & ad Prælationes Ecclesiasticas nulloatenus ascendere permittatis. Et quoniam humilitatem tam in se, quam in subditis cunctis præferebat honoribus, amator humilium Deus: altioribus ipsum dignum iudicabat fastigijs: secundum quod vni Fratri viro virtutis, & deuotionis præcipuæ visio cœlitus ostensa monstrauit. Cum enim esset in comitatu viri Dei, & vna cum ipso in quadam Ecclesia deserta seruenti oraret affectu: in extasi factus,

vidit inter multas in Cœlo sedes, vnam præ cæteris digniorem pretiosis ornatam lapidibus, & omni gloria refulgentem. Miratus intra se præcelſi refulgentiam troni: anxia cœpit cogitatione perquirere: quis ad illum deberet assumi. Audiuit inter hæc vocem, dicentem sibi: Sedes ista vnus de ruentibus fuit, & nunc humili ſeruatur Francisco. Reuerſus demum Frater ad ſe ab orationis exceſſu: virum beatum exterius prodeuntem: ſolito fuit more ſecutus. Cumque incedentes per viam de Deo inuicem loquerentur. Frater ille viſionis ſuæ non immemor, ſolenter ab eo quæſiuit: quid de ſe ipſo ſentiret. Ad quem humiliter Chriſti ſeruus: videor, ait mihi maximus peccatorum. Cui cum Frater diceret ex aduerſo, quod hoc non poſſet ſana conſcientia dicere, nec ſentire ſubiunxit. Si quantumcunq; ſcleratum hominem tanta fuiſſet Chriſtus miſericordia proſecutus: arbitror ſanè quod multo quam ego Deo gratior eſſet. Confirmatus fuit Frater ex tam admirabilis humilitatis auditu de veritate viſionis oſenſæ: Euangelio ſacro teſtante co-

gnoscebat, quod ad excellentiam gloriæ,
de qua superbus eijcitur, verè humilis
exalteretur.

Alio quoque tempore, cum in deserta
quadam oraret Ecclesia in Prouincia Mas-
sæ apud Montem Casalem: intellexit per
spiritum sacras ibidem remansisse reli-
quias. Quas cum longo iam tempore de-
fraudatas honorificentia debita: non sine
mœrore conspiceret: præcepit Fratribus
vt eas cum reuerentia deferrent ad locum.
Sed cum poscente causa discessisset ab eis:
mandati patris immemores, filij obedien-
tiæ meritum neglexerunt. Die vero qua-
dam cum sacra celebrare vellent mysteria:
superiori altaris operimento summoto of-
fa pulcherrima, & redolentia nimis non
sine admiratione reperiunt intuentes reli-
quias, quas non hominis inanus, sed Dei
virtus attulerat. Reuersus paulopost vir
Deo deuotus diligenter cœpit exquirere
si quod de reliquijs mandauerat esset im-
pletum. Verum neglectæ obedientiæ cul-
pam Fratres confitentes humiliter cum
pœna veniam meruerunt. Et ait vir san-
ctus: Benedictus Dominus Deus meus,
qui

qui per seipsum impleuit, quod vos facere debuistis . Considera diligenter Diuinæ Prouidentię curam circa puluerem nostrum, & humilis Francisci excellentem in oculis Dei perpende virtutem . Nam cuius iussis non paruit homo, votis obediuit Deus . Quodam tempore deueniens Imolam ciuitatis Episcopum adiit; humiliterque poposcit, vt cum ipsius beneplacito posset populum ad prædicationem vocare . Cui Episcopus durè respondens: sufficit inquit Frater, quod ego prædicem populo meo . Inclinauit caput verus humilis, & foras egressus: post modicam horam regreditur intro . A quo cum Episcopus quasi turbatus requireret quid iterato petere vellet: humili tam corde, quàm voce respondit . Domine si pater filium vno repulerit hostio: alio sibi reintrandum est . Humilitate victus Episcopus, alacri vultu eum amplexus est dicens . Tu & omnes Fratres tui de cætero in Episcopatu meo generali mea licentiâ prædicetis; quia illud humilitas sancta promeruit . Contigit ipsum aliquando Aretium deuenire cum tota ciuitas intestino bello

qual-

quassata propinquum sui minabatur excidium. Hospitatus vero in suburbio vidit supra ciuitatem exultantes dæmones, ac perturbatos ciues ad cædem mutuam succendentes. Vt autem seditiosas illas effugaret aëreas potestates: Fratrem Siluestrum columbinæ simplicitatis virum, quasi præconem præmisit, dicens. Vade ante portam ciuitatis, & ex parte Dei Omnipotentis dæmonibus in virtute obedientiæ præcipe, vt exeant festinanter. Accelerat verus obediens patris iussa perficere: & præoccupans in laudibus faciem Domini ante portam ciuitatis cœpit clamare valenter. Ex parte Omnipotentis Dei, & iussu serui eius Francisci procul hinc discedite dæmones vniuersi. Redit ad pacem continuo ciuitas: & ciuilitatis in se iura ciues omnes cum magna tranquillitate reformant. Expulsa quippè dæmonum furibunda superbia, quæ ciuitatem illam velut obsidione vallauerat: superueniens sapientia pauperis videlicet Francisci humilitas: pacē reddidit, urbemq; saluauit. Humilis enim obedientiæ ardua promerente virtute super spiritus illos rebel-

belles atque proteruos tam potestatum fuerat affecutus imperium, vt & ipsorum feroces proteruias præmeret, & importunas violentias propulsaret. Fugiant quidem superbi dæmones excelsas virtutes humilium, nisi cum interdum ad humilitatis custodiam diuina eos clementia collaphizari permittit: sicut & Paulus Apostolus de seipso scribit: & Franciscus experimento probauit. Rogatus enim à Domino Leone Cardinali Sanctæ Crucis, vt secum aliquantum moraretur in Vrbe: acquieuit humiliter ob ipsius reuerentiam, & amorem. Prima igitur nocte cum post orationem vellet quiescere: superueniunt dæmones in Christi militem atrociter insurgentes. Quem cum diu verberassent, ac durè: ad vltimum quasi seminecem reliquerunt. Discedentibus illis, socius vocatus aduenit: cui cum vir Dei rei narrasset euentum: subiungens ait. Credo Frater quod dæmones, qui nihil possunt, nisi quantum prouidentia superna disponit: ideo in me nunc tam ferociter irruerunt: quia non bonam spem præfert mansio mea in curia Magnatorum.

Eratres mei qui in locis pauperculis commorantur: audientes me cum Cardinalibus esse, suspicabuntur forsitan implicari mundanis, efferri honoribus, & delitijs abundare. Ideo melius iudico: eum qui ponitur in exemplum fugere curias: & humiliter inter humiles in locis conuersari humilibus: vt sustinentes penuriam, fortes efficiat: similia sustinendo. Veniunt ergo mane, & humili excusatione proposita: vale faciunt Cardinali. Abhorrebat nempe vir sanctus superbiam omnium malorum originem, & inobedientiam ipsius pessimam prolem: sed non minus humilitatem poenitentiae acceptabat. Accidit semel vt eidem praesentaretur quidam Frater qui contra legem obedientiae aliquid fecerat: disciplina iustitiae corrigendus. Videns autem vir Dei Fratrem illum per signa euidentia veraciter esse compunctum ad indulgendum ei amore fuit humilitatis inductus. Ne tamen facilitas veniae incentiuum esset alijs delinquendi: iussit ablatum Fratri caputium in medio flammaram proijci: vt omnes aduerterent: quanta, qualique vindicta of-

fenſa ſit inobedientiæ percellenda. Cum-
que per moram caputium fuiſſet in medio
ignis: præcepit ipſum flammis detrahi:
reddique Fratri humiliter pœnitenti. Mi-
rabile dictum. Extrahitur caputium de me-
dio flammarum nullum habens aduſtionis
veſtigium. Sicque factum eſt, vt hoc vno
Deus miraculo, & ſancti viri virtutem,
& humilitatem pœnitentiæ commendaret.
Digne itaque ſectanda eſt Franciſci humi-
litas, quæ tam miram in terris etiam di-
gnitatem obtinuit, vt Deum inclinaret
ad votum, & hominis immutaret affe-
ctum: demonum proteruitatem ſuo iuſſu
propelleret: & flammarum voracitatem
ſolo nutu refrenaret. Re vera hæc eſt:
quæ poſſeſſores ſuos exaltans: dum om-
nibus reuerentiam exhibet ab omnibus
promeretur honorem.

C A P V T VII.

*De amore paupertatis, & mira ſup-
plectione defectuum.*

INter cætera chariſmatum dona, quæ
à largo datore Franciſcus obtinuit:
præ-

prærogatiua quadam speciali promeruit
in diuitias simplicitatis excreſcere per al-
tiſſimæ paupertatis amorem. Hanc Filio
Dei vir ſanctus familiarem attendens, &
iam quaſi toto Orbe repulſam charitate
ſic ſtudit deſponſare perpetua: quod non
ſolum pro ea patrem matremque reliquit;
verum etiam, quæ habere potuit vniuer-
ſa diſperſit. Nemo tam auri, quàm ipſe
cupidus paupertatis, nec theſauri cuſtò-
diendi ſollicitior ullus, quam iſte huius
Euangelicæ margaritæ. In hoc præcipuè
ſuus offendeſatur aſpectus ſi quidquam
videret in Fratribus, quod paupertati
non per omnia conſonaret. Re vera ipſe
à principio Religionis uſque ad mortem
tunica, cordula, & femoralibus diues: ijs
contentus fuit. Chriſti IESV paupertate
m, & matris frequenter cum lachrymis
reuocabat ad mentem: inde hanc virtu-
tum aſſerens eſſe reginam: quia in Rege
Regum, & in Regina matre ipſius tam
præſtanter eſſulſit. Nam & Fratribus in
conclauis quærentibus, quæ virtus magis
amicum redderet Chriſto: quaſi ſecretum
ſui cordis aperiens reſpondebat. Pauper-

tatem noueritis Fratres : specialem viam
esse salutis tanquam humilitatis fomen-
tum , profectionisque radicem : cuius est
fructus multiplex , sed occultus . Hæc
enim est Euangelici agri thesaurus abscon-
ditus , pro quo emendo vendenda sunt
omnia , & quæ vendi non possunt illius
comparatione spernenda . Ad huius in-
quit culmen qui cupit attingere : non so-
lum mundanæ prudentiæ : verum etiam
litterarum peritiæ renunciare quodammo-
do debet , vt tali expropriatus possessione
introëat in potentias Domini : & nudum
se offerat brachijs Crucifixi . Nequaquam
enim sæculo perfectè renunciat : qui pro-
prij sensus oculos intra cordis arcana
reſeruat . Sæpè vero de paupertate sermo-
nè faciens ingerebat Fratribus Euangeli-
cum illud . Vulpes foueas habent , & vo-
lucres cœli nidos : filius autem hominis
non habet vbi caput suum reclinet . Pro-
pter quod docebat Fratres , vt pauperum
more pauperculas casulas erigerent : quas
non habitarent vt proprias : sed sicut pe-
regrini , & aduenæ alienas . Leges namq;
peregrinorum esse dicebat sub alieno col-
ligi

ligi tecto sitire ad patriam pacificè pertransire . Mandabat dirui aliquando domos erectas , aut Fratres exinde amoueri : si aliquid in eis perciperet , quod ratione appropriationis , vel sumptuositatis contrarium esset Euangelicæ paupertati . Hanc sui dicebat Ordinis fundamentum : cui substrato primariè , sic omnis structura Religionis innititur , vt ipsius firmitate firmetur , & euersione funditus evertatur . Docebat proinde sicut reuelatione didicerat : Sacræ Religionis ingressum ab illo fore incoandum Euangelico verbo : Si vis perfectus esse , vade , & vende omnia quæ habes , & da pauperibus . Ideoque non nisi expropriatos , & nihil penitus retinentes admittebat ad ordinem : tum propter verbum sancti Euangelij , tum etiam ne forent in scandalum loculi reseruati : Vnde in Marchia Anconitana cuidam petenti ad Ordinem recipi : verus pauperum Patriarcha respondit . Si vis Christi pauperibus iungi : pauperibus tua distribue . Quo audito perrexit homo , & ductus amore carnali sua suis reliquit , nilque pauperibus . Verum cum hoc illo referente : vit

sanctus audisset : dura eum increpatione feriens, dixit : vade viam tuam Frater Mufca : quoniam nondum existi de domo , & cognatione tua . Consanguineis tuis tua dedisti , & defraudasti pauperes : dignus non es pauperibus sanctis . Incepisti à carne : ruinosum fundamentum spirituali fabricæ collocasti . Redijt animalis homo ad suos , & repetijt sua , quæ pauperibus relinquere nolens : virtutis propositum citius dereliquit . Alio quoque tempore cum in loco Sanctæ Mariæ de Portiuncula tanta esset inopia , quod non posset hospitibus Fratribus superuenientibus secundum necessitatis exigentiam prouideri : adijt virum Dei Vicarius suus allegans penuriam Fratrum , & petens vt intrantium nouitiorum res aliquas reseruare liceret , ad quas expendendas recurrere possent Fratres tempore opportuno . Ad quem vir sanctus superni consilij non ignarus . Absit inquit à nobis Frater charissime , vt pro quouis homine impie agamus in Regulam . Malo te altare Virginis gloriosæ nudare , cum necessitas id requirit : quam contra paupertatis votum , &

ob-

obseruantiam Euangelij aliquid vel modicum attentare. Gratius enim habebit Beata Virgo sancta Euangelij perfecte seruato consilio: suum altare detegi, quam altari suo ornato filij sui promissum consilium prætermitti. Transiens autem quodam tempore vir Dei cum suo socio per Apuliam iuxta Barum: inuenit in via bur-
sam magnam (quasi plena esset denarijs) tumescentem : quam vñtato vocabulo Fundam appellant. Monetur à socio pauper Christi, & instanter inducitur, vt bursa tollatur è terra, & pecunia pauperibus erogetur. Renuit homo Dei: commentum affirmans fore diaboli in bursa inuenta, & Fratrem non suadere rem meriti: sed peccati aliena, scilicet surripere, ac donare. Recedunt de loco, festinant iter perficere coeptum. Sed nondum quiescit Frater vacua pietate delusus: virum Dei molestans: quasi qui de releuanda pauperum penuria non curaret. Acquieuit tandem vir mitis redire ad locum, non vt Fratris voluntatem perficeret: sed vt detegeret diabolicam fraudem. Reuersus est ergo ad fundam cum Fra-

tre, & iuvene quodam, qui erat in via, oratione præmissa, iubet socio illam leuare. Tremefactus Frater obstupuit: diabolicum iam præsentiens monstrum: propter obedientiæ tamen sanctæ mandatum dubietatem abigens cordis, manum extendit ad bursam. Et ecce serpens non modicus de bursa exiliens: simulque cum ipsa subito euanescens, diabolicam deceptionem Fratri monstrauit. Hostilis itaque versutiæ deprehensa fallacia, dixit vir sanctus ad socium. Pecunia seruis Dei ò Frater nihil aliud est, quam diabolus, & coluber venenosus.

Accidit post hæc quoddã mirabile viro sancto, dum se ad ciuitatem Senensem causa exigente transferret. Tres quidem mulieres pauperculæ statura, ætate, ac facie per omnia similes in quadam ei magna planitie inter Campilium, & Sanctum Quiricum occurrerunt: nouum salutationis munusculum ei offerentes. Bene veniat (inquiunt) domina paupertas. Quo audito, verus paupertatis amator indicibili repletus est gaudio; vtpotè qui
nihil

nihil in se salutandum hominibus tam libenter haberet, quàm quod illæ decreuerant. Subitò disparentibus illis considerantes Fratres socij tam admirabilem in eis similitudinem salutationis occursum, & disparentiæ nouitatem: mysticum aliquid designari circa virum sanctum non irrationabiliter perpenderunt. Sanè per illas tres vt videbatur mulieres pauperculas sic vniformi facie occurrentes, sic saluantes insolitè: sic subitò disparentes, euangelicæ perfectionis formositas, quantum ad castitatem scilicet obedientiam, & paupertatem satis conuenienter ostenditur in viro Dei pari forma perfectè fulsisse: licet gloriari præelegerit in priuilegio paupertatis, quam modò Matrem, modò Sponsam, modò Dominam nominare solebat. In hac cæteros cupiebat excedere, qui ex ipsa didicerat inferiorem se omnibus reputare. Si quandò pauperiorem se quempiam secundum exteriorem habitum cerneret, semetipsum protinus arguens excitabat ad simile: tanquam si æmula paupertate concertans, vinci se timeret in illo. Accidit enim, vt
pau-

pauperulum quendam obuium haberet in via, cuius cū nuditatem aspiceret, compunctus corde, lamentabili voce dixit ad socium. Magnam verecundiam intulit nobis huius inopia; quia nos pro magnis diuitijs paupertatem elegimus, & ecce magis relucet in isto. Propter sanctæ paupertatis amorem Omnipotentis Dei famulus: eleemosynis hostiatim quaesitis utebatur multo libentius, quam oblatiis. Si quando enim inuitatus à magnis personis, mensis esset profusioribus honorandus, prius per propinquas vicinorum domos panum fragmenta petebat, ac deinde sic ditatus inopia discumbebat. Et cū aliquando id fecisset, inuitatus à domino Hostiense, qui pauperem Christi præcipuo complexabatur affectu, conquerenti Episcopo, quod suo derogasset honori, utpotè qui in eius commesturus domo pro eleemosynis isset. Seruus Dei respondit. Magnum mi domine vobis honorem exhibui, dum maiorem Dominum honoravi. Siquidem beneplacitum est Domino in paupertate, & ea maxime quæ voluntaria pro Christo mendicitas

citas est. Hanc dignitatem regalem, quam pro nobis Dominus IESVS egenus factus assumpsit, ut sua nos ditaret inopia, ac verè pauperes spiritu regni cœlorum Reges institueret & hæredes, nolo relinquere pro feudo diuitiarum falsarum vobis ad horam concessio. Non nunquam Fratres ad petendum eleemosynam hortans, verbis utebatur huiusmodi. Item inquit quoniam hac nouissima hora Fratres Minores commodati sunt Mundo, ut electi in eis impleant; vnde à Iudice commendentur, illud audientes suauissimum verbum, quandiù fecistis vni ex his Fratribus meis Minimis mihi fecistis. Iocundum proinde dicebat sub Fratrum Minorum titulo mendicare, quem in retributione iustorum euangelicæ veritatis Magister ore suo tam signanter expressit. In festis quoque præcipuis vbi oportunitas aderat, mendicare solitus erat dicens in sanctis pauperibus propheticum illud impleri. Panem Angelorum manducauit homo. Illum sanè panem Angelicum esse dicebat, quem pro Dei petiti-
tum amore, & beatis suggerentibus An-
ge-

gelis pro ipsius charitate largitum. Sancta paupertas colligit hostiatim. Vnde cum semel die sancto Paschæ moram faceret in heremitorio quodam adeò ab hominum habitatione remoto: quod commodè mendicare non posset, memor illius, qui discipulis euntibus in Emaus ipso die in specie peregrini apparuit, ab ipsis Fratribus eleemosynam petijt, vt peregrinus & pauper. Quam cum accepisset humiliter, sacris eos informauit eloquijs, quod transeuntes per Mundi desertum tanquam peregrini, & aduenæ, verique Hæbrei Pascha Domini (hoc est transitum ex hoc Mundo ad Patrem) in paupertate spiritus continuè celebrarent. Et quoniam in petendis eleemosynis non quæstus agebatur cupidine; sed spiritus libertate Pater pauperum Deus specialem de ipso curam gerere videbatur.

Accidit enim semel, vt infirmitate grauatulus Domini seruus, in loco Nocerix, reduceretur Assisium per solemnes nuntios, ad hoc Assisinatis Populi deuotione transmissos. Qui Christi famulum deducetes, ad villam quandam deuenerunt

pau-

pauperulam nomine Sarrhianum: Vbi
cùm fames, & hora cibum expeterent,
euntes & nihil inuenientes venale, vacui
redierunt. Ad quos vir sanctus: ideo ni-
hil inuenistis; quia plus in muscis vestris,
quam in Domino confiditis. Muscas nem-
pè denarios vocauit. Sed reuertimini
(ait) per domos, quas circuistis, & amo-
rem Dei offerentis pro pretio, humiliter
eleemosynam postulate. Nec falsa id
æstimatione verecundum putetis, aut vile:
quoniam vniuersa in eleemosyna post
peccatum dignis, & indignis eleemosyna-
rius ille magnus largiflua pietate conces-
sit: Deponunt erubescantiam milites, &
eleemosynam spontè petentes, plura pro
Dei amore, quam denarijs emunt. Si-
quidem diuino nutu corde compuncti
pauperes incolæ, non solum sua, sed &
seipsum liberaliter obtulerunt. Sicque
factum est, vt inopia, quam pecunia rele-
uare non poterat, Francisci pauperies
opulenta suppleret. Tempore quo infir-
mus iacebat in heremitorio propè Reate,
medicus quidam oportuno eum frequen-
tabat officio. Cùm autem Christi pauper;

impotens esset ad rependendam mercedem labori condignam, liberalissimus Deus ne ipsum sine præsentī remuneratione dimitteret, pium eius obsequium hoc nouo beneficio vice pauperis compensauit. Huius enim medici domus, quam tunc temporis ex omni lucro suo, de nouo construxerat, parietum patula scissione à summo vsque deorsum, adeò de proximo minabatur ruinam, quod non videbatur per humanæ artis industriam possibile ipsius casui obuiare. Ipse verò de sancti viri meritis plenè confidens: cum magnæ fidei deuotione petiuit à socijs eius aliquid sibi concedi, quod idem vir Dei manibus contrectasset. Cum igitur modicum de capillis ipsius multa precum obtentum instantia, posuisset de sero intra muri scissuram, manè confurgens, tanta inuenit aperturam illam soliditate conclusam, vt nec reliquias ibi positas posset extrahere, nec scissuræ prioris vestigium aliquod inuenire. Factumque est, vt qui ruinoso corpusculo serui Dei sedulè ministrarat: ruituræ domus propriæ periculo præcaueret. Alio quoque
tem-

tempore vir Dei ad quandam heremum
transfere se volens, vt ibi liberius con-
templationi vacaret; quia debilis erat,
cuiusdam viri pauperis vestabatur a fello.
Cumq; diebus æstiuis famulum CHRISTI
sequendo vir ille montana conscenderet,
asperioris, & longioris itineris fatigatus,
nimioque sitis ardore deficiens, instanter
cœpit clamare post sanctum. En morior
(inquit) siti: nisi poculi alicuius beneficio
continuo refociller. Absque mora vir
Dei profiliuit de asino, & fixis in terra
genibus, palmas tetendit in cœlum, ora-
re non cessans, donec se intellexit audi-
tum. Oratione tandem finita, festina inquit
viro ad petram, & illic aquam viuam in-
uenies, quam tibi hac hora misericordi-
ter CHRISTVS de lapide bibendam pro-
duxit: Stupenda Dei dignatio, quæ ser-
uis suis tam facile se inclinât. Bibit si-
tiens homo aquam de petra orantis vir-
tute, & poculum hausit de saxo durissi-
mo. Aquæ decursus ibidem ante non
fuit, nec vt est diligenter quæsitum, dein-
ceps potuit inueniri. Qualiter autem per
merita sui pauperis: Christus multiplica-
uerit

uerit cibos in mari, cum suo sit loco inferior annotandum: Hoc tantum commemorasse sufficiat; quod de eleemosyna modica sibi collata, nautas à famis, & mortis periculo per dies plurimos liberavit, ut ex hoc liquido possit aduerti, quod Omnipotentis Dei famulus sicut in educatione aquæ de petra conformis extitit Moyse, sic in multiplicatione victualium Eliseo. Procul igitur à pauperibus Christi dissidentia omnis abscedat. Si enim paupertas Francisci adeò copiosæ sufficientiæ fuit, ut subuenientium sibi defectus iam mira virtute suppleret, quod nec cibus, nec potus, nec domus deesset, cum pecuniæ, & artis, & naturæ facultas defecerat: multo magis illa inerebitur, quæ usitato diuinæ providentiæ ordine communiter conceduntur, Si inquam petræ siccitas ad pauperis vocem abundans poculum sitienti propinauit paupereulo: nil iam inter omnia suum denegabit obsequium his, qui pro auctore omnium omnia reliquerunt.

CAPVT VIII.

De pietatis affectu, & quomodo ratione carentia videbantur ad ipsum affici.

Pietas vera, quæ secundum Apostolum ad omnia valet: adeo cor Francisci repleuerat, ac penetrauerat, vt totum videretur seruum Dei in suum dominium vendicasse. Hæc est, quæ ipsum per deuotionem sursum agebat in Deum: per compassionem transformabat in Christum: per condescensionem inclinabat ad proximum, & per vniuersalem conciliationem ad singula: refigurabat ad innocentia statum. Cumquæ per hanc piè moueretur ad omnia: specialitèr tamen animas Christi IESV sanguine pretioso redemptas cum cerneret inquinari aliqua forde peccati: tanta miserationis teneritudine deplorabat, vt eas tamquam Mater in Christo quotidie parturiret. Et hæc penès ipsum causa præcipua venerandi verbi Dei ministros, quod semen fratri suo defuncto Christo, videlicet pro peccato-

G

ribus

ribus crucifixo per ipsorum conuersionem , & pia sollicitudine suscitent , & sollicita pietate gubernent . Istiusmodi miserationis officium Patri misericordiarum omni sacrificio firmabat acceptius maxime si studio fuerit perfectæ charitatis impensum , vt ad id laboretur magis exemplo , quàm verbo : magis lachrymosa prece , quàm loquaci sermone . Plangendum proinde dicebat prædicatorem tanquam vera pietate priuatum , siuè qui in prædicatione non animarum quærit salutem , sed propriam laudem , siuè qui prauitate destruit vitæ , quod ædificat veritate doctrinæ . Præferendum huic dicebat fratrem simplicem , & elinguem , qui bono exemplo alios prouocat ad bonum . Illud quoque verbum : donèc sterilis peperit plurimos : talitèr exponebat . Sterilis (inquit) est frater pauperculus , qui generandi in Ecclesia filios non habet officium . Hic pariet in iudicio plurimos , quia quos nunc priuatis orationibus conuertit ad Christum : suæ gloriæ tunc Iudex ascribet . Quæ multos habet filios , infirmabitur , quia Prædicator vanus , &

loquax : qui multis nunc quasi sua virtute genitis gaudet : cognoscet tunc se nil proprii habere in eis . Cùm igitur animarum salutem viscerosa pietate appeteret , & feruida emulatione zelaret : suauissimis se dicebat repleri odoribus , & quasi vnguento pretioso liniri , cum sanctorum fratrum per Orbem distantium odorifera fama : multos audiret ad viam veritatis induci . Et talium auditu exultabat in spiritu : benedictionibus omni acceptione dignissimis fratres illos accumulans , qui verbo , vel opere ad Christi amorem inducerent peccatores . Sic etiam qui Religionem sacram iniquis violarent operibus : maledictionis eius grauissimam incurrebant sententiam . A te Domine (inquit) sanctissime : à tota cœlesti curia , & à me paruulo tuo sint maledicti , qui suo malo exemplo confundunt , & destruunt , quod per sanctos Fratres Ordinis huius ædificasti , & ædificare non cessas . Tanta frequentè afficiebatur moestitia super scandala pusillorum , vt deficere se putaret : nisi diuinæ fuisset clementiæ consolatione suffultus . Cùm autem semel malis

turbatus esset exemplis, anxio spiritu misericordem patrem præcaretur pro filiis, responsum huiusmodi reportauit à Domino. Cur tu pauper homuncio conturbaris, an ego te super Religionem meam sic Pastorem institui, vt me principalem nescias esse patronum? hominem simplicem ad hoc te constitui, vt quæ in te fecero, non humanæ industriæ, sed supernæ gratiæ ascribantur. Ego vocaui: seruabo & pascam, & alijs excidentibus alios subrogabo, itaut si nati non fuerint, faciam illos nasci, & quantiscunque fuerit impulsibus paupercula hæc concussa, Religio: salua semper meo munere permanebit. Detractionis quoque vitium inimicum fonti pietatis, & gratiæ, tanquam serpentinum abhorrebat morsum, & atrocissimam pestem, & pijssimo Deo abominabile fore firmabat, pro eo quod detractor animarum sanguine pascitur, quas gladio linguæ necat. Audiens semel fratrem quendam denigrare famam alterius conuersus ad Vicarium suum dixit. Surge, surge, discute diligentèr, & si accusatum fratrem innocentem reperiris: accusa-

cusantem dura correctione cunctis redde-
notabilem. Nonnunquam verò cum, qui
fratrem suum famæ gloria spoliaret :
iudicabat habitu spoliandum, nec ad Do-
minum oculos posse leuare, nisi prius
quod abstulerat reddere pro posse cura-
ret. Tantò maior est (aiebat) detracto-
rum impietas, quàm latronum : quantò
lex Christi, quæ in obseruantia pietatis
impletur, magis animarum, quàm cor-
porum nos astringit optare salutem. Af-
flictis quoque qualicunque corporali mo-
lestia mira compassionis teneritudine con-
descendens : si quid penuriæ : si quid de-
fectus in aliquo cerneret pij cordis dulce-
dine regerebat in Christum. Sanè ele-
mentiam habebat ingenitam, quam super-
infusa Christi pietas duplicabat. Itaque
liquefcebat animus eius ad pauperes, &
infirmos : & quibus non poterat manum :
exhibebat affectum. Contigit semel, vt
pauperi cuidam elemosynam importunè
petenti : vnus è fratribus dyrius respon-
deret. Quod audiens pauperum pius ama-
tor, fratri præcepit, vt ad illius pauperis
pedes se nudatum prosterneret : procla-

maret culpabilem : orationis suffragium postularet & veniam . Quod cum ille fecisset humiliter : dulciter pater adiecit . Dum pauperem vides, ò frater : speculum tibi proponitur Domini , & pauperis matris eius . In infirmis : similiter infirmitates, quas assumpsit : considera . Cumque in pauperibus cunctis, & ipse christianissimus pauper effigiem Christi prospiceret, si qua etiam necessaria vitæ sibi collata fuissent : eis occurrentibus non solum liberaliter conferebat , verum etiam ac si illorum propria essent, iudicabat esse reddenda . Accidit semel, vt eidem redeunti de Senis pauper quidam occurreret cum occasione infirmitatis, super habitum palliolo quodam esset amictus . Cuius miseria oculo clementi conspecta: oportet(inquit ad socium) vt reddamus mantellum pauperculo isti : nam ipsius est . Mutuo enim ipsum accepimus : donec pauperiorem inuenire contingeret . Socius autem pij Patris necessitatem considerans , pertinaciter obsistebat, nè prouideret alij se neglecto . At ille pro furto (ait) mihi reputo à magno eleemosynario imputandum,

dum, si hoc, quod fero non dederò magis egenti. Propterea de omnibus, quæ sibi dabantur ad necessitatem corporis releuandam solitus erat à dantibus licentiam petere, vt licitè posset, si magis egenus occurreret erogare. Nulli prorsus rei parcebat, nec mantellis, nec tunicis, nec libris, nec etiam paramentis Altaris, quin omnia hæc dum posset, vt pietatis imple- ret officium indigentibus largiretur. Pluries cum oneratis obuiaret in via pauperibus: imbecilles humeros illorum oneribus supponebat.

Consideratione quoque primæ originis omnium abundantiori pietate repletus: creaturas quantumlibet paruas: fratris vel sororis appellabat nominibus pro eo, quod sciebat eas vnum secum habere principium. Illas tamen viscerosius amplexabatur, & dulcius quæ Christi mansuetudinem piam: similitudine naturali prætendunt, & scripturæ significatione figurant. Redemit frequentèr agnos, qui ducebantur ad mortem: illius memor agni mitissimi, qui ad occisionem duci voluit pro peccatoribus redimendis. Hof-

pitato quadam vice seruo Dei apud Monasterium S. Verecundi de Episcopatu Eugubij : ouicula quædam agniculum peperit illa nocte . Aderat sus ferocissima , quæ vitæ innocentis non parcens , rapaci cum morfu necauit . Hoc audito pius Pater mira compassione commotus : & agni sine macula recordatus , lamentabatur pro morte agniculi coram omnibus , dicens : Heu mi frater agnicule animal innocens : Christum hominibus representans . Maledicta sit impia , quæ te interfecit , nullusque de ea comedat homo , vel bestia . Mirabile dictu . Statim infirmari cœpit porca malefica , & tribus diebus corpoream poenam exoluens : vlticem tandem pertulit necem . Proiecta autem in vallum Monasterij , ibique longo tempore iacens : in modum tabulæ desiccata : nulli fuit esca famelico . Aduertat igitur humana impietas quali poena sit ferienda finalitèr : si tam horrenda morte percussa est ferocitas bestialis . Perpendat & fidelis deuotio , quam in seruo Dei pietas fuerit admirandæ virtutis , & copiosæ dulcedinis , vt ei applauderet suo modo etiam

natu-

natura brutorum . Iter enim faciens iuxta
ciuitatem Senensem , inuenit in pascuis
magnum ouium gregem . Quas cum be-
nignè (vt erat solitus) salutaſſet : relicto
paſtu, cucurrerunt omnes ad eum : leuan-
tesque capita ſua : erectis in eum lumini-
bus, intendebant . Tantùm quidem ei fe-
cerunt applauſum, vt Paſtores mirarentur
& fratres : cernentes circa ipſum tam
ouium agnos , quam ipſos arietes ſic mi-
rabilitèr exultantes . Alio quoque tem-
pore apud S. Mariam de Portiuncula quæ-
dam viro Dei fuit ouis oblata : quam
propter innocentia, ac ſimplicitatis amo-
rem : quas ouis natura prærendit gratan-
ter ſuſcepit . Monebat pius vir ouiculam,
vt & laudibus diuinis intenderet , & ab
omni fratrum offenſa cauere : ouis autem
quaſi viri Dei pietatem auerteret , infor-
mationem ipſius ſolicite obſeruabat . Nam
audiens Fratres in Choro cantare , & ipſa
Eccleſiam ingrediens ſine alicuius infor-
matione fleſcebat genua , vocem balatus
emittens ante Altare Virginis Matris agni:
ac ſi eam ſalutare geſtiret . Inſuper & cum
eleuaretur Sacraſſimum CHRISTI cor-
pus

pus inter Missarum solemnia : flexis curuabatur poplitibus, tanquam si reuerens pecus de irreuerentia indeuotos argueret, Christoque deuotos ad Sacramenti reuerentiam inuitaret . Tempore quodam agniculum in Vrbe secum habuerat ob reuerentiã illius mitissimi agni, quem nobili matronæ Dominæ, scilicèt Iacobæ de Septem solijs in suo recessu conseruandum commisit . Agnus verò quasi in spiritalibus eruditus à sancto Dominæ ad Ecclesiam eunti, stanti, & reuerenti societati inseparabili cohærebat . Si matutinali hora Domina tardaret, exurgere : agnus consurgens impellebat eam cornulis, & balatibus excitabat : gestibus adhortans & nutibus, vt ad Ecclesiam properaret . Propter quod agnus Francisci discipulus : deuotionis iam Magister effectus, vt mirabilis, & amabilis à Domina seruabatur . Alio quoq; tempore apud grecium viuus viro Dei oblatus fuit lepusculus, qui liber in terra positus, cum posset, quo vellet, effugere : vocante se Patre benigno in sinum illius propere cursu saltauit . Quem ipse pio cordis affectu circumfo-

uens :

uens : videbatur eidem compati quasi mater , dulcique allocutione communitum , nè se iterum capi permetteret : liberum abire permisit . Cumquè pluries in terra positus , vt abscederet : semper in sinum Patris rediret , tanquam si sensu quodam occulto cordis ipsius perciperet pietatem : tandèm iussu Patris à Fratribus delatus est ad loca solitudinis tutiora . Modo quoque consimili : in Insula lacus Perusini cuniculus quidam captus , & viro Dei oblatus , cum ceteros fugeret , manibus eius & sinu se domestica securitate commisit . Per lacum Reatinum eidem ad Heremum de greccio properanti : Piscator vnã ex deuotione fluuialem obtulit auẽ , quam cum libentè susceptam apertis inuitaret manibus ad recessum , nec illa vellet abire : erectis in Cœlum oculis , diu in oratione permansit , & quasi aliundè post longam horam ad se reuersus , dulcitè iterat , mandauit auiculæ , vt Dominum laudatura recederet . Suscepta itaque cum benedictione licentia : gestu corporis quoddam prætendens gaudium , aduolauit . In eodem lacu similiter oblatus :

fuit

fuit ei piscis magnus, & viuis : quem more solito fraterno nomine vocans : in aquam reposuit iuxta nauem . Piscis vero coram viro Dei ludebat in aqua , & quasi amore illius allectus , nullatenus recessit à naui : nisi prius ab eodem cum benedictione licentia sibi data . Alio quoque tempore ambulans cum quodam Fratре per paludes Venetiarum : inuenit maximam auium multitudinem residentium, & cantantium in virgultis . Quibus visis : dixit ad socium . Sorores aues laudant Creatorem suum : nōs itaque in medium ipsarum euntes : laudes , & horas canonicas Domino decantemus . Cumque in medium ipsarum intrassent : non sunt aues motæ de loco . Et quia propter garritum ipsarum in dicendis horis se mutuo audire non poterant : conuersus vir sanctus dixit ad aues : Sorores aues à cantu cessate , donec laudes Deo debitas persoluamus . At illæ continuo tacuerunt : tandiu in silentio persistentes : quamdiu dictis horis spatiosè , & laudibus persolutis à sancto Dei cantandi licentiam receperunt . Dante autem eis viro Dei licentiam,

tiam, statim more solito cantum suum resumpserunt. Apud Sanctam Mariam de Portiuncula, iuxta cellam viri Dei super ficum cicada residens, & decantis: cum seruum Domini, qui etiam in parvis rebus magnificentiam Creatoris admirari didicerat: ad diuinas laudes cantu suo frequentius excitaret: ab eodem quadam die vocata: velut edocta cœlitus super manum volauit ipsius. Cui cum dixisset canta soror mea cicada, & Dominum Creatorem tuo iubilo lauda: sine mora obediens canere cœpit, nec destitit, donec iussu Patris ad locum proprium reuolauit. Mansit autem per octo dies ibidem: quolibet die veniendo, cantando, & recedendo eius iussa perficiens. Tandem vir Dei ait ad socios. Demus iam sorori nostræ cicadæ licentiam: satis enim nos suo cantu lætificans ad laudes Dei octo dierum spatio excitauit. Et statim ab eo licentiata recessit: nec vltra ibidem apparuit: ac si mandatum ipsius non auderet aliquatenus præterire. Eidem Senis infirmo Phasianus quidam de nouo captus, à nobili quodam transmissus est viuus. Qui
con-

continuo vt virum sanctum audiuit , & vidit : tanta ei amicabilitate cohæsit : vt nullo modo pateretur ab ipso scingi . Nam pluribus vicibus extra locellum fratrum in vinea positus vt abiret si vellet : rapido semper cursu redibat ad patrem , tanquam si ab eodem omni fuisset tempore educatus . Deinde cuidam collatus viro qui ex deuotione seruum Dei visitare solebat , velut sibi molestum foret à pij patris absentari conspectu : escam recusauit omnino . Reportatus tandem ad famulum Dei : statim vt conspexit eundem , quibusdam hilaritatis prætextibus , auidè manducauit . Cum ad heremum peruenisset Aluernæ propter Quadragesimam celebrandam in honorem Archangelii Michaelis diuersi generis aues circa ipsius cellulam volitantes , concentu sonoro , & letitiæ gestibus , quasi de eius aduentu gaudentes , patrem pium inuitare , ac allicere videbantur ad moram . Quo viso , dixit ad socium . Cerno frater voluntatis esse diuinæ , quod hic aliquandiu commoremur , tantum sorores auiculæ de nostra videntur præsentia consolari . Cum igitur

igitur contraheret ibi moram, Falco ibidem nidificans magno se illi amicitiae fœdere copulauit. Nam semper horam nocturno tempore, in qua vir sanctus ad diuina officia surgere solitus erat, cantu suo præueniebat, & sono. Quod famulo Dei gratissimum erat: eo quod tanta sollicitudo, quam circa eum gerebat, omnem ab ipso torporem desidia excuteret. Cum vero seruus Christi infirmitate plus solito grauaretur, parcebat Falco, nec tam tempestiuas indicebat vigilias. Siquidem velut instructus à Deo, circa diluculum suæ vocis campanam leui tactu pulsabat. Diuinum certè videtur fuisse præsagium, tam in exultatione multimodi generis auium, quam in cantu Falconis: cum Dei laudator, & cultor pœnis contemplationis subuectus tunc foret illic apparitione Seraphica sublimandus. Moram eo faciente tempore quodam in heremitorio grecij: loci illius indigenæ malis multiplicibus vexabantur. Nam, & luporum rapacium multitudo, non solum bruta, sed & homines consumebat, & grando annua tempestate blada, & vineas deuastabat. Dum

igitur

igitur sic afflictis præco sacri Euangelij prædicaret, dixit ad eos. Ad honorem, & laudem Dei Omnipotentis fide iubeo vobis, quod pestilentia hæc omnis abscedet, & respiciens vos Dominus multiplicabit in temporalibus bonis, si mihi credentes misereamini vestri, vt vera confessione præmissa dignos faciatis poenitentiae fructus. Iterum hoc annuncio vobis quod si beneficijs ingrati ad vomitum conuersi fueritis, innouabitur plaga, duplicabitur poena, & maiori in vos ira desauiet. Ab illa vtique hora poenitentiam ad exhortationem ipsius agentibus illis cessauerunt clades, periere pericula, nec molestiae quicquam lupi intulere vel grandines. Immo quod maius est, si quando vicinorum arua grando peruaderet, istorum terminis appropinquans, terminabatur ibidem, aut in partem aliam diuertebat. Cessauit grando, seruauerunt, & lupi pactiorem seculi Dei, nec contra pietatis legem in homines ad pietatem conuersos attentauerunt amplius desauire quamdiu iuxta condictum contra piissimas Dei leges impiè non egerunt. Pie igitur sentiendum est

est de pietate viri beati, quæ tam miræ dulcedinis, & virtutis fuit, vt domaret ferocia, domesticaret siluestria, mansuetam doceret, & brutorum naturam hominiam lapso rebellem ad sui obedientiam inclinaret. Verè hæc est, quæ cunctas sibi creaturas confederans valet ad omnia, promissionem habens vitæ, quæ nunc est, & futuræ.

CAPUT IX.

*De feruore charitatis, & desiderio
martyrii.*

Charitatem feruentem, qua sponsi amicus Franciscus ardebat: quis enarrare sufficiat? Totus namque quasi quidam carbo ignitus diuini amoris flamma videbatur absortus. Subitò enim ad auditum amoris Domini excitabatur, afficiebatur, inflammabatur, quasi plectro vocis extrinsecæ corda cordis interior tangeretur. Talem pro eleemosynis censum offerre: nobilem prodigalitem dicebat, & eos, qui minus ipsum, quàm de-

narios reputarent, esse stultissimos : pro eo quod solius diuini amoris impretiabile pretium ad Regnum Cœlorum sufficiat comparandum, & eius qui nos multum amauit, multum sit amor amandus. Ut autem ex omnibus excitaretur ad amorem diuinum, exultabat in cunctis operibus manuum Domini, & per iucunditatis specula in viuificam consurgebat rationem, & causam. Contuebatur in pulchris pulcherrimum, & per impressa rebus vestigia : prosequabatur vbique dilectum de omnibus sibi scalam faciens, per quam conscenderet ad apprehendendum eum, qui est desiderabilis totus. Inaudita namque deuotionis affectu, fontalem illam bonitatem in creaturis singulis; tanquam in riuulis degustabat, & quasi cœlestem concentum perciperet in consonantia virtutum, & actuum eis datorum à Deo ipsas ad laudem Domini more Prophetæ Dauid dulciter horrabatur. Christus IESVS crucifixus intra suæ mentis vbera, vt miræ fasciculus iugiter morabatur, in quem optabat per excessiui amoris incendium totaliter transformari. Prærogatiua quoque

que peculiaris deuotionis ad ipsum , ab Epiphaniæ festo vsque ad continuos quadraginta dies : eo scilicet tempore , quo Christus latuit in deserto , ad solitudinis loca declinans , cællaque reclusus quanta poterat arctitudine cibi, & potus; ieiunijs, & orationibus, & laudibus Dei sine intermissione vacabat . Tàm feruido quidem in Christum ferebatur affectu ; sed & dilectus illi tàm familiarem rependebat amorem , vt videretur ipsi famulo Dei , quasi iugem præ oculis ipsius Saluatoris sentire præsentiam , sicut aliquando socijs familiariter reuelauit . Flagrabat erga Sacramentum dominici corporis , feruore omnium medullarum , stupore admirans permaximo, illam charissimam dignationem , & dignantissimam charitatem . Sæpè communicabat , & tam deuotè vt alios deuotos efficeret , dum ad immaculati agni degustationem suauem quasi spiritu ebrius , in mentis vt plurimum rapiebatur excessum. Matrem Domini Nostri IESV Christi indicibili complectebatur amore, eo quod dominum maiestatis fratrem nobis effecerit , & per eam simus misericordiam con-

secuti . In ipsa post Christum præcipuè fides , eam sui ac suorum aduocatam constituit , & ad honorem ipsius , à festo Apostolorum Petri , & Pauli vsque ad festum Assumptionis deuotissimè ieiunabat . Angelicis spiritibus ardentibus igne mirifico ad excedendum in Deum , & electorum animas inflammandas inseparabilis erat amoris vinculo copulatus , & ob deuotionem ipsorum , ab Assumptione Virginis Gloriosæ quadraginta diebus ieiunans orationi iugiter insistebat . Beato autem Michaeli Archangelo , eo quod animarum repræsentandarum haberet officium , speciali erat amore deuotior : propter feruidum quem habebat zelum ad salutem omnium saluandorum . Ex recordatione Sanctorum Omnium tanquam lapidum ignitorum in deificum recalescebat incendium : Apostolos omnes , & præcipuè Petrum , & Paulum propter feruidam charitatem , quam habuerunt ad Christum summa deuotione complexans , ob quorum reuerentiam , & amorem , Quadragesimæ specialis ieiunium Domino dedicabat . Non habebat aliud Christi pauper-

nisi

nisi duo minuta , corpus scilicet , & animam, quod posset liberali charitate largiri . Sed hæc per amorem Christi sic offerebat continuè, vt quasi omni tempore per rigorem ieiunij corpus, & per ardorem desiderij spiritum immolaret , exterius in atrio sacrificans holocaustum , & in templo interius concremans thymiama . Sic autem cum charitatis excessiva deuotio fursum in diuina ferebat , vt eiusdem affectuosa benignitas ad naturæ consortes, & gratiæ dilataret . Quem enim creaturis cæteris germanum pietas cordis effecerat, mirum non est, si Creatoris insignitus imagine, & sanguine redemptis auctoris germaniorem CHRISTI charitas faciebat . Non se Christi reputabat amicum , nisi animas foueret, quas ille redemit . Saluti animarum nihil præferendum esse dicebat, eo maximè probans quod vnigenitus Dei pro animabus dignatus fuerit in Cruce pendere . Hinc sibi in oratione iugamentum , in prædicatione discursus , & in exemplis dandis excessus . Vnde quotiens austeritas nimia reprehenderetur in ipso, respondebat se datum alijs in exemplum .

Licet enim innocens eius caro, quæ iam se sponte subdebat spiritui: nullo egeret flagello propter offensas tamen exempli causa renouabat illi poenas, & onera: custodiens propter alios vias duras. Dicebat enim si linguis hominum loquar, & Angelorum, charitatem autem in me ipso non habeam, & proximis virtutum exempla non monstrem; parum prosum alijs, mihi nihil. Feruenti quoque charitatis incendio gloriosum Sanctorum Martyrum emulabatur triumphum, in quibus nec amoris flamma extinguï, nec fortitudo potuit infirmari. Desiderabat propterea, & ipse illa perfecta charitate succensus, quæ foras mittit timorem per martyrij flammam Hostiam Domino se offerre viuentem, vt & vicem Christo pro nobis morienti rependeret ad diuinum amorem ceteros prouocaret. Sexto namque conuersionis suæ anno desiderio martyrij flagrans, ad prædicandam Fidem Christianam, & poenitentiam Saracenis, & alijs infidelibus ad partes Syriæ transfretare disposuit. Cumque nauem quandam, vt illuc tenderet, conscendisset ventis contra-

trarijs flantibus compulsus est in Sclauoniae partibus applicare . Cum igitur moram aliquamdiu contraxisset ibidem , nec intuenire posset nauem tunc tēporis transfretantem fraudatum à suo desiderio sentiens : nautas quosdam Anchōnam tendentes , vt amore Dei eum secum ducerent exorauit . Verum illis propter expensarum defectum pertinaciter recusantibus : vir Dei plurimum de Domini bonitate confusus , nauem cum socio latenter conscendit . Affuit quidam à Deo vt creditur , pro paupere suo missus , qui secum ferens necessaria victus , quendam timentem Deum de naui ad se vocatum sic allocutus est . Hæc pro pauperibus Fratribus in naui latitantibus conserua fideliter , ac necessitatis tempore amicaliter subministra . Sicque factum est vt nautis propter vim ventorum per dies plurimos nusquam applicare valentibus , omnia consumerentur ipsorum cibaria , & sola pauperi Francisco collata desuper eleemosyna superesset . Quæ cum esset modica tantum diuina virtute suscepit augmentum , vt diebus pluribus in mari

propter tempestatem continuam contrahentibus moram, vsque ad portum Anchonæ omnium necessitatibus plenariè subueniret. Videntes itaque nautæ per feruum Dei multa se mortis euasisse discrimina, tanquam qui maris horrenda pericula senferant, & miranda opera Domini viderant in profundo: gratias egerunt Omnipotenti Deo, qui semper in suis amicis, & seruīs mirabilem, & amabilem se ostendit. Cum autem relicto mari, terram perambulare cœpisset, iactato in eam salutis semine, reportabat manipulos fructuosos. Verum quia martyrij fructus adeo cor eius allexerat, vt pretiosam pro Christo mortem super omnia virtutum merita peroptaret, versus Marrochium iter arripuit, vt Miramolino, & genti eius Christi Euangelium prædicaret: si quomodo ad concupitam palmam valeret attingere. Tanto namque desiderio ferebatur, vt quamuis esset imbecillis corpore peregrinationis suæ præcurreret comitem, & ad exequendum propositum festinus, & tanquam spiritū ebrius aduolare. Sed cum iam vsque in Hispaniam per-

perrexisset, diuina dispositione quæ ipsum
reſeruabat ad alia, grauiffima ei ſuperue-
nit infirmitas, qua præpeditus, quod cu-
piebat adimplere nequiuir. Sentiens
igitur vir Dei quod neceſſaria erat adhuc
proli quam genuerat, ipſius vita in carne,
quàmuis mortem ſibi lucrum putaret eſſe,
rediit ad paſcendum oues ſuæ ſolicitudini
commendatas. Verum charitatis ardore
ſpiritum ipſius ad martyrium perurgente,
tertiâ adhuc vice pro fide Trinitatis effu-
ſione ſui ſanguinis dilaranda, verſus infi-
deles proficiſci tentauit. Tertiodecimô
namque conuerſionis ſuæ anno ad partes
Syriæ pergens, multis ſe periculis conſtan-
ter expoſuit, vt Soldani Babiloniæ poſſet
adire præſentiam. Inter Chriſtianos enim
ac Saracenos tunc bellum tam implacabi-
le erat, exercituum caſtris hinc inde in
campo cominus ex aduerſo locatis, vt
via mutui tranſitus ſine mortis discrimine
non pateret. Exierat ſiquidem à Solda-
no edictum crudele, vt quicumque ca-
put alicuius Chriſtiani afferret, biſantium
aureum pro mercede reciperet. At in-
trepidus CHRISTI miles Franciſcus ſpe-

rans

rans in proximo suum adipisci posse propositum, diffiniuit iter arripere, mortis pauore non territus, sed desiderio procuocatus: Oratio namque præmissa, confortatus à Domino, confidenter illud propheticum decantabat. Nam & si ambulauero in medio umbræ mortis non timebo mala quoniam tu mecum es. Assumpto igitur socio fratre Illuminato nomine, viro utique luminis, & virtutis, cum iter cœpisset obuias habuit ouiculas duas, quibus visis exhilaratus vir sanctus, dixit ad socium. Confide Frater in Domino, nam in nobis euangelicum illud impletur. Ecce ego mitto vos sicut oues in medio luporum. Cum autem processissent vltcrius, occurrerunt ei satellites Saraceni, qui tanquam lupi celerius accurrentes ad oues, seruos Dei feraciter comprehensos crudeliter, & contemptibiliter pertractarunt, afficientes conuitijs, affligentes verberibus, & vinculis alligantes. Tandem afflictos multipliciter, & attritos ad Soldanum diuina disponente prouidentia, iuxta viri desiderium perduxerunt. Cum igitur Prin-

ceps

ceps ille perquireret, à quibus, & ad quid
& qualiter missi essent, intrepido corde
respondit Christi seruus Franciscus. Non
ab homine, sed à Deo altissimo se fuisse
transmissum: vt ei, & populo suo viam
salutis ostenderet, & annunciarer euangeli-
um veritatis. Tanta vero mentis con-
stantia: tanta virtute animi, tantoque fer-
uore spiritus prædicto Soldano prædica-
uit: Deum trinum, & vnum vt saluato-
rem omnium IESVM Christum, &
euangelicum illud in ipso claresceret, ve-
raciter esse completum. Ego dabo vo-
bis os, & sapientiam, cui non poterunt re-
sistere, & contradicere omnes aduersarij
vestri. Nam & Soldanus admirandum in
viro Dei feruorem spiritus conspiciens,
& virtutem libenter ipsum audiebat, &
ad moram contrahendam cum eo instan-
tius inuitabat. Christi vero seruus super-
no illustratus oraculo: si vis (inquit) con-
uertere tu cum populo tuo ad Christum,
ob illius amorem vobiscum libenter com-
morabor. Quod si hæsitas propter fidem
Christi legem Mahumetti dimittere: iu-
be ignem accendi per maximum, & ego
cum

cum Sacerdotibus tuis ignem ingrediari, ut vel sic cognoscas, quæ fides certior, & sanctior non immerito tenenda sit. Ad quem Soldanus, non credo quod aliquis de Sacerdotibus meis se vellet igni propter fidem suam defensandam exponere, vel genus aliquod subire tormenti. Viderat enim statim quendam de presbyteris suis virum autenticum, & longeuum: hoc audito verbo de suis conspectibus aufugisse. Ad quem vir sanctus, si mihi velis promittere pro te, & populo tuo, quod ad Christi cultum si ignem illesus exiero veniatis: ignem solus introibo. Et si combustus fuero imputetur peccatis meis. Si autem diuina me protexerit virtus: Christum Dei virtutem, & sapientiam, verum Deum, & Dominum saluatorem omnium agnoscatis. Soldanus autem optionem hanc accipere se non audere respondit, quia seditionem populi formidabat. Obtulit tamen ei multa munera pretiosa, quæ vir Dei non mundanarum rerum, sed salutis animarum auidus, spreuit omnia quasi lutum. Soldanus autem videns virum sanctum,

tam

tam perfectum rerum mundialium contemptorem, admiratione permotus, maiorem erga ipsum deuotionem concepit. Et quamuis ad fidem christianam transire nollet, vel forsan non auderet: rogauit tamen deuotè famulum Christi vt prædicta susciperet pro salute ipsius christianis pauperibus, vel ecclesijs eroganda. Ipse vero quia pondus fugiebat pecuniæ, & in animo Soldani veræ pietatis non videbat radicem, nullatenus acquieuit. Videns etiam se non proficere in conuersione gentis illius, nec suum assequi posse propositum ad partes fidelium diuina reuelatione præmonitus remeauit. Sic itaque Dei ordinante clementia, & sancti viri promerente virtute, misericorditer, & mirabiliter factum est, quod Christi amicus mortem pro ipso viribus totis exquireret, & tamen nullatenus inueniret, vt & merito non careret optati martyrij, & insigniendus seruaretur in posterum priuilegio singulari. Sic utique factum est, vt ignis ille diuinus adhuc perfectius ipsius æstuarer in corde, vt post potentius enaporaret in carne. O verè beatum vi-

rum

rum cuius caro, & si tyrannico ferro non cæditur: occisi tamen agni similitudine, non priuatur. O inquam verè, ac plenè beatum, cuius animam, & si gladius persecutoris non abstulit, palmam tamen martyrij non amisit.

C A P V T X.

De studio, & virtute orationis.

SEntiens Christi seruus Franciscus corpore se peregrinum à Domino. Cum iam ad terrena foris desideria per Christi charitatem totus esset insensibilis factus, ne foret absque consolatione dilecti, sine intermissione ora: spiritum Deo contendebat exhibere præsentem. Erat quidem oratio contemplanti solatium: dum supernarum circuitu mansionum Angelorum conciuis iam factus, feruenti desiderio quærebat dilectum, à quo solus eum carnis paries disiungebat. Erat & operanti præsidium: dum in omnibus, quæ agebat de sua diffidens industria, & de superna pietate confidens, per
 iplius

ipſius inſtantiam totum in Domino cogi-
tatum iactabat. Orationis gratiam viro
religioſo deſiderandam ſuper omnia fir-
miter aſſerebat, nullumque credens ſine
ipſa in Dei proſperari ſeruitio, modis
quibus poterat Fratres ſuos ad eius ſtu-
dium excitabat. Nam ambulans, & ſe-
dens intus, & foris: laborans, & vacans,
orationi adeo erat intentus, vt illi vide-
retur non ſolum quicquid erat in eo cor-
dis, & corporis: verum etiam operis, &
temporis dedicafſe. Solitus erat nullam
viſitationem ſpiritus, cum negligentia
prætereire. Si quidem cum offerebatur,
ſequebatur eam, & quamdiu Dominus
concedebat, dulcedine perfruebatur obla-
ta. Cum autem intentus itineri, diuini
ſpiritus aliquos ſentiret aſſatus ſocijs præ-
cedentibus: gradum figebat, nouamque
inſpirationem ad fruitionem conuertens,
gratiam non recipiebat in vacuum. Su-
ſpēdebatur multoties tanto contempla-
tionis exceſſu, vt ſupra ſemetipſum ra-
ptus, & ultra humanum ſenſum aliquid
ſentiens quid ageretur circa ſe exterius
ignoraret. Tranſiens namque ſemel per
Bur-

Burgum sancti Sepulchri, castrum utique populosum: pro debilitate corporis subiectus asello: obuias habuit turbas incum præ deuotione ruentes. Tractus autem, & detentus ab eis, compressus quoque ac multipliciter attrectatus, insensibilis videbatur ad omnia, & velut exanime corpus: de his, quæ fiebant circa ipsum nihil penitus aduertebat: vnde cum iam diu transito castro, turbisque relictis peruenisset ad quoddam domicilium leproforum, quasi aliunde rediens coelestium contemplator, sollicitè requisivit, quando propinquarent ad Burgum. Mens quidem ipsius in coelestibus fixa splendoribus, varietates non senserat locorum, nec temporum, nec occurrentium personarum. Quod ipsi accidisse frequentius, sociorum eius experientia multiplex comprobauit. Et quia in oratione perceperat sancti Spiritus desideratam præsentiam tanto familiarius se offerre præcantibus, quanto plus inuenit elongatos à strepitu mundanorum: ideo loca solitaria quærens, ad solitudines, & Ecclesias derelictas oraturus nocte pergebat. Vbi

damo-

demonum pugnas horribiles frequenter
substinuit: qui secum sensibilibus confi-
gentes nitebantur ipsum ab orationis stu-
dio perturbare. Ipse vero armis muni-
tus cœlestibus, quanto vehementius im-
petebatur ab hostibus, tanto fortior in
virtute, & feruentior reddebatur in pre-
ce: fidenter dicens ad Christum, sub um-
bra alarum tuarum protege me à facie
impiorum qui me afflixerunt. Ad demo-
nes autem: facite quicquid in me valetis
maligni spiritus, & fallaces. Non enim
potestis nisi quantum vos manus superna
relaxat: & ego ad perferendum omnia,
quæ illa infligenda decreuerit, cum omni
iucunditate paratus assisto. Quam men-
tis constantiam superbi demones non fe-
rentes abscedebant confusi. Vir autem
Dei solitarius remanens, & pacatus: ne-
mora replebat gemitibus, loca sparge-
bat lachrymis, pectora manu tunde-
bat, & quasi occultius secretarium nactus: con-
fabulabatur cum Domino suo. Ibi respon-
debat Iudici, ibi supplicabat patri, ibi
colloquebatur amico, ibi quoque à fra-
tribus ipsum piè obseruantibus aliquo-

ties auditus est clamorosis gemitibus apud diuinam pro peccatoribus interpellare clementiam, deplorare etiam alta voce, quasi coram se positam Dominicam Passionem. Ibi visus est nocte orans manibus ad modum Crucis protensis, toto corpore subleuatus à terra, & nubecula quadam fulgente circumdatus, vt illustrationis mirabilis intra mentem mira circa corpus perlustratio testis esset. Ibi etiam sicut certis est comprobatum inditijs: incerta sibi, & occulta diuinæ sapientiæ pandebantur: quamuis illa non vulgaret exterius, nisi quantum Christi vrgebat charitas, & proximorum vtilitas exigebat. Dicebat enim leui mercede rem inpretiabilem contingit amitti, & illum qui dedit ad non dandum iterum facile prouocari. Quando à priuatis redibat orationibus, quibus penè in virum alterum mutabatur: summopere studebat conformare se cæteris: ne forte quod foris ostenderet: aura fauoris intus à mercede euacuaret. Cum in publico subito afficeretur visitatus a Domino, semper aliquid obijciebat astantibus: ne sponsi familiares
atta-

attactus forinsecus vulgarentur. Excreationes, gemitus, duros anhelitus, extrinsecos nutus orans inter Fratres deuitabat omnino: siue quia diligebat secretum: siue quia ad interiora reintrans totus ferebatur in Deum. Sepè talia familiaribus dixit. Quando seruus Dei orans, visitatur diuinitus, dicere debet. Istam consolationem mihi peccatori, & indigno de Cœlo misisti Domine, & ego illam tuæ committo custodiæ, quia thesauri tui me sentio esse latronem. Cum autem ab oratione reuertitur: sic debet se pauperculum, & peccatorem ostendere: ac si nullam sit nouam gratiam consecutus. Orante autem viro Dei in loco de Portiuncula, contigit Assisinatem Episcopum venire ad eum (vt erat solitus) visitandum. Qui mox, vt locum fuit ingressus ad cellam in qua Christi seruus orabat plus debito fidenter accessit. Pulsoque hostiolo intraturum se ingerens, dum caput immisit, sanctumque orantem conspexit: repentino timore concussus: obrigescentibus membris etiam loquelam amisit. Subitoque voluntate diuina per vim foras propul-

pulsus retrogado pede procul abductus est. Stupefactus Episcopus ad Fratres festinauit vt potuit, Deoque sibi restituen-
te linguam, primo verbo confessus est cul-
pam. Contigit tempore quodam Abba-
tem Monasterij Sancti Iustini de Epi-
scopatu Perusij obuiare famulo Christi.
Quo viso Abbas deuotus celeriter de
equo descendit, vt & viro Dei reueren-
tiam faceret, & de salute animæ aliqua
cum ipso conferret. Tandem habita colla-
tione suauis Abbas abscendens: orari per
se humiliter petijt. Cui vir Deo charus
respondit. Orabo libenter. Parum itaque
discedente Abbate: dixit fidelis Franciscus
ad socium. Expecta Frater modicum,
quia debitum volo soluere, quod promi-
si. Orante autem illo, subito Abbas in so-
litum calorem, & dulcedinem hactenus
inexpertam sensit in spiritu, itaque in ex-
cessu mentis effectus, totus à se ipso in
Deum defecit. Parua morula substitit, &
in se reuersus, virtutem orationis Sancti
Francisci cognouit. Maiori proinde cir-
ca ordinem semper amore flagrauit, mul-
tisque factum pro miraculo retulit. So-
litus

litus erat vir Sanctus horas canonicas non minus timoratè Deo persolvere; quam deuotè. Nam licet oculorum stomachi plenis, & epatis ægritudine laboraret, nolebat tamen muro, vel parieti inhærere, dum psalleret, sed horas semper erectus, & sine caputio, non girouagis oculis, nec cum aliqua sincopa persolvebat. Si quando esset in itinere constitutus, figebat tunc temporis gressum, huiusmodi consuetudinem reuerentem, & sacram propter pluiarum inundantiam non omittens. Dicebat enim si quiete comedit corpus cibum suum futurum cum ipso vermium esca, cum quanta pace, & tranquillitate accipere debet anima cibum vitæ? Grauius etiam se putabat offendere si quando orationi deditus, vanis fantasmatibus interius vagaretur. Cum aliquid tale accideret, non parcebat confessioni quin illud protinus expiaret. Hoc studium sic in vsum conuerterat, vt rarissimè muscas huiusmodi pateretur. Fecerat in Quadagesima quadam vasculum vnum, vt minutias temporis, ne omnino exciderent occuparet. Quod cum dicenti tertiam in

memoriam veniens: paululum ipsius animum distraxisset, motus feruore spiritus, vasculum igne consumpsit, dicens. Sacrificabo illud Domino, cuius sacrificium impediuit. Psalmos cum tanta mentis ac spiritus attentione dicebat, quasi Deum præsentem haberet, & cum nomen Domini in eis occurreret, præ suauitatis dulcedine labia sua lingere videbatur. Ipsumque quoque Domini nomen non solum cogitatum, verum etiam prolatum, & scriptum, reuerentia volens honorare præcipua, Fratribus persuasit aliquando, vt omnes schedulas scriptas vbicumque repperas colligerent, mundoque loco reponerent, ne fortè sacrum illud nomen contingeret conculcari. Nomen autem IESV cum exprimeret, vel audiret, iubilo quodam repletus interius, totus videbatur exterius alterari, ac si mellifluus sapor gustum, vel harmoniacus sonus ipsius immutasset auditum. Contingit autem anno tertio ante obitum suum, vt memoriam natiuitatis pueri IESV ad deuotionem excitandam apud castrum Grecij disponderet agere cum quanto maiori solemnitate videret

leret. Ne vero hoc leuitati posset abscribi, à Summo Pontifice petita, & obtenta licentia, fecit præparari præsepium, apportari fenum, Bouem, & Asinum ad locum adduci. Aduocantur Fratres, adueniunt populi: personat sylua voces, & venerabilis illa nox luminibus copiosis, & clavis, laudibusque sonoris, & consonis, & splendens efficitur, & solemnis. Stabat vir Dei coram Præsepio pietate repletus, respersus lachrymis, & gaudio superfusus. Celebrantur Missarum solemnia super Præsepe, leuita Christi Francisco Sacrum Euangelium decantante, Prædicat deinde populo circumstanti de natiuitate Regis pauperis, quem cum nominare veller, puerum de Bethleem præ amoris teneritudine nuncupabat. Miles autem quidam virtuosus, & verax qui propter Christi amorem sæculari relicta militia, viro Dei magna fuit familiaritate coniunctus. Dominus Ioannes de Greccio se vidisse asseruit puerulum quendam valde formosum in illo Præsepio dormientem, quem Beatus Pater Franciscus ambo-
bus complexans brachijs excitare vi-

debatur à somno . Hanc siquidem deuoti militis visionem non solum videntis sanctitas credibilem facit , sed & designata veritas comprobatur , & miracula subsecuta confirmant . Nam exemplum Francisci consideratum à mundo excitatiuum est cordium in Fide Christi torpentium , & fenum Præsepj reseruatum à populo , mirabiliter sanatiuum fuit brutorum languentium , & aliarum repulsiuum pestium diuersarum , glorificante Deo per omnia seruum suum , sanctæque orationis efficaciam euidentibus miraculorum prodigijs demonstrante .

C A P V T X I.

De intelligentia scripturarum , & spiritu prophetiæ .

AD tantam autē mētis serenitatem indefessum orationis studiū cum cōtinua exercitatione virtutū , Virum Dei perduxerat , vt quamuis non habuerit sacrarum litterarum peritiam per doctrinam , æternæ tamen lucis irradiatus fulgoribus scri-

scripturarum, profunda miro intellectus
scrutaretur acumine. Penetrabat enim ab
omni labe purum ingenium mysteriorum
abscondita. Et ubi magistralis scientia
foris stat, affectus introibat amantis. Le-
gebat quandoque in libris sacris, & quod
animo semel iniecerat, tenaciter imprime-
bat memoriæ, quia non frustra mentalis
attentionis percipiebat auditu, quod con-
tinuæ deuotionis ruminabat affectu. Quæ-
rentibus aliquando Fratribus, vtrum sibi
placeret quia litterati iam recepti ad Or-
dinem intenderent studio sacræ scripturæ.
Respondit. Mihi quidem placet, dum
tamen exemplo Christi qui magis orasse
legitur, quam legisse, orationis studium
non omittant, nec tamen studeant, vt sciant
qualiter debeant loqui, sed vt audita fa-
ciant, & cum fecerint alijs facienda pro-
ponant. Volo (inquit) Fratres meos di-
scipulos Euangelicos esse, sicque in noti-
tia veritatis proficere, quod in simplicita-
tis puritate concrecant, vt simplicitatem
columbinam à prudentia serpentina non
separent, quas magister eximius ore suo
benedicto coniunxit. Interrogatus Senis
à quo-

à quodam Religioso viro Theologiæ Sacrae Doctore de quibusdam quæstionibus difficilibus intellectu, tanta claritate doctrinæ, diuinæ sapientiæ patefaciebat archana, vt vehementer stupeficeret vir ille peritus, & cum admiratione referret, vere Theologia Sancti Patris istius puritate, ac contemplatione tanquam alis in altum subuecta est aquila volans: nostra verò scientia ventre graditur super terram. Licet enim esset imperitus sermone: scientia tamen plenus enodabat dubia quæstionum, & abscondita producebat in lucem. Nec absonum si vir Sanctus scripturarum à Deo intellectum acceperat, cum per imitationem Christi perfectam veritatem ipsarum descriptam gestaret in opere, & per Sancti Spiritus vñctionem plenariam, Doctorem earum apud se haberet in corde. Adeo etiam in ipso clauit spiritus Prophetiæ, vt & prævideret futura, & cordium contueretur occulta, absentia quoque velut præsentia cerne-
ret, & se præsentem absentibus mirabiliter exhiberet. Tempore namque quo Damiatam Christianorum obsidebat exerci-
tus,

tus, aderat vir Dei non armis, sed fide munitus. Cum igitur die belli Christiani pararentur ad pugnam, hoc audito Christi seruus vehementer ingemuit, dixitque socio suo. Si belli fuerit attentatus, ingressus ostendit mihi Dominus non prospere cedere Christianis. Verum si hoc dixero, fatuus reputabor, si tacuero, conscientiam non euadam. Quid igitur tibi videtur? Respondit socius eius dicens: Frater pro minimo tibi sit, ut ab hominibus iudiceris, quia non modo incipis fatuus reputari. Exonera conscientiam tuam, & Deum magis time, quod homines. Quo audito, exiliens Christi præco salutaribus monitis Christianos aggreditur, prohibet bellum, denuntiat casum. Fit veritas in fabulam, indurauerunt cor suum & noluerunt reuerti. Itur, committitur, & bellatur, totaque in fugam vertitur militia Christiana, finem belli opprobrium regerens, non triumphum. Tanta verò strage Christianorum imminutus est numerus, ut circa sex millia fuerint inter mortuos, & captiuos. In quo euidenter innotuit quod spernenda non erat sapientia

tia pauperis, cum anima viri iusti annuntiet aliquando vera, quam septem circumspectores sedentes in excelsis ad speculandum.

Alio quoque tempore cum post reversionem ipsius de ultra mare: Celanum predicaturus accederet: miles quidam supplici eum deuotione cum instantia magna inuitauit ad prandium. Venit itaque ad militis domum, omnisque familia pauperum hospitem exultauit in ingressu, Ante verò quam cibum sumerent iuxta solitum morem, vir mente deuotus offerens Deo preces, & laudes, oculis stabat eleuatis in Cœlum. Oratione completa, benignum hospitem familiariter aduocatum in parrem, sic allocutus est. Ecce Frater hospes, tuis victus precibus, vt manducarem, domum tuam intraui. Meis non cito monitis acquiesce, quoniam non hic sed alibi manducabis. Confitere nunc peccata tua, veræ poenitentiae dolore contritus, nec in te remaneat quiquam quidem veridica confessione non pandas. Reddet tibi Dominus hodie vicem, quoniam tanta deuotione suos pauperes suscepisti. Acquieuit

continuo vir ille sermonibus Sancti, socioque ipsius vniuersa peccata in confessione detegens, disposuit domum suam, & ad mortem suscipiendam: se quantum valuit, præparauit. Intrauerunt tandem mensam: & incipientibus alijs manducare, hospes subito spiritum exalauit, iuxta verbum hominis Dei repentinâ morte sublatu. Sicque factum est hospitalitatis gratia promerente, vt iuxta verbum veritatis Prophetam recipiens mercedem Prophetæ acciperet, dum per Sancti viri pronuntiationem propheticam miles ille deuotus sibi contra mortis subitationem prouidit, quatenus armis poenitentiae præmunitus, perpetuam damnationem euaderet, & in æterna tabernacula introiret.

Tempore quo vir sanctus Reate iacebat infirmus, præbendarius quidam nomine Gedeon lubricus, & mundanus infirmitate graui correptus, lectulo decubans, cum ad eum fuisset delatus, lacrymose rogabat cum simul astantibus, vt ab ipso Crucis signaculo signaretur. Ad quem ille. Cum vixeris olim secundum desideria

carnis, non veritus iudicia Dei, quomodo te Cruce signabo? Verum propter devotas intercedentium preces signo te Crucis signabo, non in nomine Domini. Tu tamen scito te graviora passurum si ad vomitum redieris liberatus propter enim peccatum ingratitude semper peiora prioribus inferuntur. Signo itaque Crucis super eum facto, statim qui contractus iacuerat, surrexit sanus, & in laudem Dei prorumpens, ego (inquit) sum liberatus, insonuerunt autem ossa renum eius audientibus cunctis veluti quum manu ligna sicca franguntur. Paucis autem inter lapsis temporibus: Dei oblitus, corpus impudicitie reddidit. Cumque sero quodam coenasset in domo cuiusdam Canonici, noctemque illa dormiret ibidem, subito super omnes corruit tectum domus. Cæteris autem euadentibus mortem, solus ille miser interceptus atque interemptus est. Iusto igitur Dei iudicio facta sunt nouissima hominis illius peiora prioribus propter ingratitude vitium Deique contemptum, cum de accepta venia gratum esse oporteat, &
du-

duplo displiceat flagitium iteratum.

Alio quoque tempore mulier quædam nobilis Deo deuota venit ad sanctum, vt suum ei explicaret dolorem, ac remedium postularer. Habebat quidem virum valde crudelem, quem aduersarium petiebatur in seruitio Christi, & ideo petebat à Sancto quatenus oraret pro illo, vt sua Deus cor ipsius dignaretur emollire clementia. Ipse vero hoc audiens, ait illi. Vade cum pace indubitanter expensas de viro tuo consolationem tibi de proximo affuturam. Et adiecit: dices ei ex parte Dei, & mea quod nunc est tempus clementiæ, postmodum æquitatis. Benedictione accepta reuertitur mulier, inuenit virum, denuntiat verbum. Cecidit super eum Spiritus Sanctus, & nouum factum de veteri, sic facit cum mansuetudine respondere. Domina seruiamus Domino, & saluemus animas nostras. Suadente igitur sancta Vxore, pluribus annis cœlibem vitam agentes, eodem die ambo ad Dominum migrauerunt. Miranda certè in viro Dei spiritus prophetici virtus, quæ & membris iam arentibus restituebat vi-

gorem, & duris imprimerebat cordibus pietatem, quamquam non minus eiusdem spiritus sit stupenda limpeditas, qua sic futurorum præcognoscebat euentum, vt etiam conscientiarum scrutaretur arcanum, quasi alter Elifeus duplicem Eliæ spiritum assequutus.

Nam cum Senis viro cuidam sibi familiari quædam superuentura finaliter prædixisset, & vir ille peritus, de quo supra mentio facta est, quod de scripturis cum eo conferebat aliquando, his auditis ab eodem Sancto Patre dubitando perquireret, ante hæc ipse dixisset, quæ illius viri relatione cognouerat, non solum se illa dixisse asseruit, verum etiam quarenti alienum euentum proprium exitum prophetando prædixit. Quod vt certius cordi eius imprimerent quemdam secretum conscientie illius scrupulum quem nulli viuenti vir præfatus expræsserat, mirabiliter reuelando explicuit, & salubriter consulendo referauit. Ad quorum omnium firmitatem accedit, quod vir ille Religiosus sicut CHRISTI famulus ei prædixit, sic finaliter consumauit.

Eo quoq; tempore quo reuertebatur de ultra mare, socium habens Fratrem Leonardum de Assisio, contigit eum fatigatum, & lassum parum per asellum conscendere. Subsequens autem socius, & ipse non modicum fessus: cœpit dicere intra se, humanum aliquid passus. Non de pari ludebant parentes eius, & mei. En ipse equitat, & ego pedester Asinum eius duco. Hoc illo cogitante, protinus descendit de Asino vir Sanctus, & ait / Non Frater conuenit, vt ego equitem, tu venias pedes, quia nobilior, & potentior in seculo tu me fuisti. Obstupuit illico Frater, & rubore suffusus, depræhensum se recognoscens, procidit ad pedes ipsius & lachrymis irrigatus, nudum/exposuit cogitatum, veniamque poposcit.

Frater quidam Deo deuotus, & famulo Christi, frequenti cogitatione versabat in pectore, superna fore gratia dignum quem vir Sanctus familiari complecteretur affectu, quem verò tanquam extraneum reputaret, extra numerum electorum reputandum à Deo. Cum igitur cogitationis huiusmodi crebrius vexatus

K

impul-

impulsi, viri Dei familiaritatem vehementer optaret, nec tamen cordis sui secretum reuelaret alicui, aduocans eum ad se, dulciter pater pius sic allocutus est. Nulla te turbet cogitatio filij, quātum te charissimum habens inter præcipuè mihi charos libenter tibi munus meæ familiaritatis, & dilectionis impendo. Miratus exinde Frater, factusque deuotior ex deuoto, non solum in amorem creuit hominis sancti, verum etiam per Spiritus Sancti gratiæ munus, donis est maioribus cumulatus. Cum autem in monte maneret Aluernæ cella reclusus, vnus è socijs magno desiderio cupiebat habere de verbis Domini aliquod scriptum manu ipsius breuiter annotatum. Grauem enim qua vexabatur tentationem non carnis, sed spiritus ex hoc credebat euadere, vel certè lenius ferre. Tali desiderio languens anxiebatur interius, quia verecundia victus reuerendo patri rem pandere non audebat. Sed cui homo non dixit spiritus reuelauit. Portari namque sibi iussit à Fratre prædicto atramentum, & chartam, laudesque Domi-

mini iuxta Fratris desiderium propria manu scripsit, & ultimo benedictionem ipsius dicens. Accipe tibi chartulam istam, & usque ad diem mortis tuæ custodias diligenter. Accepit Frater donum illud optatum, & statim omnis illa tentatio effugatur. Seruatur littera, & cum in posterum miranda effecerit, virtutum Francisci testimonium fuit.

Frater quidam erat quantum à foris videbatur, sanctitate præclarus, conuersatione insignis, tamen admodum singularis. Omni tempore orationi vacans, tanta districtione silentium obseruabat, quod consueuerat non verbis, sed nutibus confiteri. Accidit autem sanctum Patrem venire ad locum videre Fratrem, & de ipso cum alijs Fratribus habere sermonem, Commendantibus autem omnibus, & magnificantibus illum. Respondit Vir Dei. Sinite Fratres ne mihi in eo diabolica figmenta laudetis. In veritate sciatis, quod diabolica tentatio est, & deceptio fraudulenta. Durè acceperunt hoc Fratres tanquam impossibile iudicantes quod tot perfectionis inditijs fraudis se com-

menta fuscarent . Verum non post multos dies eo religionem egresso euidenter apparuit quanta luculentia interioris contritus vir Dei cordis eius secreta perspexit . Multorum quoque per hunc modum qui stare videbantur ruinam , sed & plurimum peruersorum cōuersionem ad Christum immobili veritate prænuncians appropinquasse videbatur ad æternæ lucis speculum contemplandum , cuius fulgore mirabili absentia corporaliter tanquam si essent præsentia mentis eius cernebat obrutus .

Quodam namque tempore Vicarius suus tenebat capitulum , ipse vero in cella orans , sequester erat , & medius inter Fratres , & Deum . Cum igitur vnus ex ipsis defensionis quodam contextus palliolo , non se subderet disciplinæ . Videns hoc vir sanctus in spiritu : vocauit quendam de Fratribus , & dixit ad eum , vidi Frater diabolum super illius Fratris inobedientis dorsum , collum eius tenentem astrictum , qui tali sessore subactis : obedientiæ freno spreto , instinctus eius sequebatur habenas . Et cum rogarem Deum

Deum pro Fratre, subito dæmon confusus abscessit. Vade igitur, & dic Fratri vt obedientiæ sanctæ iugo collum sine mora submittat: monitus per internuncium Frater, statimque conuersus ad Deum, ad pedes Vicarij humiliter se proiecit.

Alio quoque tempore contingit duos Fratres ad heremitorium Grecij de remotis venire, vt virum Dei cernerent, & benedictionem multo desideratam iam tempore reportarent. Venientes autem, & non inuenientes quia de publico iam ad cellam redierat, desolati abibant. Et ecce recedentibus illis, cum de ipsorum aduentu, vel recessu nihil secundum humanum sensum percipere potuisset præter solitum morem egressus è cella, clamauit post eos, & iuxta quod optauerant, signo Crucis facto in Christi nomine benedixit.

Duo Fratres venerunt aliquando de terra laboris, quorum antiquior nonnulla intulit scandala iuniori. Cum autem peruenissent ad Patrem, quæsiuit ille à iuniori qualiter erga ipsum se Frater so-

cius habuisset in via. Quo respondente utique satis bene, subiunxit. Caue Frater: ne sub humilitatis specie mentiaris: scio enim scio: sed expecta modicum, & videbis. Miratus est per plurimum Frater: quomodo tam absentia per spiritum cognouisset. Igitur non post multos dies contempta religione, foras egreditur qui scandalum fecerat Fratri, & à Patre non petierat veniam: nec correctionis debitam receperat disciplinam. Simulque duo in vna illius claruere ruina: æquitas scilicet diuinæ iustitiæ, & perspicacitas spiritus prophetiæ. Qualiter autem absentibus se præsentem exhibuit diuina faciente virtute: euidenter ex superioribus innoscit, si reuocetur ad mentem qualiter absens in curru igneo Fratribus transfiguratus apparuit, & quomodo se Arelatenſi capitulo in Crucis effigie præsentauit. Quod factum esse diuina dispositione credendum est, ut ex præsentia corporalis apparitione mirabili patenter claresceret, quam præsens, & peruius spiritus eius luci sapientiæ foret æternæ, quæ omnibus mobilibus mobilior est, & ubique attin-

gens

gens propter sui munditiam per nationes in animas sanctas se transfert, & Dei amicos, & prophetas constituit. Simplicibus, & paruulis sua solet pandere mysteria Doctor excelsus, sicut prius apparuit in Dauid Prophetarum eximio: & post in Apostolorum Principe Petro, & tandem in pauperculo Christi Francisco. Hi enim cum essent litterarum imperitia simplices: facti sunt sancti spiritus eruditione illustres. Is quidem pastor ut gregem pasceret sinagogæ de Ægypto eductum, iste piscator ut sagenam repleret Ecclesiæ multiformitate credentium: hic autem negociator ut margaritam emeret euangelicæ vitæ, venditis, & dispersis omnibus propter Christum.

C A P V T XII.

*De efficacia prædicandi, & gratia
sanitatum.*

Fidelis re vera famulus, & minister Christi Francisco, ut cuncta fideliter, & perfectè perageret, illis potissimè

virtutem exercitijs intendebat, quæ sacro dictante spiritu, Deo suo magis placere cognouerat. Qua de re contigit illum, in magnam dubitationis cuiusdam agoni-
am incidere: quam multis diebus ab oratione rediens terminandam Fratribus sibi familiaribus proponebat. Quid inquit Fratres consultis, quid laudatis? an quod orationi vacem, an quod prædicando discurram? Siquidem ego paruulus simplex, & imperitus sermone, maiorem orandi accepi gratiam, quam loquendi. Videtur etiam in oratione lucrum, & cum-
mulatio gratiarum, in prædicatione di-
stributio quædam donorum coelitus acce-
ptorum. In oratione etiam purificatio interiorum affectuum, & vnitio ad vnum
verum, & summum bonum cum vigora-
tione virtutis. In prædicatione spiritua-
lium puluerizato pedum, distractio circa
multa, & relaxatio disciplinæ. Tandem
in oratione Deum alloquimur: & audi-
mus, & quasi angelicam vitam agentes
inter Angelos conuersamur. In prædica-
tione multa oportet condescensione vti
ad homines, & humanæ inter eos viuen-
do

do: humana cogitare, videre, dicere, & audire. Sed vnum est in contrarium, quod videtur præponderare his omnibus ante Deum: quod videlicet Unigenitus Dei Filius, qui est Sapientia summa, propter animarum salutem de sinu Patris descendit: vt suo mundum informans exemplo verbum salutis hominibus loqueretur: quos sacri Sanguinis, & pretio redimeret, & emundaret lauacro, & poculo sustentaret: nihil sibi omnino reseruans quod non in salutem nostram liberaliter erogaret. Et quia debemus omnia facere secundum exemplar eorum, quæ videmus in ipso tanquam in monte sublimi: videtur magis Deo placitum, quod intermissa quiete foras egrediar ad laborem. Cumque per multos dies verba huiusmodi ruminaret cum Fratribus: certitudinaliter nequibat percipere quid horum sibi foret, vt Christo verè acceptius eligendum. Cum enim miranda nosset per spiritum prophetiæ, hanc per se ipsum questionem dissoluere non valebat ad liquidum: Deo meliùs prouidente: vt prædicationis meritum per supernum manifesta-

re-

retur oraculum, & serui Christi hamilitas seruarietur. Non erubescibat à minoribus parua quærere verus minor, qui magna didicerat à magistro supremo. Studio namque præcipuo solitus erat exquirere: quali via, qualique modo Deo posset secundum ipsius beneplacitum perfectius deseruire. Hæc summa eius philosophia, hoc summum eius desiderium extitit quoad vixit, vt quæreret à sapientibus, & simplicibus perfectis, & imperfectis: paruulis, & grandævis qualiter ad perfectionis culmen virtuosius peruenire valeret. Assumens itaque duos ex Fratribus misit ad Fratrem Siluestrum; qui Crucem egredientem viderat de ore ipsius, & tunc in montem supra Assisium iugiter orationi vacabat, vt diuinum super dubitatione huiusmodi respõsum perquireret, quod sibi ex parte Domini demandaret. Hoc ipsum demandauit sacræ Virgini Claræ, vt per aliquam puriorem, & simpliciorem de virginibus sub ipsius disciplina degentibus, & ipsa cum sororibus alijs orans: super hoc exquireret Domini voluntatem. Concordauerunt autem

tem

tem mirabiliter in idipsum supermo eis reuelante spiritu venerabilis sacerdos & virgo Deo dicata beneplaciti scilicet esse diuini quia Christi præco ad prædicandum exiret . Reuertentibus itaque fratribus , & Dei iuxta quod acceperant indicantibus voluntatem , & exurgens continuo succinxit se , nulla prorsus contracta mora , iter aggressus est . Ibat autem cum tanto feruore , vt diuinum exequeretur imperium ; tamque celeriter percurreret : ac si facta manu Dei super eum nouam induisset e coelo virtutem . Cum igitur appropinquaret Beuanium ad quendam locum deuenit , in quo diuersi generis aulium maxima multitudo conuenerat . Quas cum sanctus Dei vidisset , alacriter cucurrit ad locum , & eas velut rationis participes salutauit . Omnibus vero expectantibus , & conuertentibus se ad eum , ita vt quæ in arbutis erant , inclinatis capitibus cum appropinquaret ad eas insolito modo in ipsum intenderent , vsque ad eas accessit : & omnes vt verbum Domini audirent , solícite admonuit , dicens , fratres mei volucres , multum debetis laudare

dare Creatorem vestrum, qui plumis vos induit, & pennas tribuit ad volandum, puritatem concessit aeris, & sine vestra solitudine vos gubernat. Cum autem eis hæc & his similia loqueretur: auiculæ modo mirabili gestientes coeperunt extendere colla, protendere alas, aperire rostra, & in illum attente respicere. Ipse vero cum spiritus feruore mirando per medium ipsarum transiens, tunica contingebat easdem, nec tamen de loco aliqua mota est, donec signo crucis facto: & licentia data cum benedictione viri Dei, omnes simul aduolarunt. Hæc omnia contuebantur focij expectantes in via. Ad quos reuersus vir simplex & purus, pro eo quod non hætenus aibus prædicauerat, coepit se de negligentia inculpare. Exinde prædicando per loca vicina procedens, venit ad castrum quoddam nomine Aluianum, vbi congregato populo, & indicto silentio, propter hyrundines nidificantes in eodem loco, magnisque garritibus perstreptentes audiri vix poterat. Quas vir Dei omnibus audientibus allocutus est dicens. Sorores meæ
hyrun-

hyrundines iam tempus est, vt loquar & ego ; quia vos vsque modo satis dixistis . Audite verbum Dei tenentes silentium , donec sermo Dei compleatur . At illæ tanquam intellectus capaces subito tacuerunt , nec fuerunt motæ de loco , donec fuit omnis prædicatio consummata . Omnes igitur qui viderunt , stupore repleti glorificauerunt Deum . Istius miraculi fama circumquaque diffusa , multos ad sancti reuerentiam & fidei deuotionem accendit .

In ciuitate nanque Parisiensi scholaris quidam indolis bonæ cum socijs alijs studio diligenter intentus , dum importuna garrulitate cuiusdam infestaretur hyrundinis , dicere cœpit ad socios . Hæc hyrundo vna de illis est , quæ virum Dei Franciscum prædicantem aliquando donec silentium eis imponeret , molestabant : & conuersus ad hyrundinem fiducialiter ait . In nomine serui Dei Francisci præcipio tibi vt ad me veniens continuo conticescas . At illa Francisci audito nomine , quasi viri Dei disciplinis edocta , & statim conticuit , & ipsius manibus tanquam tu-
tæ

re custodiæ se commisit. Stupefactus scholaris, statim eam libertati restituit, & eius garricium amplius non audiuit.

Alio quoque tempore cum famulus Dei Caietæ semel prædicaret in littore, maris, turbis præ deuotione ruentibus: ut eum contingerent. Horrens Christi seruus tantum populorum applausum in vnam hærentem littori nauiculam profiliuit solus. Illa vero tanquam si rationis particeps motore moueretur intrinseco sine aliquo remige, cernentibus & mirantibus cunctis, se longius à terra protraxit. Cum autem aliquanto spatio in maris altitudinem secessisset, stetit inter fluctus immobilis quamdiu vir sanctus turbis expectantibus in littore prædicauit. Cumque audito sermone, & viso miraculo, ac benedictione accepta multitudo recederet; ne ipsum amplius molestaret, nauicula proprio ductu ad terram reuersa est. Quis igitur obstinatæ mentis esset & impiæ, quod prædicationem Francisci contemneret, cuius miranda fiebat virtute, ut non solum carentia ratione, disciplinam susciperent: verum etiam inaninata corpora tanquam ani-

animata prædicanti seruirent.

Aderat equidem seruo suo Francisco ad quæcunque pergeret : is qui eum vnixerat & miserat spiritus Domini , & ipse Dei virtus & sapientia Christus , vt sanæ doctrinæ verbis afflueret , & magnæ potentiae miraculis corruscaret . Erat enim verbum eius , velut ignis ardens , penetrans intima cordis , omniumque mentes admiratione replebat , cum non humanæ inuentionis ornatum prætenderet , sed diuinæ reuelationis afflatum redoleret . Nam cum semel prædicaturus coram Papa , & Cardinalibus ad suggestionem Domini Hostiensis , sermonem quendam studiosè compositum commendasset memoriæ , stettissetque in medio , vt ædificationis verba proponeret . Sic obliuioni tradidit omnia vt effari aliquid omninò nesciret . Verùm cum hæc veridica humilitate narrasset , conferens se ad Spiritus sancti gratiam inuocandam , tam efficacibus subito cœpit verbis affluere , tamque potenti virtute illorum mentes virorum sublimium ad compunctionem inflectere , vt aperte clareret quod non ipse , sed Spiritus Domini loque-

loquebatur . Et quoniam primo sibi suaserat opere, quod alijs suadebat sermone , reprehensorem non timens , veritatem fidentissime prædicabat . Nesciebat aliquorum culpas palpare , sed pungere, nec vitam fouere peccantium , sed aspera increpatione ferire . Eadem mentis constantia magnis loquebatur & paruis , eademque spiritus iucunditate paucis loquebatur & multis . Omnis ætas, omnisque sexus, properabat virum nouum mundo cœlitus datum , & cernere , & audire . Ipse vero per diuersas regiones progrediens euangelizabat ardentem , Domino cooperante , & sermonem confirmantem sequentibus signis . In virtute namque nominis eius veritate præco Franciscus eiciebat dæmonia , sanabat infirmos , & quod maius est , sui sermonis efficacia obstinatorum mentes ad pœnitentiam moliebat, simulque sanitatem corporibus reddebat & cordibus , sicut aliqua comprobant operum eius exempli gratia inferius annotanda .

In Ciuitate Tuscanella à milite quodam hospitio deuote susceptus, filium eius

eius vnicum à Natiuitate contractum ad multam ipsius instantiam, manu alleuans, sic subito incolumen reddidit, vt videntibus cunctis, protinus consolidarentur omnia corporis membra, & puer sanus effectus, & fortis confestim exurgeret ambulans, & exiliens, & laudans Deum.

In Ciuitate Narniensi cum paraliticum quendam membrorum omnium destitutum officio, signo Crucis à capite vsque ad pedes ad instantiam signasset Episcopi, perfectè restituit sanitati.

In Episcopatu Reatino puer quidam sic turgidus à quattuor annis, vt nullo modo propria crura cernere posset à matre, cum lachrymis præsentatus eidem, statim vt vir sanctus tetigit eum manibus sacris incolumis est effectus.

Apud Ciuitatem Ortensem puer vnus ita conglomeratus, vt caput pedibus portaret applicitum, & haberet ossa nonnulla confracta, signo Crucis ad parentum lachrymabiles preces ab eodem suscepto, subito extensus extitit, & illico liberatus.

Mulier quædam Ciuitatis Eugubij am-

L

bas

bas contractas & aridas habens manus :
adeò vt nihil per illas operari valeret , si-
gno Crucis ab eodem in nomine Domini
sibi factò , tam perfectam obtinuit sospi-
tatem, quod statim rediens domum, cibos
in ministerium eius & pauperum quasi al-
tera focrus Simonis proprijs manibus præ-
pararet .

Puellæ cuidam in Castro Beuanij, ocu-
lorum priuatæ luminibus , cum in Trini-
tatis nomine sputu suo ter ipsius oculos
liniuiisset , lumen concupitum restituit.

Mulier quædam Ciuitatis Narnij,ocu-
lorum cæcitæ percussa , signum Crucis
ab eodem suscipiens , lucem recuperauit
optatam .

Bononiæ puer quidam vnum oculorum
macula adeò habens obtectum , vt nihil
prorsus videre posset , nec aliquo iuuari
remedio , post signum Crucis à capite vs-
que ad pedes per seruum Domini sibi fa-
ctum visum recuperauit tam limpidum ,
vt postmodum fratrum Minorum ordinem
ingressus , se longè clarius videre asser-
ret de oculo prius infirmo, quam de oculo
semper sano .

In Castro Sancti Gemini seruus Dei à quodam deuoto viro susceptus hospitio, cuius vxor à dæmonio vexabatur post orationem factam in virtute obedientiæ imperauit dæmoni vt exiret: eumque potestate Diuina tam subito effugauit, vt verè claresceret quod obedientiæ sanctæ virtuti, peruicacia dæmonum non obstat.

In Ciuitate de Castello quidam furibundus & nequam spiritus quandam obfidens mulierem, à viro sancto obedientiæ accepto mandato, indignabundus discessit, mente simul & corpore liberam, obsessam prius foeminam derelinquens.

Frater quidam infirmitate tam horribili grauabatur, vt magis esse vexatio dæmonis, quam naturalis infirmitas à pluribus firmaretur. Nam totus sæpè allidebatur, & volutabatur spumans, membris corporis nunc contractis, nunc extensis, nunc plicatis, nunc tortis, nunc rigidis effectis & duris. Quandoque totus extensus & rigidus, pedibus æquatis capiti leuabatur in altum, horribiliter illico relapsurus. Hunc sic miserabiliter & irre-

mediabiliter ægrotantem plenus misericordia Christi seruus commiserans, bucellam sibi panis de quo edebat, transmisit. Tantam vero gustatus panis contulit ægro virtutem, vt deinceps huius infirmitatis molestiam non sentiret.

In Comitatu Aretij cum diebus pluribus mulier quædam laborasset in partu, essetque iam proxima morti, nullum omninò desperanti de vita supererat remedium nisi Dei. Cùm autem equo vectus propter corporis infirmitatem Christi famulus per partes illas transitum habuisset, contigit reduci animal per villam, in qua mulier torquebatur. Homines vero loci viso equo, cui vir sanctus insederat, extraxerunt frenum vt super ponerent mulieri. Ad cuius contactum mirificum omni remoto periculo, mulier illico peperit cum salute.

Vir quidam de Castro plebis, religiosus ac timens Deum, cordam apud se, quæ cinctus fuerat, sanctus Pater habebat. Cumque multitudo virorum ac mulierum in Castro illo varijs infirmitatibus laboraret, ibat per infirmantium domos, & in-

tin-

tincta corda in aqua dabat bibere patientibus, sicque per hunc modum plurimi sanabantur. Sed & de panibus à viro Dei contactis gustantes ægroti, Diuina operante virtute consequiebantur celeriter remedia sanitatum. Cum his & alijs multis miraculorum prodigijs præco CHRISTI prædicans corruscasset: attendebatur his quæ dicebantur ab eo, ac si Angelus Domini loqueretur. Excellens namque in ipso prærogatiua virtutum prophetiæ spiritus efficacia miraculorum, oraculum de prædicando cœlitus datum, obedientia creaturarum ratione carentium, vehemens immutatio cordium ad verborum ipsius auditum, eruditio eius à Spiritu sancto præter humanam doctrinam prædicandi auctoritas à summo Pontifice non sine reuelatione concessa, insuper & regulam in qua forma prædicandi exprimitur ab eodem CHRISTI Vicario confirmata, summi quoque regis signacula per modum sigilli corpori eius impressa, tanquam testimonia decem, toti seculo indubitanter affirmant, CHRISTI præconem Franciscum & venerandum officio,&

doctrina autenticum, & admirabilem sanctitate, ac per hoc tanquam vere Dei nuntium CHRISTI euangelium prædicasse.

C A P V T XIII.

De Stigmatibus Sacris.

MOs erat Angelico viro Francisco numquam otiari à bono, quin potius instar supernorum spirituum in scala Iacob, aut ascendebat in Deum, aut descendebat ad proximum. Nam tempus sibi concessum ad meritum diuidere sic prudenter didicerat, vt aliud proximorum lucris laboriosis impenderet, aliud contemplationis tranquillis excessibus dedicaret. Vndè cum secundum exigentiam locorum & temporum alienæ condescendisset procurandæ salutis, inquietationibus derelictis turbarum solitudinis secreta petebat, locumque quietis quo liberius Deo vacans, extingeret siquid pulueris sibi ex conuersatione hominum adhæssisset. Biennio itaque antequam spiritum redderet Cœlo, Diuina providentia
duce,

duce, post labores multimodos perductus est in locum excelsum seorsum, qui dicitur Mons Aluernæ. Cum igitur iuxta solitum morem, Quadragesimam ibidem ad honorem Sancti Archangeli Michaelis ieiunare cœpisset, supernæ contemplationis dulcedine abundantis solito superflusus, ac cœlestium desideriorum ardentiori flamma succensus, supernarum cœpit immissionum cumulatius dona sentire. Ferebatur quidem in altum non vt curiosus maiestatis perscrutator opprimendos à gloria, sed tanquam seruus fidelis & prudens inuestigans beneplacitum Dei cui se conformare omnimode summo peroptabat ardore. Immissum est igitur menti eius per Diuinum oraculum quod in apertione libri Euangelici reuelaretur ei à Christo quid de eo in ipso & de ipso maximè foret acceptum. Oratione itaque cum multa deuotione præmissa, sacrum Euangeliorum Librum de Altari sumptum in Sanctæ Trinitatis nomine aperiri fecit per socium, virum vtique Deo deuotum & sanctum. Sanè cum in Trina libri apertione semper Domini passio occurreret, intelle-

xit vir Deo plenus, quod sicut Christum fuerat imitatus in actibus vitæ, sic conformis ei esse deberet in afflictionibus & doloribus passionis, antequam ex hoc mundo transiret. Et licet propter multam austeritatem vitæ præteritæ crucisque Dominicæ baiulationem continuam, imbecillis iam esset corpore, nequaquam est territus, sed ad Martyrij subistentiam vigorosius animatus. Excreuerat quidem in eo insuperabile amoris incendium boni IESV in lampades ignis atque flammarum, ut aquæ multæ charitatem eius tam validam extinguere non valerent. Cum igitur Seraphicis desideriorum ardoribus, sursum ageretur in Deum, & compassiua dulcedine in eum transformaretur, qui ex charitate nimia voluit crucifigi, quodam mane circa festum Exaltationis Sanctæ Crucis dum oraret in latere Montis, vidit Seraphim vnum sex alas habentem tam ignitas quam splendoris de Cœlorum sublimitate descendere. Cumque volatu celerrimo peruenisset ad aeris locum viro Dei propinquum, apparuit inter alas effigies hominis

nis crucifixi in modum crucis manus, & pedes extensos habentis, & cruci affixos. Duæ alæ super caput ipsius eleuabantur, duæ ad volandum extendebantur, duæ vero totum velabant corpus. Hoc videns vehementer obstupuit, mixtumque mœrore gaudium cor eius incurrit. Lætabatur quidem in gratioso aspectu, quo à Christo sub specie Seraphim cernebat se conspici, sed crucis affixio compassiui doloris gladio ipsius animam pertransibat. Admirabatur quam plurimum in tam inscrutabilis visionis aspectu: sciens quod passionis infirmitas cum immortalitate spiritus seraphici nullatenus conueniret. Intellexit tandem ex hoc Domino reuelante, quod ideo huiusmodi visio sic diuina providentia suis fuerat præsentata conspectibus, vt amicus Christi prænosceret se non per martyrium carnis, sed per incendium mentis totum in Christi Crucifixi similitudinem transformandum. Disparens igitur visio, mirabilem in corde ipsius reliquit ardorem, sed & in carne non minus mirabilem signorum impressit effigiem. Statim namque in manibus eius & pedibus

bus apparere cœperunt signa clauorum , quemadmodum paulo ante in effigie illa viri crucifixi conspexerat . Manus enim & pedes in ipso medio clauis confixæ videbantur , clauorum capitibus in interiori parte manuum , & superiori pedum apparentibus , & eorum acuminibus existentibus ex aduerso . Erantque clauorum capita in manibus & pedibus rotunda & nigra : ipsa vero acumina oblonga retorta & quasi reperiussa, quæ de ipsa carne surgentia carnem reliquam excedebant. Dextrum quoque latus quasi lancea transfixum rubra cicatrice obductum erat, quod sæpe sanguinem sacrum effundens , tunicam & fermoralia respergebat . Cernens autem Christi seruus quod stigmata carni tam luculenter impressa socios familiares latere non possent . Timens nihilominus publicare Domini Sacramentum , in magno positus fuit dubitationis agone, vtrum videlicet quod viderat diceret, vel taceret . Vocauit proinde aliquos ex fratribus , & generalibus verbis loquens , dubium coram eis proposuit, & consilium requisivit . Quidam vero ex fratribus gratia illuminatus,

natus, & nomine intelligens, quod aliqua miranda vidisset, pro eo quod videbatur admodum stupefactus, dixit ad virum sanctum, frater non solum propter te, sed etiam propter alios, scias tibi ostendi aliquando sacramenta diuina. Timendum propterea iure videtur, ne si quod pluribus profuturum accepisti, celaueris: pro talento abscondito reprehensibilis iudicaris. Ad cuius verbum motus vir sanctus, licet alias dicere solitus esset: secretum meum mihi: tunc tamen cum multo timore seriem retulit visionis præfatæ, addens quod is qui sibi apparuerat, aliqua dixerit, quæ nunquam dum viueret alicui hominum aperiret. Credendum sane tam arcana illa fuisse sacri illius Seraphim in Cruce mirabiliter apparentis eloquia, quod forte non liceret hominibus ea loqui. Postquam igitur verus Christi amor in eandem imaginem transformauit amantem quadraginta dierum numero iuxta quod decreuerat in solitudine consumato, superueniente quoque solemnitate Archangeli Michaelis: descendit angelicus vir Franciscus de monte secum ferens

Crucifixi effigiem , non in tabulis lapideis vel ligneis manu figuratam artificis , sed in carneis membris descriptam digito Dei viui . Et quoniam sacramentum regis abscondere bonum est , ideò secreti regalis vir conscius signacula illa sacra pro viribus occultabat . Verum quia Dei est ad gloriam suam; magna reuelare , quæ facit Dominus ipse , qui signacula illa secreta impresserat , miracula quædam aperte per ipsa monstrauit , vt illorum occulta , & mira vis stigmatum, manifesta peteret claritate signorum .

In Prouincia namque Reatina pestis inualuerat valde grauis , quæ oues, & boues omnes sic consumebat crudeliter , quod nullum poterat remedium adhiberi . Vir autem quidam timens Deum nocte fuit per visionem commonitus , vt ad heremitorium fratrum festinanter accederet , & loturam manuum , ac pedum famuli Dei Francisci , qui tunc temporis morabatur ibidem acceptam , super animalia cuncta respergeret . Mane itaque surgens venit ad locum , loturaque huiusmodi per socios sancti viri latenter obtenta , oues & boues

bones languentes ex ea resperfit. Mirabile dictu. Statim vt aspersio animalia languida, & in terra iacentia quantumcunque paululum attingebat pristino recuperato, vigore surgebant continuo, & tanquam nihil mali sensissent, ad pascua festinabant. Sicque factum est, vt per virtutem mirandam aquæ illius quæ sacras plagas contigerat, omnis prorsus plaga cessaret, pestilensque morbus a gregibus fugaretur. Circa præfatum montem Aluernæ antequam vir sanctus ibi contraheret moram nabe ex ipso monte surgente, grandinis violenta tempestas fructus terræ consuetudinarie deuastabat. Sed post illam apparitionem foelicem non sine incolarum admiratione grando cessauit, vt coelestis illius visionis excellentiam, & stigmatum ibidem impressorum virtutem serenati præter morem ipsa coeli facies declararet. Contigit quoque eum tempore hyemali propter debilitatem corporis, & asperitatem viarum hominis vnius pauperum subuectum a fello sub rupis cuiusdam prominentis pernoctare crepidine, vt niuis, & noctis superuenientium quoquomodo decli-

clinaret incommoda, quibus præpeditus, ad hospitij locum non valuerat peruenire. Cum autem vir sanctus hominem illum querulosus submurmurante gemitibus hinc inde se ipsum iactare sensisset tanquam qui tenui operimento contactus, quiescere præ frigoris acerbitate nequibat diuini amoris feruore succensus, manu illum prætensa palpauit. Mirabile certe. Repente illius sacræ manus contactum, quæ seraphici calculi gerebat incendium omni fugato frigore tantus in virum intus, & extra calor aduenit, ac si quædam in eum vis flammea ex fornacis spiraculo processisset. Nam illico, & mente, & corpore confortatus, suauius inter saxa, & niues vsque mane dormiuit, quam vnquam in proprio lecto pausauerat, sicut ipse postmodum assererat. Certis itaque constat inditijs: sacra illa signacula illius impressa fuisse virtute, qui operatione Seraphica purgat, illuminat, & inflammat, cum ipsa forinsecus expurgando à peste salutem, serenitatem, & calorem corporibus efficacia mira conferrent: sicut & post mortem euidentioribus est demonstratum.

pro-

prodigijs suo loco posterius annotandis. Ipse verò licet thesaurum inuentum in agro multa diligentia studeret abscondere: latere tamen non potuit, quin aliqui stigmata manuum viderent, & pedum, quamquam manus quasi semper portaret contactas, & pedibus ex tunc incederet calciatis. Viderunt enim dum viueret, fratres plurimi, qui licet essent propter sanctitatem præcipuam viri per omnia fidei digni. Tamen ad omnia dubium amouendum, sic esse, ac se vidisse tactis sacrosanctis iuramento firmarunt. Viderunt etiam ex familiaritate quam cum viro sancto habebant aliqui Cardinales, laudes sacrorum stigmatum: prosis & hymnis, & antiphonis, quas ad ipsius ediderunt honorem veraciter inferentes, qui tam verbo, quam scripto perhibuerunt testimonium veritati. Summus etiam Pontifex Dominus Alexander cum populo prædicaret coram multis Fratribus, & me ipso affirmavit se dum sanctus viueret, stigmata illa sacra suis oculis conspexisse. Viderunt in morte plusquam quinquaginta Fratres, virgoque Deo deuotissima

Cla.

Clara cum coëteris sororibus suis , & seculares innumeri, ex quibus quemadmodum suo loco dicetur , quamplurimi & osculati sunt ex deuotionis affectu , & contrectauerunt manibus ad testimonij firmitatem . Vulnus autem lateris tantum sollicitè occultauit , vt illud nemo posset nisi furti contueri dum viueret . Vnus etenim Frater, qui ei sedulè ministrare solitus erat , cum pia eum cautela, vt ad excutiendum extraheret tunicam induxisset attentè respiciens vidit plagam, cui etiam tres veloci contactu digitos applicans : tam visu , quàm tactu vulneris quantitatem agnouit. Cōsimili cautela vidit etiam Frater ille , qui tunc temporis erat Vicarius eius . Frater verò socius mirandæ simplicitatis, dum infirmitatis causa languentes scapulas contrectaret, manu per caputium missa , & casualiter vulneri sacro illapsa , magnum ei dolorem inflixit . Proinde portabat ex tunc femoralia ita facta, vt vsque ad ascellas pertingerent ad vulnus lateris contegendum . Fratres quoque qui illa lauabant , vel tunicam excutiebant pro tempore , quia inueniebant

bant ea sanguine rubricata indubitanter per euidens signum in cognitionem sacri vulneris peruenerunt, quod postmodum in morte reuelata facie, & ipsi cum alijs plurimis contemplati simul & venerati sunt. Eia nunc strenuissimè miles Christi ipsius fer arma inuictissimi ducis quibus, munitus & insignitus: omnes aduersarios superabis. Fer vexillum regis altissimi, ad cuius intuitum omnes pugnatores diuini exercitus animentur. Fer nihilominus sigillum summi pontificis Christi, quo verba, & facta tua tamquam irreprehensibilia, & authentica: meritò ab omnibus acceptentur. Iam enim propter stigmata domini IESV, quæ in corpore tuo portas, nemo debet tibi esse molestus, quin potius quilibet Christi seruus omni esse tenetur affectione deuotus. Iam per hæc signa certissima, non duobus aut tribus testibus ad sufficientiam, sed quamplurimis ad superabundantiam comprobata testimonia, Dei in te, & per te credibilia facta nimis omne tollunt in fidelibus velamen excusationis, dum credentes in fide stabiliunt, spei fiduciam sursum agunt, & igne chari-

Mtatis

tatis accedunt . Iam verè impleta est prima visio quam vidisti , videlicet quod dux in militia Christi futurus armis deberes coelestibus , signoque crucis insignibus decorari . Iam in principio tuæ conuersionis crucifixi visio compassiui doloris gladio mentalitèr te transfigens , sed & auditus vocis de cruce tamquam de trono Christi sublimi , & secreto propitiatorio procedentis iuxta quod tuo sacro firmasti eloquio , vera indubitantèr fuisse creduntur . Iam in tuæ conuersionis progressu , & crucem quam vidit Frater Silvester ex ore tuo mirabilitèr procedentem , & gladios in crucis modum tua viscera transfigentes , quos sacer vidit pacificus , teque secundum crucis figuram in aère subleuatum , cum de crucis titulo sanctus prædicabat Antonius iuxta quod prospexit angelicus vir Monaldus non fantastica visione , sed reuelatione fuisse coelica conspecta verè creditur , & firmatur . Iam denique circa finem quod simul tibi ostenditur , & sublimis similitudo seraphim , & humilis effigies crucifixi interiùs te incendens , & exterius te consignans , tanquam alterum angelum .

ascen-

ascendentem ab ortu solis , qui signum in te habeas Dei viui , & prædictis dat firmitatem fidei , & ab eis accipit testimonium veritatis. Ecce iam septem apparitionibus crucis Christi in te , & circa te secundum ordinem temporum mirabiliter exhibitis , & monstratis , quasi sex gradibus ad istam septimam , in qua finaliter requiescis peruenisti . Christi namque crux in tuæ conuersionis primordio tam proposita , quàm absumpta , & dehinc in conuersionis progressu per vitam probatissimam baiulata in te ipso continuè , & in exemplum alijs demonstrata , tanta certitudinis claritate ostendit , euangelicæ perfectionis apicem te finaliter conclusisse , vt demonstratiorem hanc christianæ sapientiæ in tuæ carnis puluere exaratam , nullus verè deuotus abijciat , nullus verè fidelis impugnet , nullus verè humilis paruipendat , cum sit verè diuinitus expressa , & omni acceptione condigna .

CAPVT XIV.

*De patientia ipsius, & transitu
mortis.*

Christo iam igitur Cruci confixus Franciscus tam carne, quàm spiritu, non solùm seraphico amore ardebat in Deum, verùm etiam sitiebat cum Christo crucifixo multitudinem saluandorum. Faciebat proinde quoniam propter excrecentes in pedibus clauos ambulare non poterat, corpus emortuum per ciuitates, & castra circumuehi, vt ad crucem Christi ferendam cæteros animaret. Fratribus quoque dicebat. Incipiamus Fratres seruire Domino Deo nostro, quia vsque nunc parum profecimus. Flagrabat etiam desiderio magno ad humilitatis redire primordia, vt leprosis sicut à principio ministraret, corpusque iam præ labore collapsum reuocaret ad pristinam seruitutem. Proponebat Christo duce se facturum ingentia, & fatiscientibus membris spiritu fortis, & feruidus, nouo sperabat certamine de hoste triumphum. Neque enim
lan-

De patientia ipsius, & transitu mortis. 181
languor vel desideria locum habet, ubi
amoris stimulus semper ad maiora perur-
get. Tanta autem in eo carnis ad spiritum
erat concordia, tanta obedientiæ prom-
ptitudo, quod cum ille ad omnem niteretur
sanctitatem pertingere, ipsa non solum
non repugnaret, sed præcurrere niteretur.
Ut autem viro Dei cumulus meritorum
accresceret, quæ omnia verè in patientia
consumantur, cœpit infirmitatibus multi-
modis laborare tam grauitè, ut vix in eo
membrum aliquod remaneret absque in-
genti passionis dolore. Ad hoc tandem
per varias, & diuturnas ac continuas ægri-
tudines deductus est, ut consumptis iam
carnibus quasi sola cutis ossibus cohære-
ret. Cumque duris corporis angeretur
doloribus, illas suas angustias non pœna-
rum censebat nomine, sed sororum. Cum
autem semel grauius solito dolorum vrge-
retur aculeis, quidam Frater simplex dixit
ad eum: Frater ora Dominum, ut mitius
tecum agat, manum enim suam plus de-
bito super te grauare videtur. Quo audito,
vir sanctus cum eiulatu exclamans ait: nisi
noscerem in te simplicem puritatem, tuum

182 *De patientia ipsius, & transitu mortis:*
ex nunc abhorrerem consortium, qui ausus fueris circa me diuina iudicia reprehensibilia iudicare. Et licet totus esset attritus grauis prolixitate languoris proiciens se in terram, ossa debilia duro casu collisit. Et deosculans humum: gratias (inquit) tibi ago Domine Deus de omnibus his doloribus meis, teque mi Domine rogo, vt centuplum, si tibi placuerit, addas, quia hoc erit mihi acceptissimum, vt affligens me dolore non parcas, cum tuæ sanctæ voluntatis adimpletio sit mihi consolatio superplena. Videbatur propterea Fratribus, quod quasi alterum Iob viderent, cui cum languor cresceret carnis, crescebat simul & vigor mentis. Ipse autem obitum suum longè ante præsciuit, dieque transitus imminente, dixit Fratribus sui corporis tabernaculum deponendum in proximo quemadmodum sibi fuerat reuelatum à CHRISTO. Cum itaque per biennium ab impressione sacrorum stigmatum anno videlicet à sua conuersione vigesimo: multis fuisset angustiantium infirmitatum probatiuis tunctionibus conquadratus, tanquam lapis in supernæ Hierusalem

lem ædificio collocaudus, & tanquam ductile opus sub multiplicis tribulationis malleo ad perfectionem adductus, ad sanctam Mariam de Portiuncula se portari poposcit, quatenus ubi acceperat spiritum gratiæ, ibi redderet spiritum Vitæ. Quo cum fuisset perductus, ut veritatis exemplo monstraret, quod nihil erat illi commune cum mundo in illa infirmitate tam graui, quæ omni languori conclusit super nudam humum se totum nudatum in spiritus feruore prostrauit, quatenus hora illa extrema, in qua poterat adhuc hostis irasci, nudus luctaretur cum nudo. Decubans sic in terra saccina veste deposita, faciem solito more leuauit in cælum, & intendens illi gloriæ totus, manu sinistra, dextri lateris vulnus ne videretur, obtexit, & ait ad Fratres. Ego quod meum est, feci, quod vestrum est, Christus edoceat. Illacrymantibus autem socijs sancti, qui miro fuerant compassionis tēlo percussi: vnus ex eis quem vir Dei guardianum suum esse dicebat, votum ipsius diuinæ inspiratione cognoscens, festinus surrexit, & acceptam cum corda, & femoralibus

184 *De patientia ipsius, & transitu mortis.*
tunicam pauperculo Christi obtulit dicens, hæc tibi tanquam pauperi commodo, & tu illa suscipias obedientiæ sanctæ mandato. Gaudet ex hoc vir sanctus, & iubilat præ lætitia cordis; quoniam fidem tenuisse dominæ paupertati usque in finem se vidit; palmasque leuans ad Cœlum, Christum suum magnificat, pro eo quod exoneratus ab omnibus, liber vadit ad ipsum. Fecerat enim hæc omnia paupertatis zelo, ut nec habitum quidem vellet habere, nisi ab alio commodatum. Voluit certè per omnia Christo crucifixo esse conformis, qui pauper, & dolens, & nudus in Cruce pependit. Propter quod, & in principio conuersionis suæ nudus remansit coram Antistite, & in consumatione vitæ nudus voluit de Mundo exire; Fratribusque sibi assistentibus in obedientia charitatis iniunxit, ut cum viderent eum iam esse defunctum per tam longum spatium nudum super humum iacere permitterent, quod vnius miliarij tractum suauiter quis perficere posset. O verè Christianissimum virum, qui & viuens CHRISTO viuenti, & moriens morienti,

& mor-

De patientia ipsius, & transitu mortis. 185
& mortuus mortuo perfecta esse studuit
imitatione conformis, & expressa prome-
ruit similitudine decorari. Hora denique
sui transitus propinquante fecit Fratres
omnes existentes in loco ad se vocari, &
eos consolatorijs verbis pro sua morte
demulcens, paterno affectu ad Diuinum
est hortatus amorem. De patientia & pau-
pertate, & Sanctæ Romanæ Ecclesiæ fide
seruandis sermonem protraxit, cæteris in-
stitutis sanctum Euangelium anteponeus.
Circumsedentibus verò omnibus Fratri-
bus, extendit super eos manus in modum
Crucis brachijs cancellatis pro eo quod
hoc signum semper amabat, & omnibus
Fratribus tam præsentibus, quàm absen-
tibus in Crucifixi virtute ac nomine bene-
dixit. Insuper & adiecit, valete filij om-
nes in timore Domini, & permanete in
eo semper. Et quoniam futura tentatio
& tribulatio appropinquat, fœlices qui
perseuerabunt in his quæ cœperunt. Ego
verò ad Deum propèro, cuius gratiæ vos
omnes commendo. Suauis huiusmodi ad-
monitione completa, iussit Deo vir cha-
rissimus Euangeliorum sibi codicem ap-
por-

186 *De patientia ipsius, & transitu mortis.*
portari, & Euangelium secundum Ioan-
nem quod incipit ab eo loco. Ante diem
festum Paschæ sibi legi poposcit. Ipse
verò prout potuit in huius Psalmi vocem
erupit. Voce mea ad Dominum clama-
ui, voce mea ad Dominum deprecatus
sum, & ad finem vsque compleuit. Me
(inquit) expectant iusti, donec retribuas
mihi. Tandem cunctis in eum completis
mysterijs, anima illa sanctissima carne so-
luta, & in abyssum Diuinæ claritatis ab-
sorta, beatus vir obdormiuit in Domino.
Vnus autem ex Fratribus & discipulis eius
vidit animam illam beatam sub specie
stellæ præfulgidæ à candida subuectam
nubecula, super aquas multas in Coelum
recto tramite sursum ferri, tanquam subli-
mis sanctitatis candore prænitidam, &
coelestis sapientiæ simul & gratiæ vberta-
te repletam, quibus vir sanctus prome-
ruit locum introire lucis & pacis, ubi cum
Christo sine fine quiescit. Minister quo-
que Fratrum in Terra laboris tunc erat Fra-
ter Augustinus vir utique sanctus & iustus,
qui in hora vltima positus, cum iam diu
perdidisset loquelam, audientibus qui
alta-

De patientia ipsius, & transitu mortis. 187
astabant; subito clamauit & dixit. Expecta me Pater; expecta ecce iam venio tecum. Quærentibus Fratribus, & admirantibus multum; cui sic loqueretur; audacter respondit. Nonne videtis Patrem nostrum Franciscum, qui vadit ad Cælum? Et statim sancta ipsius anima migrans à carne, Patrem est secuta sanctissimum. Episcopus Assinas ad oratorium Sancti Michaelis in Monte Gargano tunc temporis peregrinationis causa perrexerat; cui Beatus Franciscus apparens nocte transitus sui dixit. Ecce relinquo mundum & vado ad Cælum. Mane igitur surgens Episcopus socijs narrauit quæ vidit, & Assisium rediens, cum solícite perquisisset, certitudinaliter comperit quod ea hora qua sibi per visionem innotuit: beatus Pater ex hoc mundo migravit. Alaudæ aues lucis amicæ & crepusculorum tenebras obrescentes, hora transitus sancti viri cum iam esset noctis secuturæ crepusculum, venerunt in multitudine magna super tetum domus; & diu cum insolita quadam iubilatione rotantes, gloria sancti, qui eas ad Diuinas laudes inuitare solitus erat, tam

188 *De Canonizat. & translat. ipsius.*
tam iucundum quàm euidentis testimo-
nium perhibebant.

C A P V T X V.

De canonizatione & translatione ipsius.

FRANCISCUS igitur seruus & amicus al-
tissimi ordinis Minorum Fratrum in-
stitutor, & dux paupertatis professor, pœ-
nitentiæ forma, veritatis præco, sanctita-
tis speculum, & totius euangelicæ perfe-
ctionis exemplar, superna præuentus gra-
tia, ordinato progressu ab infimis perue-
nit ad summa. Hunc virum mirabilem,
vtpotè paupertate prædiuitem, humilita-
te sublimem, mortificatione viuidentem,
simplicitate prudentem, omnique morum
honestate conspicuum: quem in vita Do-
minus mirabiliter effecerat clarum, in
morte fecit incomparabiliter clariorem.
Beato namque viro migrante à seculo,
spiritus ille sacer domum æternitatis in-
grediens, fontisque vitæ haustu plenario
gloriosus effectus, expressa quædam in-
cor-

corpore futuræ gloria signa reliquit, ut
caro illa sanctissima quæ crucifixa cum vi-
tiji in nouam iam creaturam transierat, &
passionis Christi effigiem priuilegij singu-
laritate præferret, & nouitate miraculi re-
surrectionis speciem præmonstraret. Cer-
nebantur quidem in membris illis foelici-
bus clauī ex eius carne virtute Diuina
mirificè fabrefacti, sicque carni eidem
innati, quæ dum à parte qualibet præme-
rentur, protinus quasi nerui continui, &
duri ad partem oppositam resultabant.
Inuenta quoque fuit patentius in ipsius
corpore non inflicta humanitus, neque
facta plaga vulneris lateralis: instar vul-
nerati lateris Saluatoris, quod Redem-
ptionis & regenerationis humanæ in ipso
Redemptore nostro protulit Sacramen-
tum. Erat autem similitudo clauorum
nigra quasi ferrum, vulnus autem lateris
rubeum & ad orbicularitatem quandam
carnis contractione reductum, rosa quæ-
dam pulcherrima videbatur. Caro verò
ipsius reliqua quæ prius tam ex infirmi-
tate, quam ex natura ad nigredinem de-
clinabat, candore nimio renitescens il-
lius

lius secundæ stolæ pulchritudinem præ-
tendebat. Membra ipsius adeò mollia
& tractabilia se præbebant palpan-
tibus, vt conuersa viderentur in teneritudinem
puerilis ætatis, & quibusdam cernerentur
evidentibus signis innocentiae decora-
ta. Cum igitur in candidissima carne,
clavi nigrescerent, plaga verò lateralis,
vt vernans roseus flos ruberet, miran-
dum non est si tam formosa & miraculosa
varietas iucunditatem & admirationem
contuentibus ingerebat. Lachrymaban-
tur Filij pro subtractione tam amabilis
Patris, sed & non modica perfunde-
bantur lætitia, dum deosculabantur in eo si-
gnacula summi Regis. Miraculi nouitas
planctum vertebat in iubilium, & intelle-
ctus rapiebat indaginem in stuporem.
Erat quippè tam insolitum, tamquè in-
signe spectaculum contuentibus omnibus
& firmamentum Fidei, & incitamentum
amoris, audientibus verò admirationis
materia, & excitatio desiderij ad viden-
dum. Audito siquidem transitu Patris, &
fama diffusa miraculi, accelerans populus
confluebat ad locum, vt id cerneret ocu-
lis,

lis, quod à ratione dubium omne repelleret, & affectioni gaudium cumularet. Admissi sunt igitur Affsinates ciues quamplurimi ad Stigmata illa sacra contemplanda oculis, & labijs osculanda. Vnus autem ex eis miles quidem litteratus & prudens Hieronymus nomine, vir vtique famosus & celebris, cum de huiusmodi sacris signis dubitasset, essetque incredulus quasi Thomas, feruentius & audacius coram Fratribus & alijs ciuibus mouebat clauos, sanctique manus, & pedes, & latus manibus proprijs contrectabat, vt dum vulnerum Christi veracia illa signa palpando contingeret de sui, & omnium cordibus omne dubietatis vulnus amputaret. Propter quod & ipse inter alios huius veritatis tam certitudinaliter agnitæ testis constans postmodum effectus est, & tactis sacrosanctis iuramento firmavit. Fratres autem, & filij qui vocati fuerant ad transitum Patris, cum omni multitudine populorum noctem illam in qua almus Christi confessor decessit, sic Diuini laudibus dedicarunt, vt non defunctorum exequiæ, sed Angelorum excubiæ

bæ viderentur. Mane autem facto, turbæ quæ conuenerant, acceptis arborum ramis, & cereorum multiplicatis luminibus, cum hymnis & canticis sacrum Corpus ad Ciuitatem Assisij detulerunt. Transseuntes verò per Ecclesiam Sancti Damiani, in qua virgo illa nobilis Clara, nunc gloriosa in Coelis, tunc inclusa cum virginibus morabatur, ibique aliquantulum subsistentes sacrum Corpus margaritis coelestibus insignitum, videndum & osculandum sacris illis virginibus obtulerunt. Peruenientes denique ad Ciuitatem cum iubilo, pretiosum thesaurum, quem portabant in Ecclesia Sancti Georgij cum omni reuerentia condiderunt. In eo siquidem loco puerulus litteras didicit, ibique postmodum primitus prædicauit, postremo ibidem locum primæ quietis accepit. Transijt autem Venerabilis Pater ex huius mundi naufragio Anno Dominicæ Incarnationis millesimo ducentesimo vigesimo sexto, quarto nonas Octobris die Sabbati in sero, sepultus in die Dominico. Coepit autem vir beatus continuo Diuinæ faciei super irradiante

te respectu, magnis & multis corruscare
miraculis, vt sublimitas sanctitatis eius,
quæ ipso viuente in carne ad mōrum di-
rectionem per exempla perfectæ iustitiæ
innotuerat mundo, illo iam regnante cum
Christo, ad omnem Fidei firmitatem per
miracula Diuinæ potentiae comprobare-
tur è Cœlo. Cumque in diuersis Orbis
partibus gloriosa eius miracula, largaque
per ipsum impetrata beneficia pluri-
mos ad Christi deuotionem accende-
rent, & ad ipsius sancti reuerentiam inci-
tarent, acclamantibus tam linguis sermo-
num, quam operum, ad aures Summi Pon-
tificis Domini Gregorij Noni, quæ per
Seruum suum Franciscum Deus operaba-
tur, magnalia peruenerunt. Sanè cum
idem Pastor Ecclesiæ non solum ex mi-
raculis auditis post mortem, verùm etiam
experimentis in vitâ ipsius oculis visis, &
manibus contrectatis, sanctitatem eius
mirabilem plena Fide certificatus agno-
sceret, ac per hoc in Cœlis glorificatum
à Domino nullatenus dubitaret, vt Chri-
sto cuius erat Vicarius, concorditer age-
ret, hunc in terris reddere celebrem,

tanquam omni veneratione dignissimum
 pia consideratione disposuit. Ad omnem
 quoque certitudinem faciendam orbi ter-
 rarum, de glorificatione viri sanctissimi,
 inuenta miracula & conscripta & testibus
 idoneis approbata examinari fecit per il-
 los, qui minùs inter Cardinales fauora-
 biles negotio videbantur. Quibus dili-
 genter discussis, & ab omnibus approba-
 tis, de Fratrum suorum & omnium Præ-
 latorum, qui tunc erant in curia, con-
 cordi consilio & assensu canonizandum
 decreuit, veniensque personaliter ad ci-
 uitatem Assisij Anno Dominicæ Incarna-
 tionis M. CC. XXVIII. decimo septimo
 Kalendas Augusti die Dominico, cum
 maximis, quæ longum foret enarrare so-
 lemnij, Beatum Patrem cathalogo San-
 ctorum ascripsit. Anno verò Domini mil-
 lesimo ducentesimo trigesimo conuenien-
 tibus Fratribus ad Capitulum Generale
 Assisij celebratum ad Basilicam in honore
 ipsius constructam corpus illud Domino
 dedicatum octauo Kalendas Iunij transla-
 tum est. Dum autem ille Sacer transpor-
 taretur thesaurus Bulla Regis Altissimi
 con-

consignatus, miracula plurima ille cuius effigiem præferbat operari dignatus est, ut per ardorem ipsius saluificum affectus traheretur fidelium ad currendum post Christum. Erat re vera condignum, ut quem Deus in vita sibi placentem & dilectum effectum, in Paradisum per contemplationis gratiam transtulerat, ut Enoch, & ad Coelum curru igneo per charitatis zelum rapuerat, ut Eliam, eius iam vernantis inter flores illos coelicos plantationis æternæ ossa illa foelicia, de loco suo pullulatione mirifica redolerent. Porro sicut vir iste beatus mirandis virtutum signis in vita claruerat, sic à die transitus sui usque in præsens, per diuersas mundi partes præclaris miraculorum prodigijs diuina se potentia glorificante, corruscat. Nam cæcis, & surdis, mutis, & claudis, hydropicis, & paraliticeis, dæmoniæis, & leprosis, naufragis, & captiuis, ipsius meritis remedia conferuntur, omnibusque morbis, necessitatibus & periculis subuenitur. Sed & multis mortuis per ipsum mirificè suscitatis, innotescit fidelibus mirificans Sanctum suum ma-

gnificentia virtutis altissimi, cui est honor,
& gloria per infinita secula seculorum
Amen.

*Incipiunt quædam de Miraculis ipsius
post mortem ostensis. Et pri-
mo de virtute sacrorum
Stigmatum.*



D Omnipotentis Dei honorem,
& gloriam, Beati Patris Fran-
cisci post glorificationem ipsius
in Coelis aliqua ex approbatis
scripturus miracula, ab illo præcipuè cen-
sui sumendum fore initium, in quo Cru-
cis I E S V virtus ostenditur, & gloria
innouatur. Nouus igitur homo Franci-
scus nouo, & stupendo miraculo clauit,
cum singulari priuilegio retroactis se-
culis non concessio insignitus apparuit:
sacris videlicet Stigmatibus decoratus,
& configuratus in corpore mortis hu-
ius, corpori Crucifixi. De quo quic-
quid humana lingua dicatur, minus erit
laude condigna. Totum quidem viri Dei
flu-

studium tam publicum, quam priuatum, circa Crucem Domini versabatur. Et vt Crucis signaculo cordi eius à principio suæ conuersionis impresso corpus consignaret exterius: in ipsa se Cruce recludens, habitum poenitentiae sumpsit: Crucis imaginem præferentē, quatenus sicut mens eius intus Dominū Crucifixū induerat: sic & corpus eius indueret arma Crucis, & in quo signo Deus potestates aëreas debellarat, in eodem suus exercitus Domino militaret. Sed & à principio temporis quo Crucifixo militare coeperat, diuersa circa eum Crucis præfulsere mysteria, sicut vitæ ipsius consideranti decursum clarius innotescit, qualiter apparitione Crucis Dominicæ septiformi, tam cogitatu, quam affectu, & actu, totus fuit in Crucifixi effigiem per ipsius extaticum transformatus amorem. Digne igitur summi Regis clementia suis amatoribus ultra omnem extimationem hominum condescendens suæ Crucis vexillum ipsius corpori deferendum impressit, vt qui mirando fuerat Crucis amore præuentus, mirando etiam fieret Crucis honore miri-

ficus, Ad huius stupendi miraculi irrefragabilem firmitatem, non solum videntium, & palpantium testimonia, per omnem modum credibilia, verum etiam apparitiones mirabiles, & virtutes post ipsius obitum corruscantes. Ad omnem mentis effugandum nubilum suffragantur. Foelicis namque recordationis Dominus Gregorius Papa Nonus, de quo vir Sanctus prophetando prædixerat, quod ad dignitatem foret Apostolicam sublimandus, antequam Crucis signiferum cathalogo Sanctorum ascriberet scrupulum quendam dubitationis in corde gerebat de vulnere laterali. Nocte verò quadam sicut ipse foelix Antistes referebat cum laethrymis: Beatus ei Franciscus quadam faciei præterita dūritia in somnis apparuit, & hæsitacionem cordis ipsius redarguens, eleuauit brachium dextrum, detexit vulnus, phialamque poposcit ab ipso, vt saturientem reciperet sanguinem, qui ex latere defluebat. Obtulit in visione Summus Pontifex phialam postulatam, quæ vsque ad summum sanguine profluente de latere videbatur impleri. Extunc ad

illud sacrum miraculum tanta cœpit deuotione affici, & emulatione feruere, vt nullo modo pati posset quod aliquis præfulgentia illa sacra signa superba præsumeret impugnatione fuscare, quin eum seueram increpatione feriret.

Frater quidam Ordine minor, officio prædicator, virtutis, & famæ prærogatiua præpollens, cui firmiter erat de Sancti Stigmatibus persuasum, dum humano sensu miraculi huius apud se rationem perquireret, dubitationis cœpit cuiusdam scrupulo titillari. Cum igitur per dies plurimos sensualitate fumente vigorem, luctamen huiusmodi pateretur, nocte dormienti Sanctus Franciscus pedibus lutulentis apparuit, humiliter, durus, & patienter iratus. Et quæ sunt (ait) ista in te conflictationum certamina, quæ dubitationum sordes? Vide manus meas, & pedes meos. Cumque ille videret manus confixas, lutulentorum pedum Stigmata non videbat. Remoue (inquit) lutum à pedibus meis, & cognosce loca clauorum. Quos cum ille apprehendisset deuotè, lutum sibi videbatur abstergere, locaque

clauorum manibus contrectare. Continuo, vt euigilat, lachrymis irrigatur, & priores affectus quodammodo lutulentos, tàm lachrymarum profluuiò, quàm publica confessione deterfit.

In Vrbe Roma matrona quædam morum claritate ac parentum gloria nobilis, Sanctum Franciscum in suum elegerat aduocatum, ipsius habens depictam imaginem in secreto cubiculo, vbi patrem in abscondito exorabat. Die vero quadam dum orationi vacaret, considerans imaginem Sancti sacra illa signa Stigmatum non habentem, dolere cœpit non modicum, & mirari. Sed non mirum si in pictura non erat quod Pictor omiserat. Cumque per plures dies, quid causæ foret defectus huiusmodi mente sollicita, pertractaret. Ecce subito die quadam, apparuerunt signa illa mirifica in pictura, sicut in alijs ipsius sui imaginibus pingi solent. Tremefacta illa filiam suam Deo denotam aduocauit protinus, requirens si absque Stigmatibus vsque tunc imago fuisset. Affirmat illa, & iurat olim sine illis Sacris Stigmatibus extitisse, & nunc

verè cum Stigmatibus apparere. Verum quia mens humana semetipsam frequenter impellit, vt cadat, & in dubium reuocat veritatem, subintrat iterum cor mulieris dubitatio noxia, ne forte sic fuisset imago à principio consignata. At Dei virtus, ne primum contemneret miraculum, addidit, & secundum. Continuo namque disparentibus signis illis, nudata priuilegijs imago remansit, vt persequens signum fieret probatio præcedentis.

In Cathalonia quoque apud Ilerdam, accidit virum quendam nomine Ioannem Beato Francisco deuotum, quodam sero per quandam incedere viam, in qua pro inferenda morte latitabant insidiæ, non quidem ipsi, qui inimicitias non habebat, sed alteri cuidam qui videbatur similis eius, & tunc erat in comitatu ipsius. Exurgens autem quidam de insidijs, cum hostem suum hunc esse putaret, tam letaliter eum plagis plurimis gladiauit, vt nulla prorsus superesset spes recuperandæ salutis. Siquidem primo inflicta percussio humerum cum brachio pæne totum ab-

sci-

sciderat, & ictus alius sub manumilla: tantam reliquerat aperturam, vt flatus inde procedens circa sex candelas simul iunctas exstingueret. Cum igitur consilio Medicorum ipsius impossibilis esset curatio, pro eo quod putrescentibus plagis, ex eis fætor tam intolerabilis exhalaret, vt etiam ipsa eius vxor vehementer horreret, nullisque iam humanis iuuari posset remedijs, conuertit se ad Beati Patris Francisci patrocinium quanta poterat deuotione poscendum, quem inter ipsos ictus vna cum Beata Virgine fidentissime inuocaret: Etece misero in lectulo calamitatis solitario decubanti (cum Francisci nomen vigilans, & eiulans frequentius replicaret) Astitit quidam in habitu Fratris Minoris, per fenestram, vt ei videbatur ingressus. Qui vocans eum ex nomine, dixit, quia fiduciam habuisti in me, ecce Dominus liberabit te. A quo cum æger quis esset, requireret: Franciscum ille se esse respondit. Et statim appropians vulnerum illius ligaturas resoluit, & eum vnguento per omnes plagas, vt videbatur perunxit. Statim autem vt sensit illarum

sa-

sacrarum manuum: Stigmatum Saluatoris
virtute sanare valētium suauem contactū
expulsa putredines, restituta carne, & vul-
neribus solidatis; restitutus est integrē
pristinæ sospitati. Quo facto Beatus Pa-
ter abscessit. Et ipse sentiens se sanatum,
& in vocem diuinæ laudis, & Beati Fran-
cisci latanter erumpens, vocauit vxorem.
At illa celerius currens, & stare iam vi-
dens quem sepelliendum credebat in cra-
stino, cum esset stupore vehementi per-
territa, viciniam totam clamore comple-
uit. Accurrentes autem sui cum illum
niteretur tanquam freneticum in lecto re-
ponere, & ille e contra renitens assereret,
& ostenderet se sanatum, tanto sunt stu-
pore attoniti, vt quasi sine mente omnes
effecti, fantasticum esse crederent, quod
videbant, quia qui paulo ante conspexe-
rant plagis atrocissimis laniatum, & totum
iam marcidum, plena cernebant incolu-
mitate iocundum. Ad quos ille qui fa-
ctus fuerat sanus, nolite timere inquit, no-
lite credere inane, quod cernitis, quia
Sanctus Franciscus modo à loco recessit,
& illarum Sacrarum manuum tactu me-

integre ab omni plaga curauit . Crebrescente tandem huius fama miraculi, accelerat populus omnis, & videntes in tam aperto prodigio Stigmatum Beati Francisci virtutem admiratione simul, & gaudio replebantur : Christique signiferum magnis laudum præconijs extollebant . Digne quidem Beatus Pater carne iam mortuus, & viuens cum CHRISTO, præsentis suæ ostensione mirabili, & manuum Sacrarum palpatione suauis, vulnerato lethaliter viro sanitatem concessit, cum illius etiam in se Stigmata tulerit, qui misericorditer moriens, & mirabiliter surgens, vulneratum genus humanum, & seminiuum relictum, plagarum suarum virtute sanauit .

Apud Potentiam Apuliæ Ciuitatem erat quidam Clericus Rogerius nomine vir honorabilis, & Ecclesiæ Maioris Canonicus . Hic cum infirmitate quassatus, die quadam Ecclesiam oraturus intrasset, in qua erat imago Beati Francisci depicta, gloriosa Stigmata repræsentans, cœpit de illius sublimitate miraculi tanquam de re omninò insolita, & impossibili dubitare .

Su-

Subito igitur dum mente plagatus interiorius cogitaret inania, in palma sinistra manus sub chiroteca grauiter se sensit esse percussum: sonitum audiens percussuræ, velut cum spiculum profilit de balista, moxque tam vulnere fauciatus, quod sonitu stupefactus chirothecam de manu traxit, vt visu dignosceret, quod tactu perceperat, & auditu. Cumque nulla fuisset prius in palma percussio: conspexit in medio manus plagam: quasi sagittæ percussione inflictam, ex qua tanta vis procedebat ardoris, vt videretur: ex illo deficere. Mirabile dictu. Nullum in chiroteca vestigium apparebat, vt latenti plagæ cordis, latenter inflicti poena vulneris responderet. Clamat exindè per duos dies, & rugit: dolore grauissimo stimulatus, & increduli cordis velamen explicat vniuersis. Credere se veraciter Sacra Stigmatu in Sancto fuisse Francisco fateretur, & iurat, contestans omnis dubitationis abscessisse phantasmata. Orat suppliciter Sanctum Dei per Sacra sibi Stigmata subuenire, & multas cordis preces multo impinguat profluuio lachrymarum. Mirum certè. Incre-

credulitate proiecta, sanationem mentis
 sanatio sequitur corporalis. Omnis quie-
 scit dolor, frigescit ardor, nullum rema-
 net, vestigium percussuræ, sicque factum
 est, ut latens mentis infirmitas per patens
 carnis cauterium superna providente cle-
 mentia curaretur; menteque sanata, &
 ipsa caro pariter sanaretur. Fit homo hu-
 milis Deo deuotus, Sancto, & Fratrum
 Ordini perpetua familiaritate subiectus.
 Huius rei tam solemne miraculum iura-
 mentis firmatum fuit; & litteris sigilli Epi-
 scopi munimine roboratis; ipsius ad nos
 notitia delata peruenit. De sacris ergo
 Stigmatibus nullus sit ambiguitati locus:
 nullius in hoc (quia Deus bonus est) ne-
 quam sit oculus: quasi huiusmodi doni lar-
 gitio sempiternæ bonitati non congruat.
 Si enim illo amore Seraphico multa mem-
 bra capiti cohærent Christo: ut & in
 bello simili armatura inuenirentur condi-
 gna, & in regno ad similem forent glo-
 riam subuehenda; nullus hoc sanæ men-
 tis; nisi ad Christi gloriam diceret per-
 tinere.

De mortuis suscitatis .

IN Castro Montis Marani prope Beneuentum mulier quædam Sancto Francisco peculiari deuotione cohærens , viam vniuersæ carnis intrauit . Conuenientibus autem Clericis nocte ad exequias , & vigilias cum psalterijs decantandas : subito cunctis cernentibus erexit se mulier super lectum , & ynum de astantibus Sacerdotem patrinum videlicet suum aduocauit . Dicens , volo confiteri Pater . Ego enim mortua duro eram carceri mancipanda , quoniam peccatum quod tibi pandam : nec dum confessa fueram . Sed orante inquit pro me Sancto Francisco : cui dum viuerem , deuota mente seruiui : redire nunc ad corpus indultum est mihi : vt illo reuelato peccato , sempiternam promerear vitam . Et ecce vobis videntibus postquam illud detexero , ad promissam requiem properabo . Trementer ergo Sacerdoti trementi confessa : post absolutionem receptam , quiete se in lecto collegit , & in Domino foeliciter obdormiuit .

In Castro Pamarco in Montanis Apulie posito: patri, & matri vnica erat filia in tenera ætate tenere prædilecta. Quæ infirmitate graui ad mortem perducta: parentes eius successionem aliam non sperantes: se in illa quasi mortuos reputabant. Conuenientibus ergo consanguineis, & amicis ad flebile nimis funus, iacebat mater infoelix ineffabilibus completa doloribus, & absorta suprema tristitia, de his quæ fiebant nihil penitus aduertebat. Interim Sanctus Franciscus vno tantum socio comitatus apparens desolatam visitare dignatus est foeminam, quam sibi senserat esse deuotam: & pijs eam affatus alloquijs noli flere inquit: nam lucernæ tuæ lumen, quod deploras extinctum: mea tibi est intercessione reddendum. Surrexit continuo mulier, & quæ sibi dixerat Sanctus omnibus manifestans: non permisit extinctum corpus efferri: sed cum magna fide, Sancti Francisci nomen inuocans, & mortuam filiam apprehendens: viuam, & incolumem cunctis videntibus, & mirantibus alleuauit.

Cum Fratres de Noceria peterēt quoddam

dam plaustrum à quodam viro Petro nomine, quo aliquantulum indigebant: stultè respondit eis, pro petito subsidio irrogando conuiuium, & pro eleemosyna ad honorem Sancti postulata Francisci, in nomen ipsius blasphemiam iaculando. Poenituit hominem statim insipientiæ suæ, diuino super eum irruente pauore, ne forte vltimo Domini sequeretur: sicut & fuit protinus subsecuta. Nam infirmatus continuo primogenitus eius, paruo elapso spatio spiritum exhalauit. Volutabatur per humum pater infœlix, & Sanctum Dei Franciscum vocare non cessans, cum lachrymis exclamabat. Ego sum qui peccaui, ego qui inique locutus sum: me in persona propria flagellare debuisti. Redde Sancte iam poenitenti, quod abstulisti impiè blasphemanti. Tibi me reddo, tuis me obsequijs semper expono: nam & deuotum sacrificium laudis pro tui honore nominis semper offeram Christo. Mirares. Ad hæc verba surrexit puer, & planctum prohibens, se morientem eductum de corpore, per Beatum Franciscum deductum asseruit, & reductum.

- Cuiusdam Urbis Romæ Notarij puerulus vix septennis matrem ad Ecclesiam Sancti Marci euntem puerili more sequi desiderans, dum remanere domi compelleretur à matre, per fenestram Palatij se proiecit, & vltima quassatione collisus: continuo spiravit. Mater verò, quæ nondum longè discesserat, ad sonitum corruentis præcipitium pignoris suspicata celeriter redijt, filiumque reperiens tam miserabili casu repente subtractum: protinus sibi ipsi manus iniecit vltrices, ac dolorosis clamoribus toram excitavit viciniam ad lamentum. Frater verò quidam nomine Raho de Ordine Minorum illuc se ad prædicandum conferens, propinquavit ad puerum, & fide plenus ait ad patrem: Credis ne Sanctum Dei Franciscum posse filium tuum à mortuis suscitare: propter amorem, quem semper ad CHRISTVM habuit pro reddenda vita hominibus Crucifixum? Quo respondente se firmiter credere, & fideliter confiteri servum Sancti in perpetuum se esse futurum, si tantum à Deo munus per ipsius merita recipere mereretur, prostravit se.

Fra-

Frater ille cum Fratre socio in oratione; cæteros qui aderant, excitans ad orandum . Quo facto , cœpit puer aliquantulum oscitare, & apertis oculis, brachijsque eleuatis, se ipsum erexit, & statim coram omnibus ambulauit incolumis, per mirandam Sancti virtutem vitæ simul redditus, & saluti .

In ciuitate Capuæ dum puer quidam super Ripam vulturni fluminis cum pluribus iocaretur : incautus cecidit in profundum, quem fluminis impetus celeriter vorans, sub sabulo mortuum sepeliuit, proclamantibus autem pueris, qui cum eo luserant circa flumen, populosa illuc multitudo conuenit . Cumque vniuersus populus suppliciter, & deuote Beati Francisci merita inuocaret, vt deuotorum sibi parentum fidem aspiciens, prolem à mortis periculo dignaretur eripere, natator quidam procul astans clamoribus auditis, accessit . Et post diutinam inquisitionem, inuocato tandem Beati Francisci subsidio, locum inuenit, in quo limus in modum sepulchri pueri cadauer obtexerat . Quem effodiens, & extra deportans, dolens de-

O 2

fun-

functum inspexit. Licet autem populus, qui astant, videret iuuenem mortuum, nihilominus tamen flens, & eiulans proclamabat. Sancte Francisce redde puerum patri suo. Sed & Iudæi, qui venerant, naturali pietate commoti, dicebant, Sancte Francisce redde puerum patri suo. Subito puer lætantibus, & mirantibus cunctis, exurgens incolumis: duci se ad Ecclesiam Beati Francisci suppliciter postulauit, vt gratias illi deuotus exolueret, cuius se nouerat virtute mirabiliter suscitatum.

In ciuitate Sueffa in vico qui ad columnas dicitur, repentè quædam corruens domus vnum absorbuit iuuenem, & subito interemit. Viri autem, & mulieres ruinæ sonitu excitati, vndique accurrentes, eleuauerunt hinc inde ligna, & lapides, & miseræ matri mortuum filium reddiderunt. Illa verò amarissimis repleta singultibus, sicut poterat dolorosis vocibus exclamabat. Sancte Francisce Sancte Francisce redde mihi filium meum, non solum autem illa, sed & omnes qui aderant, beati Patris præsidium flagitabant.

Sed

Sed cum non esset neque vox neque sensus, cadauer posuerunt in lectulo ad sepeliendum, ipsum diem crastinum expectantes. Mater verò fiduciam habens in Domino per merita Sancti eius, votum emisit, noua se sindone Beati Francisci operturam altare, si filium suum reuocaret ad vitam. Et ecce circa horam noctis mediam coepit iuuenis oscitare, & calescentibus membris viuus exurgens, & sanus in laudis verba prorumpit. Sed, & clerus qui conuenerat, & populum vniuersum excitauit ad laudes, & gratias Deo, & Beato Francisco cum mentis lætitia persoluendas.

Iuuenis quidam Gerlandinus nomine de Ragusia oriundus vindemiarum tempore ad vineas exiens cum in vase vinario vt vtres impleret, sub torculari se mitteret: repente prægrandes lapides motis in se lignorum struibus, caput ipsius letali percussione quassarunt. Festinauit continuo pater ad filium, & desperans obrutum non adiuuit, sed cum sub onere sicut corruit, sic reliquit. Accurrerunt expeditius vinitores magni clamoris vocem, lugubrem audientes, multoque cum pa-

tre pueri dolore completi, extraxerunt iuuenem iam mortuum à ruina: pater verò ipsius IESV pedibus prouolutus, humiliter precabatur, ut filium suum vnicum per Sancti Francisci merita cuius tunc imminēbat, solemnitas sibi reddere dignaretur. Ingeminabat preces: vouebat officia pietatis, & Sancti viri corpus se visitaturum cum filio si suscitaretur à mortuis, repromisit. Mirum certè. Continuo puer qui toto fuerat corpore conuulsus, restitutus vitæ, & integræ sospitati: gaudens coram omnibus exurrexit, plangentes obiurgans, & Sancti Francisci suffragijs vitæ se redditum asseuerans.

Quendam alium mortuum in Alemania suscitauit, de quo Dominus Papa Gregorius tempore translationis ipsius Sancti fratres omnes qui ad translationem, & capitulum conuenerant, per Apostolicas litteras certos reddidit, & gaudentes. Miraculi huius seriem, quia ignoravi non scripsi, credens Papale testimonium omnis assertionis excellere instrumentum.

*De his quos à mortuis periculo
liberauit .*

IN confinibus Urbis vir quidam nobilis Rodulfus nomine , cum Deo deuota vxore , fratres Minores suo recepit hospitio , tam hospitalitatis gratia , quam Beati Francisci reuerentia , & amore . Nocte verò illa in summitate turris dormiens custos castri , cum iaceret super struem lignorum in ipsa muri positorum crepidine , ipsorum soluta conpage in tectum palatij corruit , & exinde super terram . Excitata ad sonitum casus tota familia , & custodis intellecta ruina , dominus castri , & domina cum fratribus accurrerunt . Is verò qui ab alto corruerat , absortus fuerat tam profundo sopore , vt nec ad casum euigilaret iteratę ruine : nec ad strepitum accurrentis familię cum clamore . Trahentium tandem , & impellentium manibus excitatus conqueri cępit , quod dulci fuisset quiete priuatus , inter Beati Francisci brachia suauiter assererens se dormisse . Cum verò de casu proprio doceretur ab alijs , & in imò se videret qui in

216 *De his quos à mortuis periculo liberauit .*
alto iacuerat , stupens esse factum quod
fieri non perceperat, penitentiam se factu-
rum ob reuerentiam Dei , & Beati Fran-
cisci coram omnibus repromissit .

In castro Pophis quod in campania po-
situm est , Sacerdos quidam Thomas no-
mine accessit ad reparandum Ecclesiæ mo-
lendinum . Deambulans autem incaute
secus extrema canalıs quo gurgēs profun-
dus copioso defluebat influxu , subito ca-
su cauilloso ligno intrusus est , cuius im-
pulsu voluitur molendinum . Cum igitur
confertus iaceret in ligno , & super os ip-
sius quia supinus erat aquarum imperus
inundaret , corde tamen quia lingua non
poterat S. Franciscum flebiliter inuocabat.
Per magnum vero spatium sic illo iacen-
te , ac de vita ipsius iam penitus socijs
desperatis in contrariam partem molam
cum violentia reuoluerunt , & sic eiectus
Sacerdos palpitans volutabatur in aquæ
meatu . Et ecce quidam frater Minor in-
dutus tunica candida , & fune succinctus
cum magna suauitate arreptum per bra-
chium extra flumen eduxit dicens . Ego
sum Franciscus, quem inuocasti. Ille verò
sic

De his quos à mortuis periculo liberauit. 217.
sic liberatus nimis obstupuit volensque
pedum ipsius osculari vestigia, huc atque
illuc anxius discurrebat, quærens à socijs:
vbi est ille? quo abiit Sanctus? qua via
discessit? Viri autem illi tremefacti proni
cecidērunt in terram sublimis Dei glorio-
sa extollentes magnalia, & virtuosa me-
rita humilis serui eius.

Iuuenis quidam de burgo Celani: pro
metendis hærbis exierat ad campestria
quædam in quibus vetus latebat puteus,
herbis in summo ore virentibus obum-
bratus, qui quasi per passus quatuor aqua-
rum altitudinem continebat. Segregatim
igitur per campum discurrentibus pueris,
vnus ex improviso decurrit in puteum.
Absorbente autem profunda fouea cor-
pus, spiritus mentis sursum recurrebat ad
Beati Francisci suffragium, clamans in
ipso lapsu fideliter, & fidenter, Sancte
Francisce adiuua me. Cæteri huc atque il-
luc se vertentes dum puer alius non com-
pareret, clamore circuitu, & lachrymis
requirebant eundem. Comperto tandem
quod in puteum cecidisset, festinantes
cum gemitibus redierunt ad burgum, in-
dican-

218 *De his quos à mortuis periculo liberauit*
dicantes euentum, exposcentes auxilium.
Redeuntibus autem illis cum multa hominum turba, demissus vnus per funem in puteum, puerum respexit in aquarum superficie residentem, nihil passum penitus læsionis. Extractus verò de puteo puer, dixit omnibus qui astabant. Quando subito cecidi Beati Francisci patrocinium inuocaui, qui corruenti mihi statim præsentialiter affuit, & manum porrigens leuiter apprehendit, nec vnquam deseruit, donec vna vobiscum de puteo me eduxit.
In Ecclesia Beati Francisci apud Assisium, dum præsente Romana curia prædicaret Dominus Episcopus Hostiensis, qui postmodum Summus Pontifex extitit Alexander, quidam lapis ponderosus, & magnus incaute super pulpitum excelsum, & lapideum derelictus, præ nimietate præssuræ impulsus super caput cuiusdam cecidit mulieris. Extimantes igitur circumstantes, perfecte ipsam iam mortuam, & caput eius totaliter conquassatum, cooperuerunt eam pallio, quo erat amicta, vt sermone finito educeretur extra Ecclesiam lugubre funus. Ipsa vero
sc

De his quos à mortuis periculo liberauit. 219
se Beato Francisco, ante cuius iacebat altare, fideliter commendauit. Et ecce prædicatione finita, mulier coram omnibus adeo surrexit incolumis, vt nullius in ea læsionis vestigium appareret. Sed & quod est amplius admirandum cum per longa tempore vsque ad horam illam dolorem capitis quasi continuum habuisset, plene fuit ex tunc ab omnis morbi molestia liberata, sicut ipsa postmodum testabatur.

Apud Cornetum cum in loco Fratrum ad fusionem campanæ viri quidam conuenissent deuoti, puerulus quidam octennis Bartholomæus nomine existentium quoddam Fratribus laborantibus apportauit. Et ecce subito ventus vehemens concussa domo, hostium portæ graue quidem, & magnum super ipsum puerulum ita valido proiecit impulsu, vt quem tam ingens pondus oppresserat, letali crederetur collisione quassatus. Sic enim totaliter iacebat tumulatus sub pondere, vt nihil exterius appareret. Accurrerunt omnes, qui aderant, Beati Francisci virtuosam dexteram inuocantes. Sed & pater ipsius, qui rigescentibus membris se mouere non poterat

220 *De his, quos à mortis periculo liberauit*
terat præ dolore, votis, & voce sancto
Francisco filium offerebat. Leuatum est
denique funestum pondus desuper pue-
rum, & ecce quem credebant mortuum,
quasi suscitatus à somno, latus apparuit:
nullam in se prorsus præferens læsionem.
Igitur cum quatuordecim esset annorum,
factus est Frater Minor, vir postea litte-
ratus, & famosus in Ordine Prædicator.

Homines de Lentino lapidem prægran-
dem absciderunt de monte, qui suppo-
nendus erat altari cuiusdam Ecclesiæ Bea-
ti Francisci in proximo consecrandæ. Cum
autem ferè quadraginta homines lapidem
illum superponere vehiculo niterentur re-
pētitis sæpius viribus, super quendam
hominem lapis ille cecidit, & in modum
sepulchri obtexit. Sed cum mente con-
fusi quid facerent ignorarent: maior pars
hominum desperata discessit. Porro viri
decem, qui remanserant lugubri voce
sanctum inuocantes Franciscum, ne in
suo seruitio sic horrendè mori hominem
pateretur: resumpto tandem corde, tan-
ta facilitate lapidem amouerunt, vt nul-
lus dubitaret virtutem affuisse Francisci.

Sur-

De his, quos à mortis periculo liberauit. 221
Surrexit homo incolumis in omnibus
membris, insuper & lumen recuperauit
limpidum oculorum, quod habuerat ob-
scuratum, vt omnibus daretur intelligi,
quam in rebus desperatis, Beati Francisci
merita validæ sint virtutis.

Simile quoddam accidit apud sanctum
Seuerinum in Marchia de Anchona. Dum
enim lapis prægrandis de Constantinopo-
li apportatus ad Basilicam Beati Francisci
multorum viribus traheretur, rapido lap-
su est super quendam trahentium deuolu-
tus. Cumque ille non solum crederetur
defunctus, sed etiam totaliter comminu-
tus, assistente sibi Beato Francisco, & la-
pidem subleuante absque omni læsione
sanus, & incolumis lapidis projecto pon-
dere profiliuit.

Bartholomæus Caietanus ciuis, cum
ad constructione cuiusdam Ecclesiæ Beati
Francisci non modicum desudaret, ruente
trabe quadam infirmiter posita, eiusque
opprimente ceruicem, fuit grauiter con-
quassatus. Ipse verò mortem sibi sentiens
imminentem, vti erat vir fidelis & pius,
à quodam Fratre viaticum postulauit.

Quod

222 *De his, quos à mortis periculo liberauit.*
Quod Frater ille tam celeriter afferre non
valens, quia mori subito credebatur: Beati
Augustini verba protulit, dicens ei:
Crede & manducaſti. Sequenti verò nocte
Beatus Franciſcus cum vndecim Fratribus
illi apparuit, & inter vbera portans
agriculum, ad lectum eius acceſſit, vocauitque
illum ex nomine dicens: Bartholomæe noli
timere, quia non præualebit aduerſum te
inimicus, qui te in meo ſeruitio voluit
impedire. Hic eſt agnus, quem tibi dari
petebas, quem & propter bonum deſiderium
ſuſcepisti, cuius etiam virtute conſequeris
vtriuſque hominis ſoſpitem. Et ſic per
vulnera manum ducens, ad opus quod
cœperat, eum redire præcepit. Qui valdè
manens conſurgens, & iſs qui eum ſemi
necem reliquerant incolumis, & lætus
apparens admirationem intulit & ſtuporem.
Sed & ipſorum mentes ad Beati Patris
reuerentiam & amorem, tam exemplo
ſui, quam Sancti miraculo excitauit.

Quidam de Caſtro Ceperani nomine
Nicolaus in manus inimicorum crudelium
incidit die quadam. Qui crudelitate
fera

De his, quos à mortis periculo liberauit. 223
ferali vulneribus eum super vulnera con-
cidentes vsque adeò super miserum se-
uierunt: donec vel extinctum crederent,
vel protinus extinguendum. Clamauerat
autem Nicolaus prædictus cum primos
istius exciperet alta voce, Sancte Franci-
sce succurre mihi, Sancte Francisce adiu-
ua me. Hanc vocem à remotis audierunt
quamplurimi, licet auxilium ferre non
possent. Deportatus tandem domum, to-
tus suo sanguine volutatus, fiducialiter
asserebat se mortem ex illis vulneribus
non visurum, nec etiam se tunc sentire
dolores, quoniam Sanctus Franciscus si-
bi succurrerat, & vt pœnitentiam ageret,
à Domino impetrauit. Quod & sequens
confirmauit euentus. Nam lotus à san-
guine, continuò contra humanam spem
extitit liberatus.

* Filius cuiusdam nobilis in castro San-
cti Geminiani valido languore detentus,
omnique vltèrius desperatus salute, ad
extremum vsque perductus est. Riuis ete-
nim sanguinis ab oculis eius emanabat,
sicut ex vena brachij assolet ebullire, cœ-
terisque propinquæ mortis veris inditijs,
in

224 *De his, quos à mortis periculo liberauit.*
in reliquo corpore apparentibus iudicabatur pro mortuo, sed & pro debilitate spiritus, & virtutis sensus, & motus usu priuatus, visus est penitus emigrasse. Congregatis autem ex more ad planctum parentibus, & amicis, ac de sola agentibus sepultura: Pater ipsius fiduciam habens in Domino, concito gressu ad Ecclesiam cucurrit Beati Francisci, quæ in eodem erat Castro constructa, & cingulo suspenso ad guttur, cum omni humilitate se prostravit in terram. Sicquæ vota, vouens, & multiplicans preces, suspirijs, & gemitibus meruit apud Christum, Sanctum Franciscum habere patronum. Reuersus itaque statim Pater ad filium, & sanitati restitutum inueniens, luctum in gaudium commutauit.

Simile quiddam meritis Sancti operatus est Dominus circa puellam quandam in Cathalonia de villa nomine Thamarit, & circa aliam de Anchona, quæ cum essent præ nimietate ægritudinis in ultimo spiritu constitutæ, Beatus Franciscus fideliter à parentibus inuocatus, perfectæ continuò restituit sanitati.

Cle-

De his, quos à mortis periculo liberauit. 225

Clericus quidam de Vico albo nomine Matthæus, veneno mortifero bibito in tantum fuit grauat, quod loqui aliquo modo non valens, solum finalem exitum expectabat. Sacerdos quidam, ut sibi confiteretur, admonuit, & verbum vnum ab eo extorquere non valuit. Ipse verò in corde suo humiliter Christum orabat, ut per Beati Francisci merita à mortis cum faucibus eripere dignaretur. Moxquē ut confortatus à Domino Beati Francisci nomen fidei deuotione deprompsit, testibus qui aderant, veneno euomito, liberatori suo gratias egit.

De liberatis à naufragio.

IN magno maris periculo positi quidam nautæ, cum per milliaria decem à Portu Barulitano distarent, ingrauescente nimium tempestate, iam de vita dubij anchoras submiserunt. Verum spiritu procellarum mari feruentius tumescente: fractis funibus, & relictis anchoris incerto, & inæquali cursu per æquora vagabantur. Tandem nutu diuino mari

placato, ad resumendas anchoras, quarum funes superius enatabant, toto se conamine parauerunt. Cumque id perficere proprijs viribus non valerent plurimorum Sanctorum inuocato subsidio, multisque iam sudoribus liquescentes, nec vnā per totam diem resumere potuerunt. Aderat autem nauta quidam perfectus nomine, sed moribus imperfectus, qui cum irrisione quadam dixit ad socios. Ecce Sanctorum omnium inuocastis auxilium, & vt videtis, nullus est qui succurrat. Inuocemus istum Franciscum, qui nouellus est sanctus, si quo modo in mare se emergat, & anchoras perditas reddat. Consenserunt cœteri, non irrisoriè, sed veraciter suasioni perfecti, & ipsius obiurgantes irrisorium verbum, firmauerunt cum sancto spontaneum votum: statimque in momento sine aliquo adminiculo natauerunt anchoræ super aquas, quasi ferri natura versâ foret in ligneam leuitatem.

Peregrinus quidam inualidus corpore propter febris peracutæ sinthomata, quam fuerat ante perpeffus: naui quadam sub-

uectus de vltamarinis partibus veniebat : Ferebatur autem, & ipse ad Beatum Franciscum præcipuo deuotionis affectu, & cum sibi apud cœlestem Regem elegerat aduocatum . Cum igitur nec dum perfectè liber à morbo, sitis angustiaretur ardoribus : deficiente iam aqua, coepit alta voce clamare . Ite fidenter, haurite poculum mihi, quia Beatus Franciscus vasculum meum aqua repleuit . Mirum certè . Inuenerunt vas aqua repletum, quod fuerat ante vacuum derelictum . Alio verò die cum tempestate suborta operiretur nauis fluctibus, & procellis quateretur perualidis : itaut iam naufragium timerent, coepit idem infirmus subito clamore vociferari per nauem . Surgite omnes (inquit) & Beato Francisco venienti occurrere . Ecce ad saluandum nos adest . Sicque cum voce magna, & lachrymis in faciem procidens adorauit . Statim ad Sancti visionem omnem sospitatem resumpsit infirmus, & maris fuit tranquillitas subsecuta .

Frater Iacobus Reatinus cum in nauicula parua fluuim quendam cum alijs Fra-

tribus pertransiret, socijs primo super ripa positus, postremò se ad exitum præparabat. Sed modico illo ligno per infortunium reuoluto, Rectore natante Frater merfus est in profundum. Inuocabant Fratres extra positi affectuosis precibus Beatum Franciscum, & vt filio succurreret lachrymosis gemitibus supplicabant. Submersus autem Frater de ventre gurgitis nimis immensi cum ore non posset, corde clamabat vt poterat, implorans pij Patris subsidium. Et ecce auxiliante sibi Beati Patris præsentia, per profundum sicut per aridam ambulabat, & demersam nauiculam capiens, cum ea peruenit ad littus. Mirabile dictu. Vestimenta eius madidata non sunt, nec aquæ gutta proximauit ad tunicam.

Frater Bonauentura nomine cum duobus viris per lacum quendam nauigans, confracta ex parte nauicula propter aquæ influentis impetum, demersus est cum naui & socijs in profundum. Cum autem de lacu miserię misericordem Patrem Franciscum inuocarent cum multa fiducia, super enatauit subito aqua plena naui-

uicula, & cum eis Sancto præbente ducatum, salubriter peruenit. ad portum. Sic & quidam Frater de Esculo submersus in flumine, Sancti Francisci meritis extitit liberatus. Sed & in lacu Reatino cum quidam viri & mulieres in consimili essent periculo constituti, ad inuocationem nominis Sancti Francisci de aquarum multarum periculoso naufragio salubriter euaserunt.

Quidam nautæ Anthonitani periculosa tempestate iactati, submersionis periculum iam videbant. Cumque sic desperati de vita Sanctum Franciscum suppliciter inuocarent, lumen in mari magnum apparuit, & cum ipso lumine tranquillitas concessa diuinitus, ac si Beatus vir sua miranda virtute & ventis imperare posset & mari. Quantis autem miraculorum prodigijs, Beatus hic Pater in mari claruerit & clarescat, quoties ibidem opem tulerit desperatis, nullatenus credo possibile per singula enarrare. Nec mirum, si iam regnanti in Coelis collatum est imperium super aquas, cui & in hac mortalitate degenti omnis corporea crea-

230 *De liberatis à vinculis, & carceribus.*
tura ad suam refigurata originem mirabiliter seruiebat.

*De liberatis à vinculis, &
carceribus.*

IN Romania græcum quendam cuiusdam domini seruientem, contigit de furto fallaciter accusari, quem dominus terræ in arcto carcere mandauit includi, & grauitè vinculari. Domina verò domus miserta serui, quem indubitanter credebat à culpa sibi imposita innocentem, pro liberatione ipsius apud virum precibus insistebat deuotis. Verùm non acquiescente viri sui duritia obstinata, recurrit domina supplex ad Sanctum Franciscum, & eius pietati voto commendauit infontem. Protinus affuit miserorum adiutor, & virum in carcere positum misericorditer visitauit. Soluit vincula, carcerem fregit, innocentem manibus apprehensum foras eduxit, & ait. Ego sum ille, cui domina tua te deuote commisit. Cumque ille timore magno corripereetur, & pro descensu altissimæ rupis voraginem

nem circuiret, subito liberatoris sui virtute inueniens se in plano, redijt ad dominam suam, relataque per ordinem miraculi veritate deuotam dominam ad Christi amorem, & reuerentiam serui eius Francisci feruentius inflammauit.

In Massa Sancti Petri cuidam militi debebat pecuniæ quantitatem pauperculus quidam. Cumque præ inopia facultas non suppeteret persoluendi, captus debitor à milite repetente, misereri sibi orabat suppliciter, dilationem quærens amore Beati Francisci, spreuit superbus miles preces oblatas, & sancti amorem veluti inane quid inaniter vilipendit. Nam ceruicose respondens, tali te (ait) loco recludam, & tali retrudam carcere, quod nec Franciscus nec aliquis te poterit adiuuare. Tentauit quod dixit. Carcerem adinuenit obscurum, in quo hominem vinculatum coniecit. Paulopost affuit Beatus Franciscus & confractione carcere, ruptisque compedibus, illesum hominem reduxit ad propria. Sic fortitudo Francisci militem prædata superbum, captiuum qui se sibi subiecerat, liberauit à malo, militisque

232 *De liberatis à vinculis, & carceribus.*
proterui admirando miraculo in mansuetudinem commutavit.

Albertus de Aretio cum in vinculis atrocissimis teneretur pro debitis iniuste ab eo petitis, suam innocentiam Sancto Francisco humiliter commendavit. Ordinem quidem Fratrum Minorum plurimum diligebat, & Sanctum Franciscum inter Sanctos speciali venerabatur affectu. Dixit autem creditor suus voce blasfema quam nec Franciscus, nec Deus posset eum de suis manibus liberare. Factum est itaque in vigilia Sancti Francisci cum vincus ille nihil comedisset, sed ob sancti amorem victum suum cuidam tribuisset egeno, nocte veniente apparuit ei vigilantibus Sanctus Franciscus. Ad cuius ingressum vincula de pedibus, & catenæ de manibus ceciderunt. Sponte aperta sunt hostia, profluerunt tabulæ de solaris, & liber abscessit homo, ad propria rediens. Implevit ex tunc votum, ieiunans vigiliam Beati Francisci, & cerco quem annuatim consuevit offerre in accrescentis deuotionis indicium, annuatim unam unciam superaddens.

Re-

Residente in sede Beati Petri Domino Gregorio Nono, quidam Petrus nomine de ciuitate Alisia, de hæresi accusatus, Romæ captus est, & de mandato eiusdem Pontificis ad custodiendum traditus Episcopo Tiburtino. Quem sub pœna Episcopatus accipiens, compedibus alligauit, obscuroque ipsum carcere ne posset effugere, fecit includi, panem ei præbens in pondere, & poculum in mensura. Cœpit autem homo ille Beatum Franciscum ad sui miserendum multis precibus & fleatibus inuocare, eo quod audierat solennitatis eius iam adesse vigiliam. Et quoniam Fidei puritate omnem abdicauerat hæreticæ prauitatis errorem, totaque cordis deuotione adhæserat fidelissimo Christi seruo Francisco intercedentibus ipsius meritis à Domino meruit exaudiri. Instante enim iam nocte suæ festiuitatis, circa crepusculum Beatus Franciscus in carcerem miseratus descendit, & illum suo nomine vocans, vt citò surgeret imperauit. Qui timore perterritus, quis nam esset interrogans, Beatum Franciscum adesse audiuit. Cumque virtute præsentia

tiæ

234 *De liberatis à vinculis, & carceribus.*
tiae viri Sancti, vincula pedum suorum
confracta conspiceret cecidisse, & tabu-
las carceris clavis vltro profilientibus ape-
riri, & apertum iter sibi ad exeundum
præberi, solutus tamen & obstupefactus
fugere nesciebat, sed ad ianuam clamans,
custodes omnes perterrituit. Qui cum
eum liberatum à vinculis Episcopo nun-
ciaissent post intellectum ordinem rei, ad
carcerem Pontifex deuotus accessit, & ma-
nifestè Dei virtutem cognoscens, Domi-
num adorauit ibidem. Vincula quoque
coram Domino Papa & Cardinalibus de-
lata fuerunt, qui videntes quod factum
fuerat admirati plurimum benedixerunt
Deum.

Guidolottus de Sancto Geminiano fal-
so accusatus fuit, quod veneno intere-
merat quendam virum, & quod eodem
genere mortis, filium eiusdem viri & vni-
uersam eius Familiam proposuerat ene-
care. Captus proindè à Potestate terræ
gravissimis vinculis aggrauatus, in turri
quadam reclusus est. Ipse verò fiduciam
habens in Domino, pro sua innocentia,
quam sciebat, causam commisit Beati

Fran-

Francisci patrocinio defendendam. Ex-
cogitante igitur Potestate qualiter crimi-
nis obiecti confessionem eliceret per tor-
menta, qualibusque pœnis confessum fa-
ceret interire nocte illa cum mane ad cru-
ciatus deberet adduci, Sancti Francisci
præsentia extitit visitatus, & immenso lu-
minis fulgore vsque mane circumdatus,
repletusque gaudio & fiducia multa, se-
curitatem euasionis accepit. Aduenerunt
mane tortores, & eductum de carcere
eculeo suspenderunt, aggrauantes super
eum multa pondera ferri. Depositus est
pluries, & iterum eleuatus, vt pœna
pœnæ succedente citius ad confessionem
criminis arceretur. Sed spiritu innocen-
tiæ latabatur in vultu, nullam mœsticiam
prætexens in pœnis. Deindè accensus
est ignis sub ipso non modicus, nec pro-
pterea capillus est læsus, cum tamen ca-
pite dependeret ad terram. Tandem bul-
liente oleo superfusus, virtute patroni cui
se commiserat defendendum hæc omnia
superavit, & sic dimissus liber saluus ab-
scessit.

QUædam Comitissa in Sclauonia , sicut nobilitate illustris , sic & emula probitatis erga Sanctum Franciscum deuotione flagrabat , erga Fratres verò sedula pietate . Tempore verò partus du-ros perpeffa dolores , tanta fuit angustia molestata , vt prolis futurus ortus , præfens videretur matris occasus . Non videbatur infantem eniti posse ad vitam , nisi expiraret è vita , nec tali nixu parere , sed perire . Subuenit cordi eius Sancti Francisci fama , virtus , & gloria , excitatur fides , inflammatur deuotio . Conuertit se ad auxilium efficax , ad fidum amicum ad deuotorum solatium , refugium afflictorum . Sancte Francisce (inquit) pietati tuæ supplicant omnia ossa mea , & mente voueo quod explicare non possum . Mira celeritas pietatis . Finis dicendi , finis fuit dolendi , parturiendi meta , pariendi principium . Statim enim omni cessante præssura partum ædidiit cum salute . Non fuit immemor voti , non propositi refuga . Ecclesiam quandam pulchram
con-

construi fecit, & constructam ad Sancti honorem Fratribus assignauit.

In partibus Romanis mulier quædam Beatrix nomine vicina partui, cum per dies quatuor fœtum in ventre portaret extinctum, multis infœlix agitabatur angustijs, & exitialibus doloribus vrgebatur. Mortuus fœtus Matrem cogebat ad mortem, & nondum in lucem productum abortiuum, publicum Matri periculum pariebat. Tentabat Medicorum auxilium, sed omne humanum remedium laborabat in vanum. Sic de primis maledictionibus Eux copiosius aliquid declinarat in miseram, vt sepulchrum facta conceptus, sepulchrum pro certò proximum expectaret. Fratribus tandem Minoribus per internuncios tota se deuotione committens, suppliciter aliquid de Sancti Francisci reliquijs fide plena poposcit. Contigit nutu Diuino aliquantulum inueniri de corda, qua fuerat Sanctus quandoque præcinctus. Mox vt super dolentem posita, corda fuit, omnis facillime solutus est dolor, mortis causa mortuus fœtus emissus, pristina sanitas restituta.

Cuiusdam de Caruio nobilis viri vxor Iuliana nomine, pro filiorum morte annos trahebat lugubres, & continue infelices deplorabat euentus, pro eo quod omnes quos cum præssura portauerat filios, modico interiecto tempore cum vehementiori dolore sepulturæ tradiderat. Cum igitur quatuor mensium conceptum haberet in vtero, magisque propter euentus præteritos de conceptæ prolis sollicitaretur obitu, quam de ortu Beatorum Patrem Franciscum pro vita nondum nati foetus fideliter precabatur. Ecce autem nocte quadam dormienti sibi mulier quædam apparebat in somnijs, formosum puerulum gestans in manibus, illumque lætissime offerebat eidem. Cum verò illa recipere recusaret, quem statim formidabat amittere, mulier illa subiunxit, secure suscipias, quia quem tuo mœrori compatiens sacer mittit Franciscus, vitam viuet, & sospitate gaudebit. Statim euigilans mulier, intellexit per ostensam sibi cœlitus visionem Beati Francisci sibi adesse suffragium; ex tunc abundantiori completa lætitia, pro suscipienda prole

iuxta promissum multiplicauit preces, & vota promisit. Impletum est denique tempus pariendi, & peperit foemina masculum, qui iuuenilis robore florens ætatis, tanquam per Beati Francisci merita fomentum susciperet vitæ, incitamentum parentibus præbuit ad Christum, & secundum eius deuotionis affectus. Simile quiddam huic in Tyburis ciuitate Sanctus Pater effecit. Cum enim mulier quædam filias plurimas peperisset, desiderio prolis fatigata virilis, apud Sanctum Franciscum preces ingeminauit & vota. Concepit igitur eius meritis mulier illa, & geminos ei parere dedit, qui pro vno fuerat exoratus.

Apud Viterbium partui propinqua mulier, morti propinquior censebatur, visceralibus tormentata doloribus, & tota calamitosa in infortunijs mulierum. Cumque naturæ succumbente virtute, omnis deficeret artis industria, inuocato Beati Francisci nomine, liberata confestim mulier, partum salubriter terminauit, sed assecuta quod voluit, & oblita beneficij quod accepit, honorem Sancto non

non deferens, die natalis ipsius ad opera
 seruilis manus extendit. Et ecce subito
 dextrum brachium ad laborem extensum
 inflexibile remansit & aridum. Quod cum
 studeret ad se reuocare cum altero, ultio-
 ne consimili, & illud exaruit. Timore igitur
 Diuino correpta mulier, reintegrauit
 votum, vsunque membrorum, quem pro-
 pter ingratitude amiserat, & contem-
 ptum, per misericordis & humilis Sancti
 merita, cui se iterato deuouit, recupera-
 re promeruit.

Mulier quædam de partibus Aretinis,
 cum per septem dies partus discrimina
 sustineret, & iam in nigredinem versa,
 desperata esset ab omnibus, votum fecit
 Beato Francisco, & eius coepit moriens
 auxilium inuocare. Emissio autem voto,
 celeriter obdormiuit, viditque in som-
 nijs Beatum Franciscum se dulciter allo-
 quentem, ac requirentem vtrum faciem
 ipsius agnosceret, & an Antiphonam illam
 Virginis gloriosæ. Salue Regina miseri-
 cordiæ, sciret, ad honorem huius Virgi-
 nis recitare. Qua respondente se habe-
 re notitiam de vtrisque. Incipe ait San-

ctus Antiphonam sacram, & antequam compleas, paries cum salute. Ad hanc vocem euigilauit mulier, & cum timore coepit dicere. Salue Regina misericordiae. Cumque illos misericordes oculos praearetur, fructumque commemoraret vteri virginalis, continuo cunctis liberata praessuris infantem peperit speciosum, gratias agens Reginae misericordiae, quae per Beati Francisci merita ipsius fuerat dignata misereri.

De caecis illuminatis.

IN Conuentu Fratrum Minorum Neapoli: cum quidam Frater Robertus nomine: caecus annis plurimis extitisset: creuit in oculis eius caro superflua: motum, & vsum impediens palpebrarum. Cum igitur Fratres forenses ad diuersas mundi partes tendentes, ibidem plurimi conuenissent, beatus Pater Franciscus speculum obedientiae sanctae: vt eos miraculi nouitate hortaretur ad iter: praedictum Fratrem ipsis praesentibus tali modo curauit. Iacebat nocte quadam Frater

Robertus prædictus æger ad mortem ,
 iamque sibi fuerat anima commendata :
 & ecce astitit ei beatus Pater cum tribus
 Fratribus omnisanctitate perfectis , vide-
 licet Sancto Antonio , Fratre Augustino ,
 & Fratre Iacobo de Assisio : qui sicut eum
 perfectè fuerant secuti dum viuerent , ita
 & ipsum alacriter comitabantur post mor-
 tem . Accipiens cultellum Sanctus Fran-
 ciscus carnem superfluum rescavit , lu-
 men restituit pristinum , & à mortis eum
 fauce reduxit : dixitque illi : fili Roberte
 gratia quam tecum feci , signum est Fra-
 tribus ad remotas nationes euntibus , quod
 ego præcedam eos : & ipsorum dirigam
 gressus . Vadant inquit gaudentes , &
 iniunctam obedientiam alacri animo exe-
 quantur .

Apud Thebas in Romania , mulier cæ-
 ca vigiliam Sancti Francisci in pane tan-
 tum , & aqua ieiunans , ad Ecclesiam Fra-
 trum Minorum summo mane festiuitatis à
 viro suo perducta est . Quæ dum Missa
 celebraretur , in elevatione Corporis Chri-
 sti oculos aperuit : clarè vidit , deuotissimè
 adorauit . In ipsa vero adoratione voce
 ma-

magna proclamans , gratias (inquit) Deo & Sancto eius : quia video Corpus Christi . Omnibus , qui aderant in voce exultationis conuersis : post sacrorum expletionem reuersa est mulier in domum suam cum gaudio spiritus, & lumine oculorum. Exultabat quidem mulier non solum, quia lucis corporeæ recuperarat aspectum : verum etiam quia Sacramentum illud mirificum quod est lumen animarum , verum, & viuum respectu primario per Beati Francisci merita fidei suffragante virtute meruerat intueri .

In Campania puer quidam quatuordecim annorum de castro Pophis subita vexatus angustia : sinistrum oculum amisit ex toto . Passionis acerbitas sic de loco suo propulit oculum : quod per octo dies extra neruo relaxato longitudine digiti vnus ad maxillas dependens , penè aridus est effectus . Sed cum sola superesset abscissio : & à medentibus foret penitus desperatus : pater eius ad auxilium Beati Francisci tota se mente conuertit . Non defuit ille indefessus miserorum adiutor precibus supplicantis . Nam oculum ari-

dum mirabili virtute in locum suum , pristinumq; vigorem restituit : & lucis optatæ radijs illustrauit .

In eadem Prouincia apud Castrum magni ponderis lignum ex alto proruit , & cuiusdam Sacerdotis caput grauissimè quassans , sinistrum oculum excæcauit . Qui humi deiectus cœpit alta voce Sanctum Franciscum luctuosè clamare dicens . Succurre Pater Sanctissime , vt ad festum tuum ire valeam , sicut Fratribus tuis ire promisi . Erat enim Vigilia Sancti , qui statim exurgens : peroptimè liberatus , in vocem prorupit laudis , & gaudij : & circumstantes omnes , qui eius miseriæ condolebant , in stuporem conuertit , & iubilum . Iuit ad festum , narrans omnibus : quam in se experrus fuerat clementiam , & virtutem .

Vir quidam de Monte Gargano dum in vinea sua laborans , lignum quoddam ferro succideret proprium percussit oculum : & sic diuisit per medium : vt quasi media pars ipsius exterius dependeret . Cumque in tam desperato periculo desperaret sibi posse per hominem subueniri;

ri: ieiunaturum se in festo Sancti Francisci, si ei succurreret repromisit. Statim in loco debito viri oculum sanctus Dei restituit, sicque diuisum reiunxit: & lumine pristino decorauit: vt nullius læsionis vestigia remanerent.

Filius cuiusdam nobilis viri à natiuitate cæcus, meritis Sancti Francisci lumen accepit optatum. Qui nomen ab euentu sortitus Illuminatus vocatus est. Assumpsit postea cum in ætate esset Ordinem Beati Francisci: accepti beneficij non ingratus, tantumque profecit in lumine gratiæ, & virtutis: vt veræ lucis filius videretur. Tandem beati Patris promerentibus meritis, sanctum initium sine sanctiori concludit.

In Zachanto quod est Castrum iuxta Ananiam. Miles quidam Girardus nomine, oculorum lumen ex toto perdiderat. Accidit autem vt duo Fratres Minores ab exteris partibus venientes ad domum ipsius hospitaturi diuerterent. Suscepti itaque deuotè propter reuerentiam Sancti Francisci à familia tota, & cum omni benignitate tractati: gratias agentes Deo,

& hospiti, ad locum Fratrum deuenere vicinum . Nocte igitur quadam Beatus Franciscus vni Fratrum illorum in somnis apparuit dicens . Surge, festina cum socio ad domum hospitis nostri : qui Christum, & me suscepit in vobis . Volo enim beneficia rependere pietatis . Cæcus quidem effectus est suis promerentibus culpis, quas pœnitentiali non studuit confessione purgare . Disparente quoque patre : Frater festinus surrexit, vt mandatum cum socio celeriter adimpleret . Venientesque ad hospitis domum : cuncta quæ viderat alter per ordinem narrauerunt eidem . Stupuit vir ille non modicum, & vniuersa quæ dicebantur, vera esse confirmans : compunctus ad lachrymas, confessus est libens . Tandem correctione promissa, interiorique homine taliter renouato : exteriorem continuo recuperauit aspectum . Huius miraculi fama circumquaque diffusa : non solum ad reuerentiam Sancti : verum etiam ad confessionem humilem peccatorum, & hospitalitatis gratiam plurimos incitauit .

De liberatis à diuersis infirmitatibus .

A Pud castrum Plebis , iuuenis quidam mendicus surdus erat , & mutus à natiuitate sua . Qui linguam adeò curtam habebat , ac tenuem : quod multoties exquisita à pluribus , præcisa penitus videretur . Vir quidam Marcus nomine : ipsum propter Deum suscepit hospitio . Qui cum sibi benefacere sentiens , cœpit cum ipso assiduus demorari . Sero quodam cum prædictus vir cœnaret cum coniuge : astante puero coram eis : dixit uxori . Hoc ego maximum miraculum reputarem : si Beatus Franciscus huic auditum redderet , & loquelam . Et adiecit : Voueo Deo quod si hoc Sanctus Franciscus dignabitur operari : propter amorem suum huic puero expensas conferam donec viuet . Mirum certè . Subito lingua creuit : & locutus est dicens : Gloria Deo , & Sancto Francisco , qui mihi loquelam præbuit , & auditum .

Frater Iacobus de Iseo : cum puerulus esset in domo paterna , rupturam incurrit

248 *De liberatis à diuersis infirmitatibus*
corporis valde grauem . Superno vero
afflatus spiritu, licet esset iuuenis, & in-
firmus Ordinem Sancti Francisci deuotus
intrauit: nulli tamen qua vrgebatur infir-
mitate detexit. Factum est autem cum
corpus Sancti Francisci transferetur ad
locum, vbi pretiosus sacrorum ossium,
eius nunc thesaurus est conditus: affuit &
tunc dictus Frater translationis gaudijs, vt
glorificati iam Patris corpori honorem
debitum exhiberet. Et appropinquans
tumbæ, in qua ossa sacra fuerant colloca-
ta: prædeuotione spiritus sacrum tumu-
lum complexatus: subito miro modo ad
loca debita partibus reuocatis sanum se
sensit: succintorium deposuit, & ex tunc
ab omni dolore præterito liber fuit: ab
infirmitate quoque consimili. Frater Bar-
tholus de Eugubio: Frater Angelus de
Tuderto: Nicolaus Sacerdos de Stichano:
Ioannes de Fora: vir quidam de Pi-
sis: & alius de Castro Cisternæ: Petrus
quoque de Sicilia: & homo quidam de
Castro Spelli iuxta Assisum: & quamplu-
res alij, per Dei misericordiam, & Beati
Francisci merita extiterunt mirabiliter li-
berati.

In

In Maritima mulier quædam mentis alienationem per quinquennium passa : visu , & auditu priuata est : indumenta dilaniabat dentibus , ignis , & aquæ periculum non timebat : & caduci morbi ad summum incurrerat horribilem passionem . Nocte vero quadam cum disponderet sibi diuina misericordia misereri , salutaris fulgore lucis superillustrata diuinitus : vidit Beatum Franciscum super solium sedere sublime : ante quem prostrata, sanitatem suppliciter exposcebat . Illo vero nondum fauente precibus : firmauit mulier votum : promittens pro Dei amore , ac Sancti petentibus , donec haberet , eleemosynam non negare . Illico Sanctus pactum recognouit , quod olim cum Domino fecerat simile , & signans eam Crucis signaculo : integram sibi restituit sanitatem . A consimili passione puellam quandam de Nursia , & filium cuiusdam nobilis viri , & alios quosdam : relatione viridica compertum est Sanctum Dei Franciscum misericorditer liberasse .

Petrus de Fulgineo ad visitandum limina Beati Michaelis quodam tempore per-

250 *De liberatis à diuersis infirmitatibus.*
pergens, dum minus reuerenter peregrinationem peregit fontis cuiusdam aquam degustans: à dæmonibus est inuasus. Et exinde per tres annos obsessus, discerpebatur in corpore: pessima loquens, & horrenda prætendens: habens aliquando lucida interualla: beati virtutem quam efficacem audierat ad effugandas aëreas potestates humiliter requisit: & ad sepulchrum pij Patris accedens: mox vt illud contigit manu à dæmonibus crudeliter cum discerpentibus mirificè liberatus fuit. Simili etiam modo: mulieri cuidam de Narnio habenti dæmonium misericordia Francisci subuenit: & alijs pluribus, quarum vexationum angustias: & curationum modos longum esset per singula enarrare.

Vir quidam nomine Bonus homo de ciuitate Fani, paraliticus, & leprosus ad Ecclesiam Beati Francisci à parentibus deportatus, vtriusque morbi plenam consecutus est sanitatem. Sed & alius iuuenis quidam Acto nomine de Sancto Seuerino totus leprosus: voto emisso, & ad sepulchrum Sancti delatus: meritis ipsius à lepra

De liberatis a diuersis infirmitatibus. 251
pra mundatus est. Habuit quidem Sanctus supra huiusmodi morbo curando præcellentem virtutem : pro eo quod humilitatis, & pietatis amore leproforū obsequijs semetipsum humiliter deputarat.

Nobilis quædam mulier Rogata nomine, in Episcopatu Sorano per 23. annos fluxu sanguinis fatigata, sed à quampluribus Medicis quamplurima mala perpeffa. Præ nimietate quidem languoris sæpiùs videbatur mulier expirare. Sed si quando fluxus huiusmodi stringebatur, tumescebat corpore toto. Audiens autem quendam puerum Romano sermone canentem miracula, quæ Deus per Beatum Franciscum fuerat operatus, nimio dolore commota, tota prorupit in lachrymas : sicque intra se fide accensa dicere cœpit. O Beate Pater Francisce qui tantis coruscas miraculis, si me digneris ab hac ægritudine liberare : magna tibi accrescet gloria : quoniam adhuc tantum miraculum non fecisti. Quid plura? his dictis, sensit se Beati Francisci meritis liberatam. Filium quoque ipsius Marcum nomine, qui brachium habebat contractum:

ctum : Sanctus Franciscus voto ad ipsum emisso, sanauit . Fœminam etiam quandam de Sicilia per septennium fluxu sanguinis fatigatam, beatus Christi signifer saluam fecit .

In Vrbe Romana Praxedis quædam nomine Religiositate famosa, quæ à renella ætate propter æterni Sponsi amorem arcto se carcere per quadraginta iam fere annos abdiderat apud Beatum Franciscum : gratiam promeruit spiritualem . Nam cum die quadam pro rebus opportunis solarium suæ cællulæ conscendisset, & impulsione fantastica corruens, cum fractum haberet pedem cum crure, & humerum appositione debita sequestratum : apparuit ei benignissimus Pater vestimentis gloriæ candidatus, & dulcibus affatibus alloqui cœpit eandem, surge (inquit) filia benedicta, surge ne timeas, & apprehensa manu ipsius alleuans eam, disparuit . Ipsa vero per cellulam suam huc atque illuc se conuertens, putabat se visum videre vsque quo ad clamorem ipsius apportato iam lumine, perfecte se sentiens per Seruum Dei Franciscum esse sanatam,

De non obseruantibus festum &c. 253
cuncta quæ acciderant, per ordinem narrauit .

*De non obseruantibus festum, & non
honorantibus Sanctum.*

IN Pitauix partibus in Villa quæ Symo:
dicitur Sacerdos quidam Reginaldus
nomine Beato Francisco deuotus, festum
ipsius Parochianis suis indixerat solemni-
ter celebrandum. Vnus autem de popu-
lo ignorans Sancti virtutem, sui paruipen-
dit Sacerdotis mandatum. Egressus autem
foras in agrum, vt ligna succideret, cum
se præparasset ad opus, vocem audiuit
huiusmodi ter dicentem: Festum est, ope-
rari non licet. Verum cum nec imperio
Sacerdotis, nec supernæ vocis oraculo
seruilis temeritas frenaretur, addidit di-
uina virtus ad gloriam Sancti sui sine mo-
ra miraculum, & flagellum. Mox enim vt
furcam vna manu iam tenens, alteram cum
ferreo instrumento leuauit ad opus, sic di-
uina virtute vtraque manus vtrique instru-
mento cohæsit, vt ad neutrius dimissionem
digitos aliquatenus relaxare valeret. Ex
quo

quo stupefactus nimis, & quid ageret
nesciens ad Ecclesiam multis vndique ad
videndum prodigium occurrentibus pro-
perauit. Vbi mente compunctus ante
Altare, quodam ex assistentibus Sacer-
dote monente (plures quippe ad festum
vocati conuenerant Sacerdotes) Beato
Francisco humiliter se deuoui: tria sicut
ter vocem audierat vota vouens: quod
scilicet festum ipsius coleret: quod ad il-
lam in qua tunc erat, Ecclesiam in festo
veniret: & quod sancti corpus personali-
ter visiteret. Mirum certè relatu. Vno
emisso voto, vnus digitus factus est liber:
ad secundi emissionem solutus est alius:
sed tertio facto voto laxatus est tertius: &
postmodum tota manus, necnon & altera
subsequenter, populo qui iam multus ad-
uenerat: Sancti clementiam deuotissimè
implorante. Sic homo pristinae redditus
libertati, per seipsum instrumenta depo-
suit cunctis laudantibus Deum: virtu-
temque Sancti mirificam, qui tam mira-
biliter percutere poterat, & sanare. Ipsa
vero instrumenta vsque hodie coram Al-
tari ad honorem Beati Francisci fabrica-

to ibidem in memoriam Sancti dependent.
Plura quoque illic, & in locis vicinis patrata miracula, & Sanctum in coelis ostendunt eximium, & festum ipsius in terris venerabiliter excolendum.

In ciuitate quoque Cenomanensi, dum in solemnitate Sancti FRANCISCI mulier quædam manus ad colum extenderet, & digitis apprehenderet fusum: obrigescentibus manibus, coeperunt digiti magnis ardoribus cruciari. Igitur poena docente Sancti recognoscens virtutem, corde compuncta cucurrit ad Fratres. Cumque pro salute ipsius deuoti filij sancti Patris clementiam præcarentur, incolumis effecta est statim: nec aliquid læsionis remansit in manibus, nisi ad facti memoriam solum vestigium combusturæ. Simili etiam modo in Campania maiori mulier quædam, & in Villa Oleti mulier altera, & in Castro Pylei tertia: dum Beati Patris festum celebrare contemnerent: præuaricantes primum mirabiliter sunt punitæ, sed postmodum poenitentes per Sancti Francisui merita mirabilius liberatæ.

Miles quidam de Burgo in Prouincia
Mas-

Massæ : Beati Francisci operibus , & miraculorum signis impudentissimè detrahebat . Inferebat multa opprobria peregrinis ad ipsius memoriam venientibus : & contra Fratres publica garriebat infania . Cum autem semel Sancti Dei gloriam impugnaret , addidit super peccata sua blasphemiam detestandam . Si verum est inquit , quod Franciscus iste sit Sanctus , gladio cadat hodie corpus meum . Si vero sanctus non est , euadam incolumis . Non distulit ira Dei condignum inferre supplicium : cum iam facta fuisset oratio in peccatum . Mora enim modica interiecta , dum blasphemus nepoti suo inferret iniuriam , accepit ille gladium , & patru visceribus cruentauit . Eodem die mortuus est sceleratus , inferni mancipium , & filius tenebrarum : vt cæteri discerent miranda Francisci opera non blasphematorijs verbis impetere , sed deuotis laudibus honorare .

Iudex quidam nomine Alexander , dum à Beati Francisci deuotione quos poterat venenata lingua retraheret , diuino iudicio lingua priuatus , per sex annos obmutuit

tuit. Qui cum in eo quod peccauerat torqueretur, alta poenitudine reuocatus dolebat se contra Sancti miracula oblatrasse. Itaque non perstitit misericordis indignatio Sancti, sed poenitentem, ac se humiliter inuocantem restituta loquela recepit, & gratiam. Ex tunc linguam blasphemam, consecrauit laudibus Sancti, deuotionem simul, & disciplinam recipiens per flagellum.

De quibusdam alijs miraculis diuersorum generum.

IN Castro Galiani Valuenss Diocesis: mulier quædam erat nomine Maria, quæ Christo IESV, & Beato Francisco famulatu deuoto subiecta, vna dierum æstiuo tempore exijt, vt manibus conquireret proprijs necessarium victum. Cum igitur feruente nimium æstu, sitis deficere cœpisset ardoribus, omni priuata beneficio potuli pro eo quod in monte arido sola esset, quasi exanimis humi prostrata, patronum suum Sanctum Franciscum inuocabat pio mentis affectu. Dum autem perseueraret

R

mu-

mulier in affectuosa, & humili prece, labore, ſiti, & eſtu fatigata quamplurimum paululum obdormiuit. Et ecce Sanctus Franciſcus adueniens, & eam vocans ex nomine: Surge inquit, & bibe aquam, quæ diuino munere tibi ac pluribus exhibetur. Ad huius vocis auditum ſurrexit mulier à ſomno, non modicum confortata, & accipiens ſilicem, quæ iuxta ſe erat, radicitus euulſit à terra, effodienſque ligno paruulo circumquaque, viuentem reperit aquam, quæ cum primo videretur paruula ſtilla, ſubito diuina virtute creuit in fontem. Bibit itaque mulier, & ſatiata oculos lauit, quos cum longa priùs haberet ægitudine obumbratos, noua ex tunc ſenſit luce perſuſos. Feſtinauit ad domum mulier tam ſtupendum miraculum ad gloriam Sancti Franciſci denuntians vniuerſis. Concurrunt vndique multi ad miraculi famam, experientia magiſtra diſcentes mirabilem illius aquæ virtutem, dùm ad ipſius contactum confeſſione præmiſſa, à varijs morborum cladibus plurimi liberabantur. Perſeuerat vſque hodie fons ibi perſpicuus, & in honorem Beati Franciſci ibidem

De miraculis diuerſorum generum. 259
dem Oratorium eſt conſtructum.

In Hiſpania apud Sanctum Facundum :
viri cuiuſdam ceraſum arefactam ad viro-
rem frondium, ſlorum, & fruſtum contra
ſpem mirabiliter reuocauit. Incolas quo-
que Terræ apud Vileſios : à vermium pe-
ſte corrodentium vineas circumquaque
miraculoſo ſuffragio liberauit. Sacerdo-
tis cuiuſdam iuxta Palentiam horreum,
quoddam, quod vermibus frumentarijs
repleri quolibet anno ſolitum fuerat, ſibi
fideliter commendatum penitus expurga-
uit. Terram quoque Domini cuiuſdam de
Petramala in Regno Apuliæ ſibi ſupplici-
ter commendatam, ab odioſa peſte bruco-
rum penitus ſeruauit indemnem, cum ta-
men in circuitu omnia eſſent prædicta pe-
ſtilentia deuorata.

Vir quidam Martinus nomine: cum lon-
gè à Caſtro ſuo bones minaſſet ad paſcua,
crus vnius bouis caſu quodam ſic fuit de-
ſperatè conſractum, vt nihil eſſet ſibi de re-
medio aliquo cogitandum. Dùm autem
pro decoratione foret ſolicitus, & inſtru-
mentum, cum quo id faceret non haberet:
domum reuerſus Beato Francisco bouis

curam reliquit, ipsumque fideli sanctę custodię fiducialitęr commendauit : ne antę suum reditum deuoraretur a lupis. Summo itaque mane ad bouem in sylua relictum cum excoriatore reuersus, pascentem ipsū ita reinuenit incolumen, quod nequaquam crus fractum ab altero discernebat . Grati-
as egit bono pastori , qui diligentem de boue suo curam habuit, & medelam dona-
uit. Succurrere nouit humilis Sanctus om-
nibus inuocantibus ipsum : nec quantum-
cunque paruas necessitates hominum de-
dignatur . Nām viro cuidam de Amiter-
no iumentum restituit furto sublatum .
Mulieri cuidam de Interduco catinum
nouum in multas partes casu diuisum in-
tegrę reparauit . Viro etiam cuidam de
Monte Vlmi in Marchia consolidauit vo-
merem in frustra confractum .

In Sabinensī Dioecesi Verula quedam
octogenaria erat , cuius filia moriens la-
tente infantulum dereliquit. Cum igitur
canus paupercula plena esset inopia, & va-
cua lacte, nullaque esset mulier, quę sitienti
paruulo lactis stillicidium iuxta quod exi-
gebat necessitas erogaret, quo se verteret

veru-

vetula penitus ignorabat. Debilitato verò infantulo, nocte quadam omni humano destituta subsidio, ad Beati Patris Francisci auxilium implorandum, lachrymarum imbrey perfusa, tota se mente conuertit. Affuit statim innocentis amator etatis, ego (inquiens) sum Franciscus ò mulier, quem cum tantis lachrymis inuocasti. Pone (ait) mammās tuas in ore pueruli, quoniam abundanter tibi lac Dominus dabit. Impleuit anus Sancti mandatum, & statim octogenariæ mammæ lactis copiam effuderunt. Innotuit omnibus mirabile Sancti donum, multis tam viris, quàm mulieribus accelerantibus ad videndum. Et quia quod testabantur oculi lingua impugnare non poterat, excitabantur omnes ad laudandum Deum, in Sancti sui virtute mirabili, & amabili pietate.

Apud Spoletum vir, & vxor vnicum habentes filium, quotidie illum velut hæreditarium opprobrium deplorabant. Brachijs siquidem collo connexis, iunctisque genibus pectori, & pedibus natibus alligatis, non hominis proles, sed monstrum quoddam potius videbatur. Vehemen-

tiori mulier ex hoc afflicta dolore, crebris gemitibus clamabat ad Christum Sancti Francisci auxilium inuocando, vt in fœlici sibi, & in tali opprobrio constitutæ succurrere dignaretur. Nocte igitur quædam cum propter huiusmodi tristitiam, tristis eam somnus arriperet. Apparuit ei Sanctus Franciscus pijs eam affatibus mulcens, insuper & suadens quod ad locum propinquum suo nomini dedicatum deferret puerum, vt ex aqua putei loci illius in nomine Domini superfusus, plenam reciperet sospitatem. Negligente autem illa Sancti adimplere mandatum. Secundo replicauit id ipsum. Tertio quoque apparens, mulierem cum puero vsque ad ianuam dicti loci præambulo ducatu perduxit. Superuenientes autem nobiles quædam matronæ deuotionis causa ad prædictum locum, eis à muliere præfata diligenter exposita visione, vna cum ipsa puerum fratribus præsentarunt, & haurientes aquam de puteo, earum nobilior proprijs manibus lauit infantem. Statim puer omnibus membris ad sua loca perductis, sanus apparuit, & magnitudo mira-

miraculi omnibus admirationem induxit.

In castro Chore Hostiensis diœcesis vir quidam sic crus ex toto perdiderat, vt nullo modo progredi, vel mouere se posset. Positus itaque in angustia vehemēti, & auxilio desperatus humano: cœpit nocte quadam, ac si præsentem cerneret Beatum Franciscum talem coram eo assumere materiam querelandi. Adiua me Sancte Francisce recolens meum seruitium, & deuotionem tibi impensam. Nam in asino meo te portaui, sanctos pedes tuos, & sanctas manus tuas osculatus fui, semper tibi deuotus, semper tibi beneuolus extiti, & ecce morior doloris huius durissimo cruciatu. His pulsatus querelis, statim affuit beneficiorum memor, & deuotionis gratus, & vigilanti viro cum vno fratre apparuit. Ad vocationem eius se venisse dixit, & tulisse remedia sanitatis. Tetigit locum doloris cum baculo paruulo, qui figuram thau in se habebat, & fracto mox apostemate, perfectam tribuit sanitatem. Et quod mirabilius est, sacrum signum thau impressum super locum sanati vlceris ad mi-

raculi memoriam dereliquit. Hoc signo Sanctus Franciscus suas consignabat litteras quoties charitatis causa scriptum aliquod dirigebat. Sed ecce dum per diuersa miracula gloriosi Patris Francisci mens narrationis varietate distracta decurrit, promerente ipso crucis glorioso signifero in signum salutis thau non sine diuina directione peruenit, vt ex hoc possimus aduertere, quod sicut crux militanti post Christum fuit sublimitas meriti ad salutem, sic & triumphanti cum Christo facta est firmitas testimonij ad honorem. Hoc quippe crucis mysterium magnum, & mirum, in quo charismata gratiarum, & merita virtutum, & thesauri sapientię, & scientię tam alta profunditate velantur, vt à mundi sapientibus, & prudentibus sit occulta, tam plenè fuit Christi paruulo reuelatum, vt omnis vita ipsius non nisi crucis vestigia sequeretur, non nisi crucis dulcedinem saperet, non nisi crucis gloriam prædicaret. Vere namque in suę conuersionis principio dicere cum Apostolo potuit. Mihi autem absit gloriari nisi in Cruce Domini nostri IESV CHRISTI. Non minus etiam

etiam verè in conuersationis progressu addere valuit. Quicumque hanc regulam secuti fuerint, pax super illos, & misericordia. Verissime autem in consummatione potuit subinferte. Stigmata Domini IESV in corpore meo porto. Sed & illud nos quotidie desideramus ab ipso audire. Gratia Domini Nostri IESV CHRISTI cum spiritu vestro fratres Amen.

Gloriare igitur iam securè in crucis gloria Christi signifer gloriose, quoniam à cruce incipiens secundum crucis regulam processisti, & tandem in cruce perficiens per crucis testimonium quantæ gloriæ sis in cœlo cunctis fidelibus innotescis. Securè iam te sequantur qui exeunt ex Ægypto, quia per baculum crucis CHRISTI mari diuiso deserta transibunt in repromissam viuentium terram, iordanum mortalitatis transmissio, per ipsius crucis mirandam potentiam ingressuri. Quo nos introducat verus populi ductor, & Saluator CHRISTVS IESVS Crucifixus per merita serui sui Francisci. Ad laudem, & gloriam vnius Dei, & Trini, qui viuit, & regnat in secula seculorum Amen.

[illegible]

INDEX CAPITVM.

Prologus . pag. 1.

C A P V T I.

De conuersatione eius in habitu seculari . pag. 7.

C A P V T II.

De perfecta conuersione eius ad Deum, & de reparatione trium Ecclesiarum . pag. 16.

C A P V T III.

De institutione Religionis, & approbatione Regulae . pag. 26.

C A P V T IV.

De profectu Ordinis sub manu ipsius, & confirmatione Regulae prius approbatae . pag. 39.

C A P V T V.

De austeritate vitae, & quomodo creaturae praebebant ei solatium . pag. 54.

C A P V T VI.

De humilitate, & obedientia, & de condescensionibus diuinis sibi factis ad nutum . pag. 68.

CAPVT VII.

*De amore paupertatis, & mira sep-
plectione defectuum.* pag. 82.

CAPVT VIII.

*De pietatis affectu, & quomodo ra-
tione carentia videbantur ad ipsum
affici.* pag. 97.

CAPVT IX.

*De feruore charitatis, & desiderio
martyrij.* pag. 113.

CAPVT X.

De studio, & virtute orationis. pag. 126.

CAPVT XI.

*De intelligentia scripturarum, &
spiritu prophetie.* pag. 136.

CAPVT XII.

*De efficacia predicandi, & gratia
sanitatum.* pag. 151.

CAPVT XIII.

De Stigmatibus Sacris. pag. 166.

CAPVT XIV.

*De patientia ipsius, & transitu mor-
tis.* pag. 180.

CAPVT XV.

*De canonizatione, & translatione
ipsius.* pag. 188.

I N D E X

MIRACVLORVM

Post mortem ipsius.

D <i>E virtute sacrorum Stigmatum.</i>	<i>pag.196.</i>
<i>De mortuis suscitatis.</i>	<i>pag.207.</i>
<i>De his quos à mortuis periculo liberavit.</i>	<i>pag.215.</i>
<i>De liberatis à naufragio.</i>	<i>pag.225.</i>
<i>De liberatis à vinculis, & carceribus.</i>	<i>pag.230.</i>
<i>De liberatis à periculo partus.</i>	<i>pag.236.</i>
<i>De cecis illuminatis.</i>	<i>pag.241.</i>
<i>De liberatis à diuersis infirmitatibus.</i>	<i>pag.247.</i>
<i>De non obseruantibus festum, & non honorantibus Sanctum.</i>	<i>pag.253.</i>
<i>De quibusdam alijs miraculis diuersorum generum.</i>	<i>pag.257.</i>

F I N I S.

REGESTVM.

* A B C D E F G H I K L
M N O P Q R



R O M Æ,
Ex Typographia Camerali, & Va-
ticana, MDCLXXXVI.

Superiorum permissu.







